



তিন গোয়েন্দা
ছায়াশ্বাপন
রকিব হাসান



ISBN 984-16-1274-7

প্রকাশক

কাজী আনোয়ার হোসেন

সেবা প্রকাশনী

২৪/৮ সেগুনবাগিচা, ঢাকা ১০০০

সরবরাত্রি: প্রকাশকের

প্রথম প্রকাশ: ১৯৯৪

প্রচ্ছদ: বিদেশি ছবি অবলম্বনে
রনবীর আহমেদ বিপুর

রচনা: বিদেশি কাহিনি অবলম্বনে

মুদ্রাকর

কাজী আনোয়ার হোসেন

সেগুনবাগিচা প্রেস

২৪/৮ সেগুনবাগিচা, ঢাকা ১০০০

হেড অফিস

সেবা প্রকাশনী

২৪/৮ সেগুনবাগিচা, ঢাকা ১০০০

দূরলাপন: ৮৩১ ৪১৮৪

মোবাইল: ০১১-৯৯-৮৮৪০৫৫

জি. পি. ও. বক্স: ৮৫০

E-mail: sebaprok@citechco.net

Web Site: www.ancbooks.com

একমাত্র পরিবেশক

প্রজাপতি প্রকাশন

২৪/৮ সেগুনবাগিচা, ঢাকা ১০০০

শো-রুম

সেবা প্রকাশনী

৩৬/১০ বাংলাবাজার, ঢাকা ১১০০

প্রজাপতি প্রকাশন

৩৮/২ক বাংলাবাজার, ঢাকা ১১০০


মোবাইল: ০১৭১৮-১৯০২০৩

Volume-2

Part-I

TIN GOYENDA SERIES

By: Rakib Hassan



উন্পঞ্চাশ টাকা

-২

ছায়াশ্বাপন

প্রথম প্রকাশঃ জানুয়ারি, ১৯৮৬



শেষ ডিসেম্বরের এক হিমেল সন্ধ্যা। প্যাসিও প্লেসে
এসে চুকেছে তিন গোয়েন্দা। হেঁটে যাচ্ছে একটা
পার্কের পাশ দিয়ে। এই শীতেও মৌসুমের শেষ
কয়েকটা গোলাপ ফুটে আছে। পার্কের পাশে
একটা আনন্দরবিহীন লাল ইঁটের বাড়ি, সেইটি ভুঙস
রেকর্টির—গির্জার যাজকদের বাসভবন। রেকর্টির
ওপাশে ছোট গির্জা, ঘষা-কাচের ভেতর দিয়ে
আলো আসছে। ভেতরে বাজছে অর্গান কখনও উচু
পর্দায় কখনও একেবারে খাদে নেমে যাচ্ছে সুর। অর্গানের শব্দ ছাপিয়ে শোনা
যাচ্ছে বাচ্চা ছেলেমেয়েদের গলা, তালে তালে সুর করে পরিত্র শোক আওড়াচ্ছে
কবিতার মত।

রেকর্টির আর গির্জার পাশ দিয়ে হেঁটে এসে ছিমছাম নীরব একটা বাড়ির
সামনে দাঁড়াল তিন গোয়েন্দা, একটা অ্যাপার্টমেন্ট হাউস। বাড়িটার একপাশে
রাস্তার সমতলে কয়েকটা গ্যারেজ। ছিল বাড়ি, প্রতিটি জানালায় পর্দা, বন্ধ
কাচের শার্সি। বাইরের জগৎ থেকে নিজেদেরকে একেবারে আলাদা করে রেখেছে
যেন ভাড়াটের।

‘এটাই,’ বলল কিশোর পাশা, তিনশো তরো নাম্বার, প্যাসিও প্লেস। এখন
বাজে সাড়ে পাঁচটা। একেবারে কাঁটায় কাঁটায় ঠিক সময়ে হাতির হয়েছি।’

গ্যারেজগুলোর ভানে পাথরের চওড়া সিঁড়ি, গেটের কাছে উঠে শেষ হয়েছে।
সিঁড়ি বেয়ে নেমে এল খাকি রঙের জ্যাকেট পরা একটা লোক। তিন গোয়েন্দা
দিকে তাকালও না, পাশ দিয়ে হেঁটে চলে গেল।

সিঁড়িতে পা রাখল কিশোর। উঠতে শুরু করল। ঠিক শেহনেই বয়েছে মুসা
আর রবিন।

হঠাৎ অক্ষুট একটা শব্দ করে উঠল মুসা। লাফিয়ে সরে গেল একপাশে।

থেমে গেল কিশোর। চোখের কোণ দিয়ে দেখল, প্রায় উঠে নিচে নেমে যাচ্ছে
একটা কালো কিছি।

‘বেড়াল,’ সহজ গলায় বলল রবিন।

‘প্রায় মাড়িয়ে দিয়েছিলাম!’ কেঁপে উঠল মুসা। দু’পাশ থেকে ক্ষি-জ্যাকেটের
দুই প্রস্ত টেনে এনে চেন তুলে দিল। ‘কালো বেড়াল!’

হেসে ফেলল রবিন। 'তাতে কি? কুলক্ষণ ভাবছ নাকি?...এস।'
গেটের খিলের দিকে হাত বাড়াল কিশোর। ওপাশে পাথরের বিরাট চতুর।
মাঝখানে বড় একটা সুইমিং পুল, ওটা ঘিরে লোহার চেয়ার-টেবিল-সাজানো।
চতুরের চারপাশে লতাগুল্মের ঝাড়।

গেট খুলুল কিশোর। এই সময় জুলে উঠল ফ্লাউলাইট, সুইমিং পুলের ভেতরে,
লতাগুল্মের ফাঁকে ফাঁকে।

'এখানে কি চাই?' কিশোরের প্রায় কানের কাছে কথা বলে উঠল খসখসে
নাকি একটা গলা।

গেটের পাশেই বাড়ির একটা দরজা খুলে গেছে। দাঁড়িয়ে আছে এক
মোটাসেটা মহিলা। লাল চুল। রিমলেস চশমার ভেতর দিয়ে কড়া চোখে তাকিয়ে
আছে তিন গোয়েন্দার দিকে।

'ম্যাগাজিন বিক্রি করতে এসেছ?' আবার বলল মহিলা, 'চকলেট? নাকি
সাহায্য চাইতে এসেছ ক্যানারি পাখির এতিম বাচ্চার জন্যে? তা যে-জন্যেই এসে
থাক, বিদেয় হও। আমার ভাড়াটেদের বিরক্ত করা চলবে না।'

'মিসেস ডেনভার!'

ডাক শব্দে ফিরে তাকাল মহিলা। চতুরের দিকে মুখ-করা একটা ব্যালকনি
থেকে নেমে এসেছে সিঁড়ি। সিঁড়ির গোড়ায় এসে দাঁড়িয়েছেন এক বৃন্দ। মনে হয়,
ওরাই আমার লোক।'

'আমি কিশোর পাশা,' বলল গোয়েন্দাপ্রধান। বয়েসের তুলনায় ভারিকি গলা,
ভাবভঙ্গি। অপরিচিত কারও সঙ্গে এভাবেই কথা বলে সে। সমান্য পাশে সরে দুই
সহকারীকে দেখিয়ে বলল, 'মুসা আমান, রবিন মিলফোর্ড। আপনিই মিষ্টার ফ্র্যাঙ্ক
অলিভার?'

'হ্যাঁ,' বললেন বৃন্দ। দরজায় দাঁড়ানো মহিলার দিকে তাকালেন। 'আপনাকে
দরকার নেই, মিসেস ডেনভার।'

'বেশ!' রাগ প্রকাশ পেল মহিলার গলায়। গটমট করে নিজের ঘরে চুকে
পড়ল। দড়াম করে বন্ধ করে দিল দরজা।

'নাকা বুড়ি,' বিড়বিড় করলেন ফ্র্যাঙ্ক অলিভার। 'ওর ব্যবহারে কিছু মনে
করো না।' ভেবে বোসো না, এ-বাড়ির সবাই এমনি। তা নয়। আর সবাই খুব
ভাল। এস।'

বৃন্দকে অনুসরণ করে ব্যালকনিতে উঠে এল তিন গোয়েন্দা। কয়েক ফুট দূরে
দরজা। তালা খুললেন মিষ্টার অলিভার। ছেলেদেরকে নিয়ে চুকলেন ঘরে। ছাতের
কড়িকাঠ থেকে ঝুলছে পুরানো আমলের বড় দামি ঝাড়বাতি। টেবিলের ওপর দাঁড়
করিয়ে রাখা হয়েছে একটা কৃত্রিম ক্রিসমাস গাছ, চমৎকার করে সাজানো।

'বস,' কয়েকটা চেয়ার দেখিয়ে বললেন মিষ্টার অলিভার। দরজা বন্ধ করে

তালা লাগিয়ে দিলেন।

‘ঠিক সময়ে এসেছ,’ বললেন খুন্দি, ‘ভাল। আর কোন কাজ নেই তো তোমাদের? মানে, ক্রিসমাস সপ্তাহ কাটানৰ জন্যে অন্য কোন প্ল্যান নেই তো?’

‘কাজ আছে, তবে সময় বের করে নিতে পারব আমরা,’ ভারিকি ভাবটা বজায় রাখল কিশোর। স্কুল খুলবে আগামী ইঙ্গরায়। তার আগেই বেশ কিছু কাজ সেৱে নিতে হবে। আপনাকে সময় দিতে পারব।’

কষ্ট করে হাসি চাপল মুসা। কি কাজ, খুব ভালই জানা আছে তার। কয়েকদিন ধরেই মেরিচাটী খুব খাটিয়ে মারছেন তিনজনকে, লোভনীয় পারিশ্রমিক দিছেন অবশ্যই। কিন্তু ওই একঘেয়ে কাজ আর ভাল লাগছে না তিন গোয়েন্দাৰ। অথচ অমনভাবে বলছে কিশোর, যেন কি সাংঘাতিক জৰুৰি কাজ পড়ে আছে! নিজেদের দাম বাড়াচ্ছে আসলে।

‘তো,’ আবার বলল কিশোর, ‘কি জন্যে ডেকেছেন? শুনি আপে সব, তাৰপৰ বলতে পারব, আমাদের দিয়ে সাহায্য হবে কি না।’

‘হবে ক্ষিণা!’ কিশোৱেৰ কথাৰ প্ৰতিক্রিয়া কৱলেন যেন অলিভার। ‘হতেই হবে। মানে, সাহায্য কৱতেই হবে আমাকে। এবং যত তাড়াতাড়ি সম্ভব।’ হঠাৎ কেঁপে উঠল তাঁৰ গলা, তীক্ষ্ণ হয়ে এল। ‘এখানে যা ঘটছে, আৱ সওয়া যাচ্ছে না।’

চুপ কৱলেন অলিভার। উত্তেজিত হয়ে পড়েছেন। শান্ত কৱাৰ চেষ্টা কৱছেন নিজেকে। ‘তোমৰা তিন গোয়েন্দা, না? এটা তোমাদেৱ কাৰ্ড?’ ওয়ালেট থেকে একটা কাৰ্ড বেৱ কৱে বাড়িয়ে ধৰলেন। তাতে লেখা:

তিন গোয়েন্দা

???

প্ৰধানঃ কিশোৱ পাশা

সহকাৰীঃ মুসা আমান

নথিৰঞ্জক ও গবেষকঃ বৰিন মিলফোর্ড

কাৰ্ডটাৰ দিকে একবাৰ চেয়েই মাথা বৌকালি কিশোৱ।

‘ডেভিস দিয়েছে আমাকে কাৰ্ডটা,’ বললেন অলিভার। ‘চিৰপৰিচালক ডেভিস ক্ৰিস্টোফাৰ। আমাৰ খুব বনিষ্ঠ বন্ধু সে। বলেছে, তোমৰা গোয়েন্দা। বিশেষ কৱে, অত্যুত রহস্যৰ প্ৰতি তোমাদেৱ আকৰ্ষণ নাকি বেশি?’

‘ঠিক,’ স্বীকাৰ কৱল কিশোৱ। ‘প্ৰশুবোধকগুলো সে-জন্যেই বসিয়েছি। যতৰকম আজৰ, উন্ডট, অস্বাভাৱিক রহস্য ভেদ কৱতে আগৈছী আমৰা। কয়েকটা রহস্যৰ সমাধানও কৱেছি। তো, আপনাৰ অসুবিধেটা কি? না শুনে বলতে পারছি না, সাহায্য কৱতে পারব কিনা। তবে চেষ্টা অবশ্যই কৱব। ইতিমধ্যেই আপনাৰ সম্পর্কে কিছু কিছু খোজখৰ কৱেছি। আপনি কে, কি, জানা হয়ে গেছে আমাদেৱ।’

‘কি?’ প্রায় চেঁচিয়ে উঠলেন বৃন্দ। ‘আমার ব্যাপারে খোজখবর করেছ?’
নিশ্চয়। মকেলের ব্যাপারে খোজ নেব না? আপনি কি বলেন?’ পাটা পশু
করে বসল কিশোর।

‘আড়ালে থাকতেই পছন্দ করি আমি,’ বললেন বৃন্দ। ‘লোকের সঙ্গে বেশি
মেলামেশা ভাল লাগে না।’

‘পুরোপুরি আড়ালে কেউই থাকতে পারে না,’ রবিনকে দেখিয়ে বলল
কিশোর। কাগজপত্র ঘেঁটে লোকের পরিচয় বের করার ব্যাপারে ওর তুলনা নেই।
রবিন, মিষ্টার অলিভারকে বল কি কি জেনেছ?’

হাসল রবিন। লোকের সঙ্গে কথা বলতে পারে বটে কিশোর। মনে মনে বদ্ধুর
প্রতি আরেকবার শ্রদ্ধা জানাল গবেষক। পকেট থেকে ছোট একটা নোটবই বের
করে খুলল। লস অ্যাঞ্জেলেসে জন্ম আপনার, মিষ্টার অলিভার! বয়স সন্তুর চলছে।
আপনার বাবা, মিষ্টার হ্যারল্ড অলিভার, বিরাট বড়লোক ছিলেন। অনেক সম্পত্তি
রেখে গেছেন আপনার নামে। বাপের সম্পত্তি নষ্ট করেননি আপনি, বহাল
রেখেছেন ঠিকমতই। চিরকুমার রয়ে গেছেন। ভ্রমণে প্রচণ্ড নেশা, শিল্পের প্রতি
বেজায় ঝোক। মাঝে মাঝেই বিভিন্ন মিউজিয়ম আর দরিদ্র শিল্পীদের দান-খরাত
করেন। “শিল্পের সমবাদার” বলে আখ্যায়িত করেছে আপনাকে খবরের
কাগজগুলো।

‘বড় বেশি বাড়িয়ে লিখে বাটারা,’ গজগজ করলেন অলিভার। ‘মেজন্যেই
খবরের কাগজ নিয়ে মাথা ঘামাই না আমি।’

‘কিন্তু ওরা আপনাকে নিয়ে ঘামায়,’ বলল কিশোর। ‘তবে, খুব বেশি বাড়িয়ে
লিখেছে বলে তো মনে হয় না।’ ঘরের বিভিন্ন জায়গায় সাজিয়ে রাখা
শিল্পকর্মগুলো দেখাল সে।

বেশ বড়সড় একটা শো-কেস রয়েছে ঘরের এক প্রান্তে। তাতে নানারকম
দামি সংগ্রহ। তাছাড়া দেয়ালে বুলছে চমৎকার সব চিত্র, টেবিলে চীনামাটির তৈরি
অসংখ্য মূর্তি। এখানে ওখানে কায়দা করে সাজিয়ে রাখা হয়েছে বেশ কয়েকটা
প্রদীপ, নিশ্চয় ইংল্যাণ্ডের মূরদের কোন প্রাসাদ থেকে এসেছে।

‘ওসব কথা থাক,’ বললেন অলিভার। শুন্দর জিনিসের প্রতি মানুষের আকর্ষণ
থাকেই, এর জন্যে অতিমানব হওয়ার দরকার পড়ে না। কিন্তু এখানে যা ঘটেছে,
ওসবের সঙ্গে তার কোন সম্পর্ক নেই।’

‘কি ঘটেছে?’ জানতে চাইল কিশোর।

কাঁধের ওপর দিয়ে ফিরে তাকালেন মিষ্টার অলিভার। পাশের ঘরে তাঁর কথা
কেউ শুনতে পাচ্ছে, আশঙ্কা করছেন যেন। ফিসফিস করে বললেন, ‘ভূতের চোখ
পড়েছে আমার ওপর!’

* একদৃষ্টিতে বৃন্দের দিকে চেয়ে আছে তিন গোয়েন্দা।

‘বিশ্বাস করতে পারছ না?’ আবার বললেন অলিভার। ‘কিন্তু সত্যি বলছি, ভূতের চোখ পড়েছে। আমি বাইরে গেলেই কেউ একজন এসে দেকে এখানে। জিনসিপ্ট্র নাড়াচাড়া করে। যেটা যেখানে রেখে যাই, ফিরে এসে আর সেখানে পাই না। একবার দেখলাম, ডেক্সের ড্রয়ার খোলা। চিঠিপত্র অগোছাল।’

‘অনেক বড় অ্যাপার্টমেন্ট হাউস আপনার,’ বলল কিশোর। ‘ম্যানেজার নেই? নিচয় মাস্টার কী রয়েছে তার কাছে?’

নাক কঁচিকালেন অলিভার। ‘ওই নাকা দুড়িটাই আমার ম্যানেজার। তবে চাবি নেই ওর কাছে। তাছাড়া আমার ঘরে বিশেষ তালা লাগিয়েছি। কোন চাকর-বাকর নেই। জানালা দিয়ে ঢোকে না কেউ, আমি শি ওর। জানালা খোলা রেখে কখনও বেরোই না। আর খোলা রাখলেও ঢোকা সহজ না। রাস্তা থেকে বিশ ফুট ওপরে রয়েছে ওগুলো। উঠতে হলে উঁচু মই দরকার। এবং সেটা করতে গেলে লোকের চোখে পড়ে যাবেই সে।’

‘হয়ত বাড়তি চাবি আছে কারও কাছে,’ বলল মুসা। ‘আপনি বেরিয়ে গেলেই তালা খুলে...’

হাত তুললেন অলিভার। ‘না না, সেটা নয়। আগে শোন সবটা। বেরিয়ে গেলেই যে শুধু ঢোকে, তা নয়।’ পুরো ঘরে চোখ বোলালেন তিনি, নিশ্চিত হয়ে নিলেন ছেলেরা ছাড়া আর কেউ নেই। ‘কখনও...কখনও আমি ঘরে থাকলেও সে ঢোকে। আমি...আমি...দেখেছি।...ও আসে, যায়, দরজা খোলার দরকারই পড়ে না।’

‘কেমন দেখতে?’ জিজ্ঞেস করল কিশোর।

তালুতে তালু ডলছেন অলিভার। অস্ত্র বোধ করছেন, বোধা যাচ্ছে। ‘পুলিশকে বললে তারাও এ প্রশ্নই করত,’ মুখ তুললেন। ‘তবে, আমার জবাব বিশ্বাস করত না তারা। সেজন্যেই তাদেরকে ডাকিনি, তোমাদেরকে ডেকেছি। আমি যাকে দেখেছি...সে মানুষ নয়, মানুষের হায়া বললেই ঠিক হবে। কসে হয়ত কখনও পড়ছি, হঠাৎ অনুভব করি তার অস্তিত্ব। চোখ তুলে তাকালেই দেখতে পাই। একবার দেখেছি হলঘরে। লম্বা, রোগা টিঙ্গিটে। কথা বললাম। কোন জবাব দিল না। শেষে চেঁচিয়ে উঠলাম। ফিরেও তাকাল না। সোজা চুক্রে পড়ল আমার কাজের ঘরে। পেছন পেছন গেলাম। নেই। অদৃশ্য হয়ে গেছে।’

‘কাজের ঘরটা দেখতে পারি?’ বলল কিশোর।

‘নিচয় এস।’

মিটার অলিভারের পেছন পেছন ছোট একটা হলঘরে এসে চুকল কিশোর। ওটা পেরিয়ে এসে চুকল বড় আরেকটা ঘরে। জ্বান আলো জুলছে। অসংখ্য বুকশেলফ বইয়ে ঠাসা। বড় একটা পুরানো আমলের টেবিল। কয়েকটা চামড়া-মোড়া পুরু গদিদাকা চেয়ার। ঘরের এক প্রান্তের দেয়ালে কয়েকটা জানালা, ওটা হায়ান্তাপদ।

বাড়ির পেছন দিক। পর্দা ফোক করে তাকাল কিশোর। কাছেই গির্জাটা। অর্গান থেমে গেছে, ছেলেমেয়েদের গলাও কানে আসছে না আর। বিশেষ ধর্মীয় অনুষ্ঠান শেষ হয়ে গেছে নিচ্য।

'হলঘরের ভেতর দিয়ে ছাড়া এ ঘর থেকে বেরোনৰ আৱ কোন দৰজা নেই, বললেন অলিভার। 'কোনৰকম গোপন প্ৰবেশ পথ নেই। বহু বছৰ ধৰে আছি এ-বাড়িতে, তেমন কোন পথ থাকলে আৰ্মার অন্তত অজানা থাকত না।'

'কতদিন ধৰে ঘটছে এটা?' প্ৰশ্ন কৱল কিশোর। 'এই যে ছায়াৰ উপস্থিতি?'

'কয়েক মাস। প্ৰথমে বিশ্বাস কৱতে চাইনি। ভেবেছি, ওসব-আমাৰ কল্পনা। কিন্তু আজকাল এত বেশি ঘটছে, আৱ ওটাকে কল্পনা বলে মেনে নিতে পাৱছি না।'

অলিভারের দিকে চেয়ে আছে কিশোর, চিমটি কাটছে নিচের ঠৌটে। ছায়াৰ উপস্থিতি সত্যিই বিশ্বাস কৱছেন বৃদ্ধ। 'অনেক অন্তু ঘটনাই ঘটে 'এ-পৃথিবীতে! আপন মনেই বিড়বিড় কৱল গোয়েন্দা প্ৰধান।

'তাহলে কেসটা নিছ?' হঠাৎ জিজ্ঞেস কৱলেন অলিভার। 'তদন্ত কৱছ এ-ব্যাপারে?'

'অ্যাঁ!' চমকে যেন বাস্তবে ফিরে এল কিশোর। 'ও হ্যাঁ...আগে আমাৰ বস্তুদেৱ সঙ্গে আলাপ কৱতে হৰে। এখুনি কোন কথা দিতে পাৱছি না। আগামীকাল সকালে জানাব আপনাকে।'

বিষণ্ণ ভঙ্গিতে মাথা ঝোকালেন বৃদ্ধ। এগিয়ে গেলেন দৰজাৰ দিকে। বেৰিয়ে গেলেন।

এগোতে গিয়েও দিধা কৱল কিশোর। পা বাড়িয়ে থেমে গেল হঠাৎ। ঘৰেৱ ছায়াচাকা কোণে একটা বুকশেলফেৰ পাশে নড়ে উঠেছে কিছু।

হা কৱে চেয়ে আছে কিশোর। 'মুসা!'

'আমাকে ডাকছ?' হলঘৰ থেকে মুসাৰ কথা শোনা গেল।

'মুসা!' চেঁচিয়ে উঠল কিশোর। লাফ দিয়ে এগোল সুইচবোর্ডেৰ দিকে।

এক সেকেণ্ড পৱেই মাথাৰ ওপৱে জুলে উঠল উজ্জল আলো। অক্ষকাৰ দূৰ হয়ে গেল ঘৰ থেকে। দৰুজাৰ কাছ থেকে শোনা গেল মুসাৰ কথা, 'কি হল?'

'তুমি...তুমি ওঘৰে ছিলে, যখন আমি ডেকেছিলাম!' প্ৰায় ফিসফিস কৱে বলল কিশোর।

'হ্যাঁ। কেন? ভূত দেখেছ বলে মনে হচ্ছে?'

'মনে হল তোমাকে দেখলাম!' আঙুল তুলে ঘৰেৱ কোণ দেখাল কিশোর। 'ওখানে। তুমই যেন দাঢ়িয়েছিলে!' জোৱে জোৱে মাথা নাড়ল। 'হয়ত চোখেৰ ভুল! বুকশেলফেৰ ছায়াই দেখেছি!' বিমৃঢ় মুসাৰ পাশ কাটিয়ে অন্য ঘৰে চলে এল সে।

বসার ঘরে এসে চুকল কিশোর। 'আগামীকাল অবশ্যই যোগাযোগ করব
আপনার সঙ্গে।'

'ঠিক আছে,' কিশোরের দিকে না চেয়েই বললেন মিষ্টার অলিভার। দরজার
তালা খুললেন। পাশে সরে ছেলেদেরকে বেরোন জায়গা করে দিলেন।

হঠাতেই কানে এল তীক্ষ্ণ শব্দটা। গাড়ির ইঞ্জিনের মিসফায়ারের মত। গুলির
শব্দ?

প্রায় লাফিয়ে দরজার কাছে চলে এল মুসা। ব্যালকনির রেলিঙে পেট ঠেকিয়ে
দাঁড়াল। নিচে শূন্য চতুর : বাড়িটার পেছনে শোনা যাচ্ছে লোকের চিৎকার। জোরে
গেট বন্ধ হওয়ার আওয়াজ হল, পাথরের কোন সিঁড়িতে পায়ের শব্দ। দেখা যাচ্ছে
না লোকটাকে এখান থেকে। বাড়ির পাশের সরু একটা গলিপথ দিয়ে ছুটে চতুরে
বেরিয়ে এল একটা মূর্তি। গায়ে কালো উইণ্ডোকার, কালো ক্ষি-হৃদে ঢাকা মাথা।
সুইমিং পুলের পাশ দিয়ে ছুটে গিয়ে সামনের গেটে পেরিয়ে রাস্তায় নামল।

সিঁড়িগুলো যেন উভে টপকালো মুসা। গেট পেরিয়ে সিঁড়ি বেয়ে সবে পথে
নেমেছে, সামনে এসে দাঁড়াল একজন পুলিশ। চতুরের একপাশ ঘুরে বেরিয়ে
এসেছে।

'ব্যস, ব্যস, যথেষ্ট হয়েছে!' বলল পুলিশ। 'থাম এবার, দোষ্ট। নইলে গুলি
থাবে।'

চতুরের একই পাশ দিয়ে আরেকজন পুলিশ বেরিয়ে এল। ওর হাতেও
রিভলভার। মুসা দেখল, দুটো নলই চেয়ে আছে ওর দিকে। পাথরের মত স্থির হয়ে
গেল সে। ধীরে, অতি ধীরে মাথার ওপর তুলে আনছে দুই হাত।

দুই

'ডিক,' বলল প্রথম পুলিশটা, দু'জনের মাঝে তার বয়েস কম। 'আমার মনে হয় ও
না!'

'কালো উইণ্ডোকার, হালকা রঙের ট্রাউজার!' মুসার আপাদমস্তক দেখছে
দ্বিতীয় পুলিশ। 'হয়ত ক্ষি-হৃত্তা খুলে ফেলে দিয়েছে!'

'ওই লোকটার কথা বলছেন?' বলল মুসা। 'এদিক দিয়েই গেছে সে। গেট
পেরিয়ে রাস্তায় নেমেছিল, আমি দেখেছি।'

কিশোর আর রবিন পৌছে গেল। তাদের পেছনে দাঁড়ালেন মিষ্টার অলিভার।

'কাকে আটকেছেন আপনারা?' হাঁপাতে হাঁপাতে বললেন বন্ধ। 'গত আধুন্টা
ধরে আমার ঘরে ছিল ছেলেটা।'

সাইরেনের তীক্ষ্ণ শব্দ শোনা গেল। ছুটে আসছে পুলিশ প্রেটেলকার।

'এস, ডিক,' বলল তরুণ পুলিশ অফিসার। 'থামোকা সময় নষ্ট করছি
ছায়াশ্বাপন।'

এখনে : দুঃখিত, মিষ্টার অলিভার।

ছুট লাগাল আবার পুলিশ দুজন। ঠিক এই সময় খুলে গেল মিসেস ডেনভারের দরজা।

‘মিষ্টার অলিভার,’ নাকী গলা শোনা গেল, ‘কি অঘটন ঘটিয়েছে ছেলেগুলো?’

চতুরের ডানে আরেকটা ঘরের দরজা খুলে গেল। ছুটে বেরিয়ে এল এক তরুণ। চোখ ডলছে, সদ্য ঘূম থেকে উঠে এসেছে মনে হয়। ওর দিকে ঢেয়ে একটু যেন্ত্রমুক্তে উঠল কিশোর।

ব্যাপারটা লক্ষ্য করল রবিন। ফিসফিস করে বলল, ‘কি ব্যাপার?’

‘কিছু না,’ চাপা গলায় বলল কিশোর। ‘পরে বলব।’

‘মিষ্টার অলিভার,’ বাঁকা প্রকাশ পেল মিসেস ডেনভারের গলায়, ‘আমার কথার জবাব দেননি! কি করেছে?’

‘সেটা আপনার ব্যাপার নয়।’ ধমকে উঠলেন অলিভার। কথাটা বেশি কড়া হয়ে গেছে বুবো স্বর নরম করলেন। ‘ওরা কিছু করেনি। কাকে যেন খুঁজছে পুলিশ! বাড়ির পেছন থেকে এসে গেট দিয়ে বেরিয়ে চলে গেছে। ধাওয়া করে এসেছে পুলিশ।’

‘চোর ছ্যাচোড় হবেও’ পেছন থেকে বলে উঠল তরুণ। পরনে কালো সোয়েটার, হেলিক বাদামি ট্রাইজার পায়ে চপ্পল।

খুঁটিয়ে দেখছে ওকে কিশোর। রোগাপাতল লোকটা, মাথায় কালো চুল, কতদিন আগে ধূয়েছে, কে জানে! তবে খুব শিগগির নয়। মুসার মতই লম্বা, তবে অনেক রোগা।

‘বাহ, বেশ বুকি তো তোমার, টার্ম!’ মুখ বাঁকাল মিসেস ডেনভার। ‘কি করে জানলে, চোর-ছ্যাচোড়কে খুঁজছে পুলিশ?’

অপ্রস্তুত হয়ে গেল টমি গিলবাট। ঢোক গিলল। গলাবন্ধ সোয়েটারের ওপরে উঠে আবার নেমে পড়ল কষ্ট। ‘চোর-ছ্যাচোড় ছাড়া আর কে হবে?’

‘ছড়িয়ে পড়! বড় রাস্তার দিক থেকে চিংকার শোনা গেল। ‘গলিপথগুলো আটকাও! গির্জার ভেতরে দেখ!’

গোটা চারেক পেট্রেলকার দেখা গেল রাস্তার মোড়ে। নাচানাচি করছে টর্চের আলো। প্রতিটি কোণ, গলিঘুপচি, ঝোপঝাড়ের ভেতর উঁকি দিয়ে দিয়ে দেখছে পুলিশ। প্রচণ্ড শব্দ তুলে মাথার ওপরে চলে এল একটা হেলিকপ্টার, ঘুরে ঘুরে চক্র দিতে শুরু করল পুরো এলাকাটায়। সার্চলাইটের আলো ফেলে খুঁজছে লোকটাকে। পথে, বাড়ির দরজায় বেরিয়ে এসেছে কৌতুহলী লোকজন।

‘বেশি দূরে যেতে পারেনি,’ বলে উঠল একজন পুলিশ। ‘নিশ্চয় এদিকেই কোথাও লুকিয়েছে।’

ফুটপাতে দাঁড়িয়ে আছে মোটাসোটা একজন লোক। মাথায় ধূসর ঘন চল।

উত্তোলিত ভঙ্গিতে লেফটেন্যাটের সঙ্গে কথা বলছে পুলিশ। হঠাৎ ঘুরে দাঁড়িয়ে
লোকটা। এগিয়ে এম অ্যাপার্টমেন্ট হাউসের গেটের দিকে। 'ফ্র্যান্স!' ডাকল
লোকটা। 'ফ্র্যান্স অলিভার!'

এগিয়ে গেলেন অলিভার। তাঁর হাত ধরল লোকটা। নিচু গলায় বলল কি
যেন। গভীর মনোযোগ দিয়ে শুনছেন অলিভার। ভুলেই গেছেন যেন ছেলেদের
উপস্থিতি।

কনুই দিয়ে কিশোরকে খোঁচা লাগল 'মুসা।' চল, দোখি গির্জায় কি করছে
পুলিশ!'

অনেকেই এগিয়ে যাচ্ছে গির্জার দিকে, তিন গোয়েন্দা ও এগোল।

ইতিমধ্যেই গির্জার চতুরে তিড় ভরিয়েছে অনেক লোক, তাদের মাঝে হিসেস
ডেনভারও আছে। খোলা দরজা দিয়ে সবাই উকি-বুকি দিচ্ছে। তেতরে খোঁজাখুঁজি
করছে দু'জন পুলিশ। কোথাও বাদ দিচ্ছে না ওরা। নুয়ে পড়ে বেঞ্চগুলোর তলায়ও
দেখছে।

জনতার তেতর দিয়ে পথ করে এগিয়ে গেল কিশোর। গির্জার সিঁড়ির দুটো
ধাপ 'উঠল', তাকাল তেতরে। বেনিতে জুলছে সারি সারি লাল নীল সুবৃজ
মোমবাতি, খনিক আগে অনুষ্ঠান হয়েছিল, তাঁর সাঙ্গী। বেশ কিছু দ্বির মূর্তি
চোখে পড়ল তাঁর। স্ট্যাচ। দাঁড় করিয়ে রাখা হয়েছে হেট নিচু বেদিতে, মেঝেতে,
ঘরের কোণে দেয়ালে টেস দিয়ে। একগাদা হেট পুষ্টিক হাতে নিয়ে দাঁড়িয়ে
আছে বেঁটেখাট মোটা এক লোক, লাল মুখ। তাঁকে জিজ্ঞাসাবাদ করছে পুলিশ
সার্জেন্ট।

'আমি বলছি, কেউ জোকেনি এখানে,' বলল মোটা লোকটা। 'সারাক্ষণ
এখানে ছিলাম আমি। কেউ চুকলে অবশ্যই দেখতে পেতাম।'

'তা হয়ত পেতেন,' চেঁচিয়ে বলল সার্জেন্ট। 'দয়া করে বেরিয়ে যা এখন, এখন,
ভাল করে খুজব আমরা।' ফিরে তাকাল সে। কিশোরের ওপর চোখ পড়তেই
বলল, 'এখানে কি করছ, খোকা? যাও।'

পুষ্টিকা হাতে বেরিয়ে এল মোটা লোকটা। তাঁর প্রায় সঙ্গে সঙ্গেই সিঁড়ি থেকে
নেমে পড়ল কিশোর।

জনতার সঙ্গে এসে যোগ দিয়েছেন এখন রোগাপাত্না, মাঝবয়েসী একজন
লোক। গায়ে কালো আলখেলো, সাদা কলার, পান্তির পোশাক। তাঁর সঙ্গে রয়েছে
এক বেঁটে মহিলা। ধূসর চুল ঘাড়ের ওপর পরিষ্কৃত করে বাঁধা। পোশাকেই বোৰা
যায়, গির্জায় কাজ করে।

'ফাদার স্থিথ!' চেঁচিয়ে উঠল পুষ্টিকা-হাতে লোকটা। 'ওদেরকে বলুন
আপনি। সারাক্ষণ গির্জায় ছিলাম আমি। আমার চোখ এড়িয়ে কারও পক্ষে ঢোকা
সম্ভব ছিল না।'

‘আহ, চুপ কর, পল! বিরক্ত গলায় বললেন ফাদার। ‘খুজুক না ওরা, তোমার কি?’

‘কি বললেন?’ কানের ওপর হাত রেখে ফাদারের দিকে চোখ ফেরাল পল।

‘খুজুক ওরা!’ চেঁচিয়ে বললেন ফাদার। ‘কোথায় ছিলে তুমি?’

‘চিলেকোঠায় উঠেছিলাম, পুষ্টিকা পাড়তে।’

‘তাহলে তো হয়েছেই!’ হেসে ফেলল ধূসর-চুল মহিলা। গির্জার ভেতরে হাজারখানেক হাতি চুকে দাপাদাপি করলেও ওখান থেকে শুনতে পাবে না তুমি। রোজই বলছি ডাক্তার দেখাও, কানের ব্যামো সারাতে পার কিনা দেখ। তবে দেখালেও সারবে কিনা, যথেষ্ট সন্দেহ আছে।’

জনতার ভেতর থেকে হেসে উঠল কেউ।

‘মিসেস ব্রাইস,’ শাস্ত গভীর কষ্টে বললেন পদ্মী, ‘ইচ্ছে করে কেউ বধির হতে চায় না। ওভাবে কারও সম্পর্কে কথা বলা উচিত নয়। এস, রেকটরিতে যাই। চাখেতে ইচ্ছে করছে। পল, তুমি চল। পুলিশের খৌজা শেষ হলে এসে দরজায় তালা লাগিও। এখানে আমাদের দাঁড়িয়ে থাকার দরকার নেই।’

সরে পথ করে দিল জনতা। পাশের আস্তরবিহীন বাড়িটার দিকে চলে গেলেন ফাদার, পল আর ব্রাইস।

তিনি গোয়েন্দার দিকে চেয়ে হাসল জনতার একজন। ‘তোমরা কি এনিকেই কোথাও থাক?’ ফিরে এসেছে হেলিকপ্টার, প্রচঙ্গ শব্দ। জোরে কথা বলতে হচ্ছে লোকটাকে।

‘না,’ জবাব দিল রবিন।

‘তাহলে জান না, যজ্ঞার সব লোক বাস করে ওখানে,’ রেকটরির দিকে ইঙ্গিত করে বলল লোকটা। ‘পল মিনের ধারণা, গির্জাটা সে-ই চালাচ্ছে। তামারা ব্রাইস মনে করে, সে না থাকলে বন্ধই হয়ে যেত গির্জা। অথচ একজন দারোয়ান, আরেকজন হাউসকিপার! ওদের দু'জনকে সামলাতে হিমশিম খেয়ে যান ফাদার স্থির।’

‘ঠিকই,’ লোকটার কথায় সায় দিল এক মহিলা। ফাদারকে জ্বালিয়ে মারে ওরা। আইরিশ মেয়েমানুষটা ভাবে, সে-ই গির্জার সব। আরও দোষ আছে ওর। প্রায়ই ভূত দেখে গির্জার ভেতরে। তার ধারণা, অঙ্ককার জায়গা মানেই ভূতের আস্তান। আর ওই দারোয়ানটা, পল, সে তো ভাবে, সে না থাকলে ধসেই পড়ে যেত গির্জাটা।’

গির্জা থেকে কনস্টেবল দু'জনকে নিয়ে বেরিয়ে এল সার্জেন্ট। চতুরে দাঁড়ানো জনতার ওপর চোখ বোলাল একবার। ‘এখানকার চার্জে রয়েছেন কে?’

‘তিনি চা খেতে গেছেন রেকটরিতে,’ বলল তিনি গোয়েন্দার সঙ্গে কথা বলছিল যে লোকটা। ‘দাঁড়ান, জেকে আনছি।’

শেষবারের মত মাথার ওপর চক্র দিয়ে গেল পুলিশ হেলিকপ্টার। চলে গেল উভয়ে।

মিষ্টার অলিভার আর তাঁর মোটা সঙ্গীর সঙ্গে কথা বলছিল লেফটেন্যান্ট, এগিয়ে এল।

‘গির্জার ভেতরে নেই,’ জানাল সার্জেন্ট।

কাঁধ ঝাঁকাল লেফটেন্যান্ট। ‘আচ্ছা! এত তাড়াতাড়ি পালাল কি করে? হেলিকপ্টারের চোখ এড়িয়ে পালিয়ে গেল! নাহ, কিছুই বোৰা যাচ্ছে না। আজ রাতে আর কিছুই করার নেই আমাদের, সার্জেন্ট।’

প্রায় ছুটতে ছুটতে এল পল। ছুটে গেল গির্জার দিকে। দড়াম করে বন্ধ করে দিল দরজা।

কয়েক মিনিট পর, পুলিশের গাড়িগুলো চলে গেল একে একে যার যার বাড়ির দিকে চলে গেল জনতা।

আপার্টমেন্ট হাউসের দিকে চলল তিন গোয়েন্দা। গেটের কাছে সিংড়ির গোড়ায় দাঁড়িয়ে সেই মোটা লোকটার সঙ্গে এখনও কথা বলছেন মিষ্টার অলিভার।

‘মিষ্টার অলিভার,’ বলল কিশোর। ‘আপনাদের আলোচনায় বাধা দিলাম না-তো?’

‘না না,’ তাড়াতাড়ি বলে উঠলেন অলিভার। তাঁর সঙ্গীর দিকে কিশোরকে তাকাতে দেখে বললেন, ‘ও, এ ইল মিকো, মিকো ইলিয়ট। কি হয়েছিল, ওর কাছেই জানলাম।’

‘আমার ভাইয়ের ঘরে চোর চুকেছিল,’ তিন গোয়েন্দাকে জানাল মিকো। ‘নুকান কোটে তার বাসা। এই রাস্তার পরের রাস্তাটাই।’

‘সত্যিই, মিকো,’ বললেন অলিভার। ‘আমারই খারাপ লাগছে, তোমার তো লাগবেই।’

‘লাগারই কথা,’ মাথা ঝুঁকাল মিকো। ‘যাকগে, এখন আর ওসব ভেবে লাভ নেই। যাই। সকালে দেখা হবে।’

আপার্টমেন্ট হাউসের চতুরে উঠে পড়ল মিকো। বাড়ির পাশের সরু পথ ধরে হেঁটে চলে গেল পেছনে।

ধপ করে সিংড়ির ওপরেই বসে পড়লেন অলিভার। হতাশ। ‘কি সর্বনাশ করেছে, কে জানে?’

‘কি? চুরি?’ জানতে চাইল রবিন।

‘মিকোর ভাই জ্যাক ছিল আমার বন্ধু।’ জানালেন মিষ্টার অলিভার। ‘আর্থির বন্ধু, ওর এবং মন্তব্য শিল্পী। হঞ্চ দুয়েক আগে মারা গেছে, নিউমনিয়ায়।’

চুপ করে আছে ছেলেরা।

‘বড় রকমের ক্ষতি,’ আবার বললেন অলিভার। ‘বিশেষ করে আমার জন্মো-

শিশুরসিকদের জন্যে। তার ঘরে চোর ঢোকাটা...নাহ, ভাবি খারাপ কথা!"

"কিছু চুরি হয়েছে?" জিজ্ঞেস করল রবিন।

"এখনও জানে না মিকো। পুলিশকে সঙ্গে নিয়ে চুকে দেখবে আজ রাতেই।"

পায়ের শব্দ হল। ফিরে তাকাল রবিন আর মুসা। হাসিখুশি একটা লোক আসছে। গায়ে ধূসুর রঙের পশমী-সোয়েটার। বলিষ্ঠ, স্থচন পদক্ষেপ। কাছে এসে দাঁড়িয়ে পড়ল সোকটা। "কি ব্যাপার?"

"'পড়শী'র বাড়িতে চোর চুকেছিল, মিস্টার জ্যাকবস,' বললেন অলিভার। 'পুলিশ এসেছিল।'

"তাই," বলল আগন্তুক। "সে-জন্যেই কয়েকটা কোয়াড-কারের আওয়াজ উন্নাম। চোর ধরতে পেরেছে?"

"নাহ!"

"খুব খারাপ কথা," বলল জ্যাকবস। অলিভারের পাশ কাটিয়ে সিঁড়িতে উঠে পড়ল। গেট পেরিয়ে চুকে গেল চতুরে। খানিক পরেই অ্যাপার্টমেন্ট ইউনিটের একটা দরজা খোলা এবং বন্ধ হওয়ার আওয়াজ হল।

"আমিও যাই," বললেন অলিভার। যেন বুর দুর্বল লাগছে, এমন ভঙ্গিতে উঠে দাঢ়ালেন। "হ্যাঁ, আগামীকাল সকালেই তোমাদের সিন্ধান জানিও। এসব আর সহিতে পারছি না। প্রথমে ভূত, তারপর তাকের মৃত্যু, এখন এই চোর! আমার মত বুড়োর জুন্যে অনেক বেশি হয়ে গেছে!"

ঝিল

পরদিন, খুব তোরে, পাশা স্যালভিজ ইয়ার্ডে এসে হাজির হল রবিন আর মুসা।

ডিসেম্বরের এই হিমেল সকালে একজন খন্দেরও নেই ইয়ার্ডে। কেমন যেন হ্ত মনে হচ্ছে নির্জন, বিশাল, বাতিল মাসের তিদেশটাকে। মেরিচাটী আর রাশেদ চাচা ঘূর্ম থেকে ওঠেনি এখনও।

বড় করে হাই তুলু মুসা। "মাঝে মাঝে মনে হয়, কিশোর পাশাৰ সঙ্গে বন্ধুত্ব না হলেই ভাল হত। সঁজাস বেলা, এখনও কাচপজ্জনী ওচেনি, ঘূর্ম থেকে তোকে তুলে আনল! কটা বাজে? বড় জোর ছটা!"

"না এলেই পারতে," বলল রবিন। "কিশোৰ তো তোমাকে জোৱ কৰেনি। মিচ্যু জরুরি কোন ব্যাপার আছে, নইলে এভাবে ডেকে পাঠাত না।"

ইয়ার্ডের বড় লোহার গেটটা আবার বক করে দিল ওৱা। এগেল।

দুই সুড়ঙ্গের কাছে চলে এল। বিশাল গ্যালভানাইজড পাইপের মুখ থেকে লোহার পাতটা সরিয়ে চুকে পড়ল রবিন। পেছনে টুকল মুসা। ভেতর থেকেই হাত দাঁড়িয়ে আবার তাঙ্গামত দাঁড় করিয়ে দিল পাতটা।

হামাগুড়ি দিয়ে এসে হেডকোর্টারে চুকল ওয়া।

‘এত দোরি করলে কেন?’ দেখেই বলে উঠল কিশোর।

রবিন জবাব দিল না।

গৌ গৌ করে উঠল মুসা। ‘দেরি? ঘূম থেকে উঠেই তো ছুট লাগালাম। দাঁত মাজার সময়ও পাইনি। খাওয়া তো দূরের কথা।’ কিশোরের দিকে তাকাল। ‘তা ভোরোতে এই জরুরি তলব কেন? হাতে ওটা কিসের জার? ব্যাঙ-ট্যাঙ ধরে ভরেছ?’

দু’আঙুলে ধরে আছে কিশোর চীনামাটির ছোট একটা জার। মুখ খোলা। সামান্য একটু কাত করল। তেজের সাদা পাউডার দেখতে পেল মুসা আর রবিন।

‘ম্যাজিক পাউডার,’ বলল কিশোর।

ধপ করে একটা আধপোড়া চেয়ারে বসে পড়ল মুসা। একটা ফাইল কেবিনেটে কাঁধ ঠেকিয়ে হেলান দিল। ‘ওভাবে রহস্য করে যখন কথা বল না, বড় বিরক্ত লাগে! ওই পাউডার দেখানোর জন্যে কবলের তলা থেকে তুলে এনেছ?’

জবাব দিল না কিশোর। হাতের কাছের তাক থেকে একটা ঝুঁক নামাল। মুখ খুলে কয়েক কেঁটা পানি ঢেলে দিল পাউডারে। ছোট একটা প্লাষ্টিকের চামচ নিয়ে নাড়তে শুরু করল। এটা এক ধরনের স্ফটিকের গুঁড়ো, মেটালিক কম্পাউণ্ড। অনেক পুরানো আমলের একটা অপর্যাপ্ত বিজ্ঞানের বইয়ে পড়েছি এটার কথা। পানিতে গলে যায় এই পাউডার।’

তুরুক কেঁচকাল রবিন। ‘কেমিস্ট্রির ওপর লেকচার দিতে ডেকেছ নাকি?’

‘হনে যাও,’ ড্রয়ার খুলে টুথপেস্টের টিউবের মত একটা টিউব বের করল কিশোর। মুখ খুলে টিপ দিতেই টুথপেস্টের মতই সাদা জিনিস বেরোল। খানিকটা ফেলল জারে। তারপর মুখ বক্ষ করে রেখে দিল ড্রয়ারে। চামচ দিয়ে জোরে জোরে নেড়ে পাউডারের সঙ্গে মেশাতে লাগল পানি আর পেষ্ট। ‘এক ধরনের মলম তৈরি করছি।’

‘কপালে লাগাবে? মস্তিষ্ক বিকতির ওষুধ?’ হতাশ কষ্টে জিজেস করল মুসা।

জবাব দিল না, কিশোর। ‘গভীর মনোযোগ দিয়ে দেখছে, কি জিনিস বানিয়েছে। পানি, পেষ্ট আর পাউডার মিলে চমৎকার এক ধরনের ক্রীমমত তৈরি হয়েছে। ব্যস, এতেই চলবে।’ ঘোষণা করল গোহেন্দ্রাধ্যান। ঘূরিয়ে ঘূরিয়ে লাগিয়ে দিল জারের মুখ। ‘এখন আমাদের কাছেও আছে ম্যাজিক অয়েন্টমেন্ট।’

‘তাতে কি?’ কৈফিয়ত চাওয়ার মত করে বলল মুসা।

‘বর, কোথাও এই মলম মাখিয়ে দিলাম,’ বলল কিশোর। ‘মিষ্টার অলিভারের তেক্ষেত্রে কথাই ধর। ড্রয়ারের হাতলে লাগাতে পারি, ওটা চীনামাটির তৈরি। পাতলা করে যাখলে দেখা যাবে না। হাতল ধরলেই মলম লেগে যাবে হাতে। আধবন্তা পর কালো কালো দাগ পড়ে যাবে লোকটার আঙুলে। হাজার ধুয়েও

পুরোপুরি তোলা যায় না ওই দাগ, অন্তত কয়েকদিন তো নয়ই।'

'অ, এই ব্যাপার,' চেপে রাখা শ্বাসটা শব্দ করে ফেলল রবিন। 'তাহলে কেসটা নিছি আমরা?'

'গত রাতেই ফোন করেছিলেন, মিষ্টার অলিভার,' বলল কিশোর। 'জানিয়েছেন, তিনি ঘুমোতে পারছেন না। আমরা চলে আসার পর কয়েকবার নাকি ওই ভূতটা চুকেছিল তাঁর ঘরে। অন্তিম টের পেয়েছেন, ছায়াটা দেখেছেন। ডয় পাছেন তিনি।'

'ইয়াল্টা! কিশোর, ওই লোকটার মতিঝর ঘটেছে,' বলে উঠল মুসা। 'ওর জন্যে আমাদের কিছুই করার নেই।'

'হয়ত,' মাথা ঝোকাল কিশোর। নিঃসঙ্গ লোকের বেলায় এটা বেশি ঘটে। অনেক উদ্গৃত কল্পনা আসে মাথায়, একসময় সেটাকে বাস্তব বলে ধরে নেয়। এজন্যেই কেসটা নিতে দ্বিধা করেছিলাম কাল। কিন্তু, পুরো ব্যাপারটা তদন্ত না করেই যদি সরে আসি, মানুষটার প্রতি অবিচার হয়ে যাবে। একটা কথা তো ঠিক, পুলিশকে বললে বিশ্বাস করবে না তাঁর কথা। বল কোন গোয়েন্দা সংস্কার কাছে যেতে পারেন, কিন্তু তারাও বিশ্বাস করবে না। যদি সত্যিই পুরো ব্যাপারটা তাঁর কল্পনা হয়ে থাকে; আমাদের কিছুই করার নেই। কিন্তু কোন বদলোকের শয়তানীও হতে পারে এটা। তাহলে ধরতে হবে লোকটাকে। মিষ্টার অলিভারকে এই মানসিক অত্যাচারের হাত থেকে রক্ষা করতে হবে। একে একে দুই সঙ্গীর দিকেই তাকাল গোয়েন্দাপ্রধান। 'কি বল? ওকে বলব, আমরা আসছি?'

রবিন হাসল। 'খামোকা জিজ্ঞেস করছ কেন আমাদেরকে? জুবাবটা তো তুমি জানই।'

'গুড,' বলল কিশোর। 'ইস্স, একটা মাস ফুরুৎ করে উড়ে চলে গেল। গাড়িটা থাকলে কি ভালই না হত...'

'ওটা তো প্রায় ব্যবহারই করতে পারলাম না আমরা,' বিষণ্ণ কষ্টে বলল রবিন। 'বাইরে বাইরেই কাটালাম। সত্যি একটা গাড়ি থাকলে...'

'নেই যখন, ভেবে আর কি লাভ?' বাধা দিয়ে বলল কিশোর। 'সকাল সাতটায় লস অ্যাঞ্জেলেসের বাস, রকি বীচ থেকে ছাড়ে, খোঁজ নিয়েছি। ওটাই ধরব আমরা। চাচি ওঠেনি এখনও। একটা চিঠি লিখে রেখে যাব।'

'আমি যাচ্ছি না,' গঞ্জির কষ্টে ঘোষণ করল, মুসা।

'যাচ্ছ না মানে!' প্রায় একই সঙ্গে প্রশ্ন করল কিশোর আর রবিন।

'কিছু না থেয়ে এক কদম নড়ছি না আমি এখান থেকে। এত সকালে গরম গরম না পাওয়া যাক, বাসি পাস্তা হলেও চলবে...'

হেসে ফেলল অন্য দুজন।

'বেশ,' হাসতে হাসতে বলল কিশোর। 'চল। রান্নাঘর থেকে ঠাণ্ডা স্যান্ডউইচ

লিখে নেব। গতরাতে ইয়া বড় এক কেক বানিয়েছেন চাটী। অর্ধেকটা মেরে দেব
আমরা। চলবে?’

লাক দিয়ে উঠে দাঁড়াল মুসা। দুই নাম্বার সুড়ঙ্গে নেমে পড়ল সবার আগে।

চার

আটটা নাগাদ উইলশায়ারে বাস থেকে নামল তিন গোয়েন্দা। কাছেই প্যাসিও
প্লেস। হেঁটেই চলল ওরা।

রেকটরির সামনে পকেটে হাত চুকিয়ে দাঁড়িয়ে আছেন সেইন্ট জুডস গির্জার
যাজক ফাদার স্থিৎ। তিন গোয়েন্দাকে দেখে মৃদু হাসলেন। মাথা সামান্য নুইয়ে
‘গুড মর্নিং’ বললেন।

হেলেদের আশঙ্কা ছিল, মিসেস ডেনভারের সঙ্গে দেখা হয়ে যাবে। হল না।
নিরাপদেই সিঁড়ি বেয়ে ব্যালকনিতে উঠে এল ওরা। দরজা বন্ধ। টেপ দিয়ে
আটকানো রয়েছে একটা কাগজ। তাতে লেখাঃ হেলেরা আমি ২১৩, লুকান কোর্টে
গোলাম। ওখানেই পাবে আমাকে। এই বাড়ির ঠিক পেছনের বাড়িটাই। পাশের
সরু পথটা পেরোলৈ ওটার সামনের দরজায় পৌছে যাবে। তোমাদের অপেক্ষায়
রইলাম।—ফ্র্যাক অলিভার।

কাগজটা তুলে নিয়ে পকেটে ভরল কিশোর। ‘ওই বাড়িতেই চোর চুকেছিল
গতরাতে।’

‘আই, তোমরা ওখানে কি করছ?’ নাকী একটা কষ্ট।

ঘট করে ফিরল তিন গোয়েন্দা। নিচে তাকাল। নিচের ঘরের দরজায় এসে
দাঁড়িয়ে মিসেস ডেনভার। পরনে ড্রেসিং গাউন। লাল চুল এলোমেলো।

হেলেরা চাইতেই জিজেস করল মহিলা, ‘মিস্টার অলিভার আছেন ঘরে?’

‘মনে হচ্ছে না,’ জবাব দিল কিশোর।

‘এই সকাল বেলায় কোথায় বেরোলেন।’ নিজেকেই যেন প্রশ্ন করল মিসেস
ডেনভার।

জবাব দিল না তিন গোয়েন্দা। নামতে শুরু করছে সিঁড়ি বেয়ে। মিসেস
ডেনভারের দিকে ফিরেও তাকাল না ওরা। পাশের সরু পথটা ধরে ঝৌগোল।
একটা লত্তি আর একটা ষাঁচের রুম পেরিয়ে এল। বেরিয়ে এল পাশের গলিতে।
অ্যাপার্টমেন্ট হ্যাটসের এক কোণে একটা ডাক্টবিন। পথের ওপাশে আরেকটা
বাড়ি, দরজাটা গলি পথের দিকে ফেরালো।

গেটেই তামার ফলকে লেখা রয়েছেং ২১৩, লুকান কোর্ট। একতলা, প্রায়
কয়ার সাইজের ছোট একটা বাড়ি।

হস্তী বাজাল মুসা। খানিক খুলে গেল দরজা। দাঁড়িয়ে আছে মিকো ইলিয়ট।

কেমন যেন উদ্বৃত্ত চেহারা।

‘এস,’ একপাশে সরে ঢোকার জায়গা করে দিল মিকো।

শোবার ঘর আর স্টুডিওর মিশ্রণ বল্ল যায় এমন একটা ঘরে এসে চুকল তিন গোয়েন্দা। সিলিংয়ে স্কাইলাইট। কাপেট নেই মেরোতে, আসবাবপত্রও খুব সামান্য। বড়সড় একটা ড্রেইং টেবিল আর একটা ইজেল রাখা আছে এক জায়গায়। নানা রকম ছবি আর ক্ষেত্র খুলছে দেয়ালে, আন্তরই দেখা যায় না প্রায়। যেখানে সেখানে বইয়ের স্তুপ। ছেষ একটা টেলিভিশন, বড়সড় দামি একটা রেকর্ড প্লেয়ার আর একগাদা রেকর্ড অ্যাক্রে পড়ে আছে।

বড়সড় একটা ডিভানে গালে হাত দিয়ে বসে আছেন মিষ্টার অলিভার। মুখচোখ শুকনো। নিজেকে শাস্ত রাখার জোর চেষ্টা চালাচ্ছেন তিনি, দেখেই বোঝা যায়। ছেলেদেরকে ‘গুড মর্নিং’ জানালেন। বললেন, ‘আরও একটা রহস্য ঘোগ হয়েছে। গতরাতে চোর চুকেছিল এ বাড়িতে। সর্বনাশ করে গেছে আমার।’

‘ভেবে আর কি করবে, ফ্র্যাঙ্ক,’ সান্তুনা দিল মিকো। ‘এটা নিতাতই দুঃঘটনা। পুলিশ তাড়া না করলে আরও কিছু নিয়ে যেত ব্যাটা।’ ছেলেদের দিকে ফিরল সে। ফ্র্যাঙ্কের কাছে শুনলাম, তোমাদের নাকি গোয়েন্দা হওয়ার শখ। এখানে তেমন রহস্যজনক কিছু পাবে বলে মনে হয় না। রান্নাঘরের জানালা খুলে চুকেছিল চোর। গ্লাস-কাটার দিয়ে কাচ কেটে ভেতরে হাত চুকিয়েছে। খুলে ফেলেছে ছিটকিনি। তারপর হাউণ্টা নিয়ে বেরিয়ে চলে গেছে। খুব সাধারণ হুরি।’

‘কিন্তু শুধু হাউণ্টাই নিয়ে গেছে ব্যাটা! বলে উঠলেন অলিভার।

‘ওতে অস্বাভাবিক কিছু নেই, পুলিশের তাই ধারণা,’ বলল মিকো। ‘তাছাড়া ওটা ছাড়া ঘরে মূল্যবান আর কিছু নেইও। টেলিভিশনটা, মাত্র নইশ্বরীন, কোন দামই নেই ওটার। রেকর্ড প্লেয়ারের বডি আর স্পীকারের ফ্রেমে আমার ভাইয়ের নাম খোদাই করা আছে। নিয়ে গেলেও বিক্রি করতে পারত না ওটা। এছাড়া নেবার মত আর কি আছে? জানই তো খুব সাধারণ জীবনযাপন করত আমার, ভাই।’

‘অনেক বড় শিল্পী ছিল ও,’ অলিভারের কষ্টে গভীর শব্দ। ‘বেঁচে ছিল শুধু শিল্পসূষ্টি নিয়েই। দুনিয়ার আর কোনদিকে খেয়াল থাকলে তো!'

‘হাউণ্টা কি জিনিস?’ জানতে চাইল মুসা।

মৃদু হাসল মিকো। ‘একটা কুকুরের মূর্তি। এমন একটা কুকুর, যার কোন অঙ্গিত্ব নেই। বেঁচে আছে শুধু কুসংস্কারে বিশ্বাসী কিছু মানুষের মুন। খুব রোমাঞ্চপ্রিয় ছিল আমার ভাই, রোমাঞ্চিকতা ফুটিয়ে তুলেছে তার প্রতিটি শিল্পকর্মে। ভৃত্যের কাহিনী নিচ্ছয়েই শুনে থাকবে। কার্পাথিয়ান পর্বতমালার পাদদেশে তেমনি একটা কুকুরের কাহিনী শোনা যায়।’

‘হ্যা,’ মাথা বুঁকাল কিশোর। ‘জায়গাটার নাম ট্রান্সিলভানিয়া। ব্রাম

টোকারের ড্রাকুলা ওখানেই বাস করত।'

'ঠিক,' বলল মিকো। 'কিন্তু ওই কুকুরটা রক্তচোষাও না, মায়ানেকড়েও না। ওই গায়ের লোকের ধারণা, ওটা আসলে এক জমিদারের প্রেতাঞ্চা, কুকুরের রূপ নিয়ে ঘুরে বেড়ায়। এ-সম্পর্কে চমৎকার একটা গল্পও আছে। ওই জমিদার ছিল দুর্ধর্ষ শিকারী, একপাল ভয়ঙ্কর আধাবুনো কুকুর ছিল তার। নেকড়ের রক্ত ছিল কুকুরগুলোর শিরায়। জানোয়ারগুলোকে সব সময় তৎপর রাখার জন্যে পুরোপুরি খেতে দিত না লোকটা। একদিন, পেটে খিদে নিয়ে কি করে জানি খোঁয়াড় থেকে বেরিয়ে পড়ল একটা কুকুর।

'সর্বনাশ!' বিড়বিড় করল রবিন।

'হ্যাঁ, বেরিয়ে পড়ল। তারপর ঘটল মর্মান্তিক ঘটনা। এটা কিন্তু সত্যি, বানানো নয়। একটা শিশুকে খুন করে বসল কুকুরটা। রাগে কাঁপতে কাঁপতে জমিদারের কাছে ছুটে এল সন্তানহারা পিতা। সবগুলো নেকড়ে-কুকুরকে মেরে ফেলার দাবি জানাল। প্রত্যাখ্যান করল জমিদার। উল্টে, টিটকিরি দিয়ে বলল, চাইলে শিশুটার বিনিময়ে কয়েকটা পয়সা দিতে পারে সে বাপকে।' আর রাগ সামলাতে পারল না বাবা। বিশাল এক পাথর তুলে নিয়ে আক্রমণ করল জমিদারকে। মারা গেল জমিদার। মৃত্যুর আগে অভিশাপ দিয়ে গেলঃ আবার সে আসবে ধাঁয়ে, অন্য কাপে। গায়ের কাউকে শান্তিতে থাকতে দেবে না।'

'তারপর নিশ্চয় কুকুর হয়ে ফিরে এসেছিল লোকটা?' বলল মুসা।

'হ্যাঁ। এক বিশাল হাউণ্ড,' আগের কথার থেই ধরল মিকো, 'জমিদারের সবকটা কুকুরকে মেরে ফেলল গায়ের লোকজন। তারপর, এক অঙ্ককার দুর্ঘটণার রাতে ঘটল ঘটনা। বিরাট এক কুর্বাইকে দেখি গেল গায়ের পথে। গোঙাছিল, মাঝে মাঝেই হাঁক ছাড়ছিল ক্ষুধার্ত কষ্টে। চামড়ার ওপর দিয়ে পাঁজরার হাড় গোনা যাছিল। আতঙ্কিত হয়ে পড়ল লোকেরা। দু'একজন দুঃসাহসী লোক খাবার এনে রাখল কুকুরটার সামনে। কিন্তু ছাঁলোও না হাউণ্ডটা। কারও কোন ক্ষতিও করল না। এরপর থেকে প্রতি অমাবস্যার রাতেই নাকি ফিরে আসতে লাগল কুকুরটা। লোকজন গ্রাম ছেড়ে পালাল। আজও নাকি দেখা দেয়। ওই কুকুর। পোড়ো গ্রামটায় ঘুরে ঘুরে বেড়ায় অঙ্ককার রাতে, হাঁক ছাড়ে ক্ষুধার্ত গলায়। হতে পারে, কাহিনীটা বানানো। রোমাঞ্চকর এক ভুতুড়ে গঞ্জে!'

'ওই কুকুরটার ছবি অঁকেছিলেন আপনার ভাই,' জিজেস করল কিশোর।

'ছবি নয়, মৃতি। প্রতিকৃতি,' বলল মিকো। 'কাচ আর স্ফটিকের বিশেষজ্ঞ বলা যেত তাকে। ওই জিনিস দিয়েই বানিয়েছিল।'

'অপূর্ব একটা শিল্পকর্ম ওই হাউণ্ডের মৃতি,' অনেকক্ষণ পর কথা বললেন অলিভার। 'আমার জন্যেই বানিয়েছিল ওটা, জ্যাক। মাসখানেক আগে শেষ করেছিল কাজ। মূলার গ্যালারিতে একটা শো ইওয়ার কথা ছিল তার শিল্পের।

ওখানে দেখানৰ জন্যে রেখে দিয়েছিল মূর্তিটা। আমাৰ কোন আপত্তি ছিল না। চুৱি
যাবে জানলে কি আৱ রাখতে দিতাম?’

‘কাচেৰ একটা কুকুৱ, না?’ বলল রবিন।

‘স্ফটিক; শুধৰে দিলেন অলিভার। স্ফটিক এবং শৰ্ষ।’

‘স্ফটিকও এক ধৰনেৰ কাচই,’ বলল মিকো। ‘তবে প্ৰেশাল কাচ। অতি মিহি
সিলিকাৰ সঙ্গে লীড অস্বাইড মিশিয়ে তৈৰি। সাধাৰণ কাচেৰ চেয়ে ভাৱি, অনেক
বেশি উজ্জল। কাচ কিংবা স্ফটিক গলিয়ে নিয়ে কাজ’ কৰত আমাৰ ভাই। বাৰবাৰ
গৱম কৰে, বিভিন্ন ঘন্টপাতিৰ সাহায্যে বালিয়ে নিত কোন একটা মূৰ্তি। ঘষেমেজে
তাৰপৰ অ্যাসিডে চুবিয়ে মসৃণ কৰে নিত ওপৰটা। এক অসুমান্য সৃষ্টি ওই হাউণ।
সোনালি রঙে, আঁকা চোখগুলো দেখে মনে হত ঐকেবাৰে জ্যান্ত। দুই কশায়
ফেনাও তৈৰি হয়েছে শৰ্ষ দিয়ে।’

‘হয়ত আবাৰ ফিৰে পাওয়া যাবে ওটা,’ আশা প্ৰকাশ কৰল রবিন। ‘ও
ধৰনেৰ একটা জিনিস বিক্ৰি কৰা এত সহজ না।’

‘কঠিনও না; বললেন অলিভার; ‘এসব জিনিসৰ প্ৰতি যাদেৰ লোভ আছে,
য়ৰা জ্যাক ইলিয়টকে চেনে, তাৱা ঠিকই কিমে নেবে।’

পুৱো ঘৰটায় চোখ বোলাচ্ছে কিশোৱ। ‘এখানেই কি কাজ কৰতেন তিনি?
কাচ গলানৰ চূলা কেৰাখায়?’

‘এখানে না,’ জবাৰ দিল মিকো; ‘পূৰ্ব লস অ্যাঞ্জেলেসে তাৱ ওয়াৰ্কশপ।
চৰিশ ঘন্টাৰ বিশ ঘন্টাই ওখানে কাটাত সে।’

‘তাৰ তৈৰি আৱ কোন মূৰ্তি নেই। নিজেৰ জন্যে কিছুই রাখেননি? মাকি
ওয়াৰ্কশপে রয়ে গেছে?’

‘বেশ কিছু সংগ্ৰহ তাৱ আছে। নিজেৰ আৱ অন্যান্য শিল্পীদেৰ তৈৰি। এই
ঘৰেই রাখত ওগুলো। জ্যাকেৰ মৃত্যুৰ পৰ, একে একে সব জিনিসই সৱিয়ে নিয়ে
গেছি আমি নিৱাপদ জ্যাগায়। শুধু ওই একটা জিনিসই বাকি ছিল। ব্যাপারটা
নিভাত্তই দুঃটিলো।’

দীৰ্ঘশ্বাস ফেললেন অলিভার।

‘আমাৰ ভাইয়েৰ গ্যালারি শো শেষ হয়েছে মাত্ৰ দুই দিন আগে, বলল মিকো।
‘অনেকেৰ কাছেই মূৰ্তি বিক্ৰি কৰিবলৈছিল জ্যাক। ভাল ভাল কয়েকটা জিনিস আবাৰ
কয়েকদিনেৰ জন্যে চেয়ে এনে শোতে পাঠিয়েছিল। একে একে ওগুলো আবাৰ
যাব যাব কাছে পৌছে দিয়েছি। আমি গত বিকেলে হাউণ্টা নিয়ে কিৰেছি
মিউজিয়ম থেকে। এ ঘৰে চুকেছি অন্য কাৱও কোন জিনিস রয়ে গেল কিনা,
দেখাৰ জন্যে। আসলে, আগে গিয়ে হাউণ্টা দিয়ে আসা উচিত ছিল ক্ৰ্যাক্ষকে,
ভাইলে আৱ এ অঘটন ঘটত না...যাই হোক, এসে চুকলাম। বইগুলো তুলে তুলে
পৰিষ্কাৰি, তলায় কিছু পড়ে আছে কিনা। কিছুই পেলাম না। পায়খানা চাপল এই

সময়। গিয়ে চুকলাম বাথরুমে। বাথরুম থেকেই একটা খুটখাট আওয়াজ শনেছি। বেত্তাল-চেত্তাল হতে পারে ভেবে বেশি আগ্রহ করলাম না। বাথরুম থেকে বেরোতেই দেখি, একটা লোক ছুটে বেরিয়ে যাচ্ছে। ঢোর ছাড়া কিছু না, ধরেই নিলাম। রাস্তার মোড়েই ছিল পুলিশ। ছুটে এল। উদ্দেশ্যনায় তখন ভুলেই গিয়েছিলাম মৃত্তিটার কথা।

‘বড় বেশি খামখেয়ালি করেছ তুমি, মিকো,’ গোমড়ামুখে বললেন অলিভার। ‘তোমাকে সকালেই তো ফোনে বলেছিলাম, মৃত্তিটা নিয়ে আগে আমার ওখানে চলে যেও।’

‘আর লজ্জা দিও না, ফ্র্যাঙ্ক।’ অন্যদিকে চোখ ফিরিয়ে নিয়েছে মিকো, ডুলই হয়ে গেছে।

‘আর কেউ জানত, গতকাল কুকুরটা নিয়ে আসা হবে গ্যালারি থেকে?’ অলিভারের দিকে তাকিয়ে আছে কিশোর। ‘পৌছে দেয়া হবে আপনার ওখানে?’

মাথা নাড়লেন অলিভার আর মিকো, দু'জনেই।

‘জিনিসটার বীমা করা ছিল?’ জানতে চাইল রবিন।

‘ছিল, কিন্তু তাতে কি?’ জবাব দিলেন অলিভার। ‘তাতে তো আর জিনিসটা ফিরে পাওয়া যাবে না, টাকা পাওয়া যাবে। টাকা আমি চাই না। শিল্পের ক্ষতিপূরণ টাকা দিয়ে হয় না।’

‘আঙুলের ছাপ বা চোখের অন্য কোন চিহ্ন খুঁজেছে পুলিশ?’ জিজেস করল কিশোর।

‘গতরাতের অর্ধেকটাই ওসব খুঁজে পার করেছে পুলিশ,’ জবাব দিল মিকো। ‘সারা ঘরে পাউডার ছড়িয়ে আঙুলের ছাপ খুঁজেছে। কিন্তু কোন সিদ্ধান্তে পৌছুতে পারেনি ওরা। এখন ফাইল ঘাঁটাঘাঁটি করছে। ওস্তাদ সব শিল্প-চেরের ছাপের সঙ্গে এ-বাড়িতে পাওয়া আঙুলের ছাপগুলো মিলিয়ে দেখছে।’

‘কোম সভাবনাই বাদ রাখে না পুলিশ,’ প্রশংসা করল কিশোর। ‘সব ওরাই করছে, হাউও চুরির ব্যাপারে আমরা আর কি করব?’

‘ঠিকই,’ মাথা ঝোকালেন অলিভার। উঠে পড়লেন। মিকো ইলিয়টের কাছ থেকে বিদায় নিয়ে ছেলেদের সঙ্গে বেরিয়ে এলেন ওখান থেকে। নিজের বাড়িতে যাবেন।

চতুরেই দেখা গেল মিসেস ডেনভারকে। ফুলের ঝাড় থেকে ঘরা পাতা বাহচে। ওকে অগ্রহ্য করলেন অলিভার। সিঁড়ি বেয়ে উঠতে শুরু করলেন ওপরে। পেছনে তিনি গোয়েন্দা।

বসার ঘরে এসে চুকল ওরা। দুরজা বক্ষ করে দিয়ে এসে বসলেন অলিভার।

পকেট থেকে ছোট জারটা বের করল কিশোর। কি আছে ওতে, জানাল প্রথমে; বলল, ‘আপনার ডেক্সের ড্রয়ারের হাতল মাথিয়ে রাখব। তারপর বেরিয়ে ছায়াছাপদ

যাব আমরা সবাই। কেউ দ্রয়ার খোলার জন্যে হাতল ধরলেই হাতে কালো দাগ
পড়ে যাবে তাৰ।'

'সেজন্যে বেরিয়ে যাবার দৰকাৰ নেই,' বললেন অলিভার। 'আমি থাকলেও
ঘৰে ঢোকে সে। বন্ধু দৰজা এমনকি দেয়ালও তাৰ কাছে কোন বাধা নয়। ওগৱে
গলেই চলে আসে স্বচ্ছন্দে। দ্রয়াৱেৰ সামান্য কাঠ ঢেকতে পাৰবে না তাকে।
হাতলে হাত দেয়াৰ দৰকাৰই পড়বে না।'

'মিষ্টাৰ অলিভার,' জোৱ দিয়ে বলল কিশোৱ। 'আগে চেষ্টা কৰে দেখতে হবে
আমাদেৱ। হবে না বলে কিছুই না কৰলে, সত্যি সত্যি হবে না। আপনিই তো
বলছেন, বাইৱে থেকে ফিৱে এসে খোলা পেয়েছেন দ্রয়াৱ।'

'বেশ,' বিশেষ ভৱসা পাচ্ছেন বলে মনে হল না, তবু সম্ভতি দিলেন অলিভার।
সব রকমভাৱে চেষ্টা কৰে দেখতে রাজি আছি আমি। যাও, যাখাও তোমাৰ মলম।
তাৱপৰ চল, বাইৱে কোথাও গিয়ে খেয়ে আসি। খুব খিদে পেয়েছে।'

'ঠিক,' চেঁচিয়ে উঠল মুসা। 'খুব ভাল কথা বলেছেন। খিদেয় নাড়িভুঁড়িই
হজম হয়ে যাচ্ছে আমাৱ।'

দ্রয়াৱেৰ হাতলে সাবধানে মলম যাখাল কিশোৱ। হাত লাগাল মা, কাগজেৰ
তোয়ালেতে লাগিয়ে নিল আগে, তাৱপৰ ডলে ডলে ভালমত লাগাল চীনামাটিৰ
হাতলে।

তিন গোয়েন্দাকে নিয়ে বেরিয়ে এলেন অলিভার। কোথায় খেলে ভাল হয়,
প্ৰস্তাৱ দিল মুসা। উজ্জ্বলন্য জোৱে জোৱে কথা বলছে সে। দৰজা বন্ধ কৰে তালা
লাগিয়ে দিলেন অলিভার। সিঁড়ি বেয়ে নেমে এলেন ওৱা চাৰজন।

শূন্য চতুৱ। গেটেৰ কাছে সাক্ষাৎ হয়ে গেল মিসেস ডেনভাৱেৰ সঙ্গে। আৱও
একজন দাঁড়িয়ে আছে তাৰ কাছাকাছি। টমি গিলবাট। গিৰ্জাৰ দিকে তাকিয়ে
আছে ওৱা।

গিৰ্জাৰ চতুৱেৰ সামনে দাঁড়িয়ে আছে একটা অ্যাম্বুলেন্স।

'কি হয়েছে?' জিজ্ঞেস কৰল মুসা।

'গিৰ্জাৰ দারোয়ান,' বলল টমি। 'আৱাঞ্চক আহত! এই খানিক আগে
চিলেকোঠায় ওঠাৰ সিঁড়িৰ শোড়ায় পাৰওয়া গেছে তাকে। বেহেশ! দেখতে
পেয়েছেন, ফাদাৰ স্বিধি!'

পাঁচ

গিৰ্জায় ছুটে গেল তিন গোয়েন্দা আৱ মিষ্টাৰ অলিভার।

একটা ট্ৰেচাৰ তুলে নিয়েছে সাদা পোশাক পৱা দু'জন লোক। তাতে
দারোয়ান পল, গলা পৰ্যন্ত টেনে দেয়া হয়েছে চাদৱ।

গির্জা থেকে বেরিয়ে এলেন ফাদার স্থিথ। পেছনে এল মিসেস ব্রাইসু।

‘ওকে মেরে ফেলেছে!’ বিলাপ করে কেঁদে উঠল ব্রাইস। ‘মেরে ফেলেছে! খুন! খুন করেছে বেচারাকে!’

‘ব্রাইস, ভুল বলছ,’ শান্ত গলায় বললেন ফাদার। ‘মেরে ফেলেনি। ঈশ্বরকে ধন্যবাদ,’ চেহারা ফ্যাকাসে। কম্পিত হাতে গির্জার দরজায় তালা লাগলেন তিনি। ‘গতরাতে ওর সঙ্গে আসা উচিত ছিল আমার! একা তালা লাগাতে পাঠানো উচিত হয়নি মোটেই! ইস্স, সারাটা রাত ঠাণ্ডার মধ্যে পড়ে ছিল বেচারা!’

সিডি বেয়ে নেমে এলেন ফাদার। সব আমার দোষ! ওরও বাড়াবাড়ি আছে! কতবার বলেছি, রাতে, বাতি নেবাবে না। অঙ্ককার রাখবে না চতুর। না, কথা শুনবে না। বিদ্যুতের খরচ বাঁচায়। এখন হল তো!

‘বুদ্ধ! একেবারে গাধা!’ কাঁদতে কাঁদতে বলল ব্রাইস। ‘কি এমন খরচ বাঁচত! এখন? এখন তো ধাকবে হাসপাতালে পড়ে?’

‘ওসব ভেবে কিছু হবে না, ব্রাইস,’ বললেন ফাদার। ‘যাও...যাও, চমৎকার এক কাপ চা বানিয়ে থাও গিয়ে। ভাল লাগবে।’ আম্যবুলেসের পেছনের সিটে গিয়ে উঠলেন তিনি। দরজা বন্ধ করে দেয়া হল। স্টার্ট নিয়ে চলে গেল গাড়ি।

‘উনেছেন, চা!’ অলিভারের দিকে চেয়ে চেঁচিয়ে উঠল ব্রাইস। ‘চমৎকার এক কাপ চা খেতে বলছে! ওদিকে বোধহয় মারাই গেল লোকটা! আমাকে চা খেয়ে শান্ত হতে বলছে! ঈশ্বর! লোকটার একেবারে মায়াদয়া নেই! ভূত্টা হয়ত শেষই করে দিল পল বেচারাকে...’ ঝড়ের মত ছুটে চলে গেল মহিলা রেকটরিন দিকে।

‘ভূত?’ অলিভারের দিকে চেয়ে বলল রবিন।

‘মিসেস ব্রাইসের ধারণা, গির্জার আশেপাশে ভূত আছে,’ বললেন অলিভার। ‘দেখেছেও নাকি সে। এর আগের ফাদার, বুদ্ধ হয়ে মারা গেছিলেন এখানেই। বছর তিনেক আগে। কারও কারও ধারণা, গির্জার মায়া ত্যাগ করতে পারেননি তিনি। মৃত্যুর পরেও এসে ঘুরে বেড়ান এর ভেতরে। চঙ্গ, খাওয়ার কাজটা সেবে ফেলি।’

উইলশায়ার বুলভার্ড-এর দিকে চলল ওরা।

‘মিষ্টার অলিভার, হাঁটতে হাঁটতে বলল রবিন। ‘আপনার ঘরে যে আসে, সে আর এই গির্জার ভূত কি একই? কি মনে হয় আপনার?’

‘নিশ্চয় না!’ জোর দিয়ে বললেন অলিভার। ‘ফাদারের ভূত হলে দেখাম আইচিন্তাম। তবে সেটা আছে কিনা, শিশুর না আমি। আজ অবধি শুধু মিসেস ব্রাইসই দেখেছে ওটা, আর কেউ না। মহিলা বলে, রাতে, যোমবাতি হাতে গির্জার ভেতরে ঘুরে বেড়ায় ফাদারের প্রেতাঞ্জা। আমার বিশ্বাস হয় না। কেন সেটা করবেন তিনি? খুব ভাল লোক ছিলেন। ভাল লোকেরা মৃত্যুর পর ভূত হয় না। কতদিন তাঁর সঙ্গে দাবা খেলেছি। নাহ, তাঁর ভূত হতেই পারে না।’

আড় নিল ওরা। কয়েকটা ঝুক পেরিয়ে এসে একটা রেইনেন্টের সামনে ছায়াপাদ

দাঢ়াল। তিনি গোয়েন্দাকে নিয়ে ভেতরে চুকে পড়লেন অলিভার।

সুন্দর রেস্টুরেন্ট। পরিষ্কার পরিচ্ছন্ন। দরজার পেতলের হাতলগুলোও নিয়মিত ঘষামাজার ব্যবহার করছে। টেবিলে পরিষ্কার টেবিলকুখ, কড়া মাড় দিয়ে ইত্তিরি করা। প্রতিটি টেবিলের মাঝখানে ফুলদণ্ডীতে ফুল। কৃত্রিম, কিন্তু ভাল করে খেয়াল না করলে বোঝাই যায় না, মনে হয় আসল। খদের নেই। অসময়। নাশতার সময় পেরিয়ে গেছে অনেক আগে, অবার লাঞ্ছেরও সময় হয়নি এখনও। ওরা চারজন আর একজন ওয়েটার ছাড়া কোন লোক নেই পুরো ঘরটাতে।

খাবার এল।

‘মিস্টার অলিভার,’ প্লেট টেনে নিতে নিতে বলল কিশোর, ‘আপনার অ্যাপার্টমেন্ট হাউসটা অনেক বড়। সেই তুলনায় লোক দেখিনি। ভাড়াটে কি নেই? শুধু মিসেস ডেনভার...’

মহিলার নামটা শনেই মুখ বাঁকালেন অলিভার।

‘...মিসেস ডেনভার,’ আবার বলল কিশোর। ‘আর টমি গিলবার্ট। বড় অসময়ে বাসায় দেখা যায় লোকটাকে।’

‘ভারমন্টে, বাজারের এক দোকানে কাজ করে, মাঝরাত থেকে সকাল পর্যন্ত,’ বললেন অলিভার। ‘ছেলেটার চালচলন কেমন একটু অঙ্গুতই মনে হয় আমার কাছে। টয়ি, নামটাও বেন কেমন। বুড়ো হলেও টয়ি বলে ডাকা হবে, ভাবতেই হাসি পায়। আমার সবচেয়ে ছোট অ্যাপার্টমেন্টটা ভাড়া নিবেছে সে। তেমন আয় নেই, বোৰা যায়। একটা মেয়েও ভাড়া থাকে আমার বাড়িতে। লারিসা, লারিসা ল্যাটিনিনা। টয়ির বয়েসী, ওর পাশের অ্যাপার্টমেন্টটা নিয়েছে। শহরতলীতে একটা ডিপার্টমেন্টাল স্টোরে চাকুরি করে। আর, ফ্র্যাঙ্কলিন জ্যাকবস একজন টেক্সেটক্রোকার।’

‘পুলিশ চলে যাবার পর গত সন্ধিয়ায় যে লোকটাকে দেখলাম?’ জানতে চাইল রবিন।

‘হ্যাঁ। বাড়ির শেষ মাথায় কোণের একটা ফ্ল্যাট নিয়েছে। খুব সকালে বেরিয়ে অফিসে চলে যায়, দুশীরের পর ফেরে। ওর এক ভাগে, বব বারোজ, কলেজে পড়ে। জ্যাকবসের কাছেই থাকে। আরও একজন থাকে আমার বাড়িতে। ব্রায়ান এন্ড্রু, ওরফে-বেড়াল-মানব।’

‘বেড়াল মানব!’ বিশাল এক স্যান্ডউইচে কামড় বসাতে গিয়েও থেমে গেছে মুসা।

হাসলেন অলিভার। ‘আমিই ওই নাম রেখেছি। বেড়াল নিয়ে মেতে থাকে। রোজ বিকেল পাঁচটায় পাড়ার যত ভবঘূরে বেড়াল আছে, এসে হাজির হয় ওর ঘরে। ওগুলোকে খাবার দেয় সে। নিজের পোষা একটা বিড়াল আছে, একটা শিয়ামিজ বেড়াল।’

‘কাজকর্ম কি করে?’ জানতে চাইল মুসা।

‘কিছু না,’ বললেন অলিভার। ‘ব্যাংকে বোধহয় জমানো টাকা আছে। তুলে আনে, আর খরচ করে। সারাদিনই প্রায় বাইরে বাইরে ঘোরে। ভবঘূরে বেড়াল ধরে আনে, যেগুলো তার বাড়ির সঙ্গান পায়নি। আহত, বা রোগা বেড়াল দেখলে, তুলে নিয়ে গিয়ে নিজের খরচে পৌছে দিয়ে আসে পশু হাসপাতালে।’

‘আর কে কে বাস করে আপনার বাড়িতে?’ জিজেস করল কিশোর।

‘আরও অনেকেই থাকে। মোটমাটি বিশজন ভাড়াটে। বেশির ভাগই খেটে খাওয়া মানুষ। যাদের নাম বললাম, তারা ছাড়া আর সবাই ছুটিতে বাইরে গেছে। আস্তীয়-স্বজন কিংবা বন্ধুদের ওখানে বড়দিন পালন করবে। ছুটি শেষ হলেই ফিরে আসবে আবার। ত্রায়ানের ভাগেকে ধরলে, এখন মোট সাতজন আছে আমার বাড়িতে।’

‘ভালই,’ বলল কিশোর। ‘সন্দেহের আওতা খুব সীমিত।’

ঝট করে চোখ তুললেন অলিভার। তীক্ষ্ণ দৃষ্টি। ‘তুমি কি ভাড়াটেদের কাউকে সন্দেহ করছ? ওদেরই কেউ আমার ঘরে ঢোকে, ভাবছ?’

‘আরও প্রমাণ দরকার, নইলে শিওর হয়ে বলতে পারব না। তবে, লোকটা এমন কেউ, যে জানে, কখন আপনি বাড়ি থাকেন, কখন থাকেন না। আমরা বেরিয়ে এসেছি দেখে থাকলে, আজও চুক্তে পারে আপনার ঘরে।’

কাঁধ বাঁকালেন মিষ্টার অলিভার। হযুত তোমার কবাই ঠিক, কিশোর। আমার ডেক্স ঘাঁটার অনেক সময় পেয়েছে সে আজ।’

খাওয়া শেষ হল। ওয়েটারকে বিল আনতে বললেন অলিভার।

রেস্টুরেন্ট থেকে বেরিয়ে এল চারজনে। উইলশায়ার রোড ধরে এসে চুকল প্যাসিও প্লুসে। গির্জার সামনের রাস্তা একেবারে নির্জন। অ্যাপার্টমেন্ট হাউসে এসে পৌছুল ওরা। ঘরের ভেতরে বাসন-পেয়ালা খুচু মিসেস ডেনভার, গেট থেকেই শব্দ শোনা যাচ্ছে।

‘ওই মেয়েমানুষটাকেও খেতে হয় মাঝে মাঝে,’ বলে উঠলেন অলিভার, ‘তাই রক্ষে! নইলে চৰিশ ঘটায় কখনও বুড়িটার চোখের আড়ালে থাকতে পারতাম না। শকুনি, শকুনি!’

হেসে ফেলল মুসা। ‘খুব বেশি বিরক্ত করে বুঝি?’

‘করে মানে? সারাক্ষণ ভাড়াটেদের পেছনে লেগে আছে। কে কখন কি করছে না করছে, চোখ রাখছে। উদ্ভৃত সব প্রশ্ন করে বসছে মাঝে মাঝেই। শুধু তাই না, কে কি খায় না খায়, তা-ও ভাট্টিবিনে ফেলে দেয়া উচ্চিষ্ট ঘেঁটে দেখে আসে। কয়েকবার ভাট্টিদিন ঘাঁটতে দেখেছি আমি ওকে। বুড়িটার বকবকানির দোলতে কে কি খায়, কি করে, আমারও জানা হয়ে গেছে অনেকখানি। জানি, লাইসার প্রিয় জিনিস চকলেট, ডিনার খায় ঠাণ্ডা করে। ত্রায়ানের বেড়ালগুলো ইঙ্গায় চলিশ হায়াঘাপদ।’

ତିନ ଖାରାର ସାବାଡ଼ କରେ, ଏଟାଓ ଜାନି । ଏ-ବାଡ଼ିତେ ଥେକେ କାରଓ ଗୋପନୀୟତା ବଲେ ଆର କିଛୁ ରହିଲ ନା । ସବ ଓଇ ବୁଡ଼ିଟାର କଳ୍ୟାଣେ ।

ଅଲିଭାରେର ପିଛୁ ପିଛୁ ବ୍ୟାଲକନିତେ ଏସେ ଉଠିଲ ତିନ ଗୋଯେନ୍ଦ୍ରା । ତାଳା ଖୁଲିଲେନ ତିନି । ଦରଜା ଖୁଲେ ଘରେ ଚୁକଲେନ । ଛେଲେରାଓ ଚୁକଲ ।

‘ଖବରଦାର !’ ଘରେ ଚୁକେଇ ସାବଧାନ କରଲ କିଶୋର । ‘କେଉ କୋନ ଜିନିସେ ହାତ ଦେବେ ନା ।’ ପକେଟ ଥେକେ ଛୋଟ ଏକଟା ଆତଶୀ କାଚ ବେର କରେ ସୋଜା ଗିଯେ ଚୁକଲ ମିଷ୍ଟାର ଅଲିଭାରେର କାଜେର ଘରେ । କାଚେର ଭେତର ଦିଯେ ପରୀକ୍ଷା କରଲ ଡ୍ର୍ୟାରେର ହାତଲ ।

‘ବାହୁ, ଚମ୍ବକାର !’ ଚେଟିଯେ ଉଠିଲ ଗୋଯେନ୍ଦ୍ରାପ୍ରଧାନ ।

ପ୍ରାୟ ଛୁଟେ ଦରଜାଯ ଏସେ ଦାଁଡାଲେନ ଅଲିଭାର ।

‘ଡ୍ର୍ୟାର ଖୁଲେଛିଲ କେଉ,’ ଜାନାଲ କିଶୋର । ‘ହାତ ଦିଯେଛିଲ ହାତଲେ । ମାନୁଷେର ହାତ, ଭୂତ-ଫୁତ ନା । ମଲମେ ଛାପ ପଡେ ଆହେ । ... ରବିନ, ଏକଟା ତୋଯାଲେ, ପ୍ରୀଜ !’

ତାଡାତାଡ଼ି ରାନ୍ଧାଘର ଥେକେ ଏକଟା କାଗଜେର ତୋଯାଲେ ଏମେ ଦିଲ ରକିନ ।

ସାବଧାନେ ହାତଲଟା ମୁହଁ ଫେଲିଲ କିଶୋର ।

‘ଡ୍ର୍ୟାର ଖୁଲିବ ?’ ଜାନତେ ଚାଇଲେନ ଅଲିଭାର ।

‘ନିଶ୍ଚଯ । ... ଆମିଇ ଖୁଲଛି,’ ଡ୍ର୍ୟାରଟା ଟେନେ ଖୁଲିଲ କିଶୋର । ‘ଦେଖୁନ, କିଛୁ ଚୁରି ହେୟରେ କିନା ।’

ଦେଖିଲେନ ଅଲିଭାର । ‘ନା, ସବ ଠିକଇ ଆହେ । ଅବଶ୍ୟ କଥନୋଇ କିଛୁ ଚୁରି ହୟନି । ଧାଁଟାଧାଁଟି କରେ ଯାଯ ଶୁଦ୍ଧ । ଆଜ ଟେଲିଫୋନେର ବିଲଟା ଖୁଲେ ଦେଖେଛେ କେଉ । ସକାଳେ, ଡ୍ର୍ୟାରେର ଶୈୟ ଦିକେ ଛିଲ ଓଟା, ଭାଙ୍ଗ କରା । ଖାମେ ଭରା ।’

‘ଖାମେର ଓପର ମଲମ ଲେଗେ ଆହେ, ଖୁଶିତେ ଦାତ ବେରିଯେ ପଡ଼େଛେ କିଶୋରେର ।

‘ଖୁବ ଭାଲମତିଇ ହାତେ ଲାଗିଯେଛେ ମଲମ ।’

ଓ-ଘର ଥେକେ ବେରିଯେ ପଡ଼ିଲ କିଶୋର । ବସାର ଘର ପ୍ରେରିଯେ ସାମନେର ଦରଜାର କାହେ ଏସେ ଦାଁଡାଲ । ସୁଂକେ ଭାଲମତ ପରୀକ୍ଷା କରଲ ହାତଲଟା । ‘ଏଥାନେ ମଲମ ମାଥାଇନି । କିନ୍ତୁ ଏଥିନ ଲେଗେ ଆହେ ।’

‘ସୁତରାଂ ବୋବା ଯାଛେ, କୋନ୍ ପଥେ ବେରିଯେ ଗେଛେ ଚୋର,’ କିଶୋରେର କଥାର ପିଠେ ବଲିଲ ରବିନ । ‘ଦରଜା ଖୁଲେ ହେଟେ ଚଲେ ଗେଛେ ଆର ଦଶଜନ ସାଧାରଣ ମାନୁଷେର ମତଇ ।’

‘ଏବଂ ଦରଜାଯ ଆସାର ତାଳା ଲାଗିଯେ ଗେଛେ,’ ବଲିଲ କିଶୋର । ଦରଜା ଖୁଲେ ବାଇରେ ଦିକେର ବୋଲ୍ଟ-ଲକ ପରୀକ୍ଷା କରଲ । ମଲମ ଲେଗେ ଆହେ ହାଲକାଭାବେ । ‘ହ୍ୟମ୍ ! ଚାବି ଆହେ ଓର କାହେ !’

‘ଅସଞ୍ଚବ !’ ପ୍ରାୟ ଚେଟିଯେ ଉଠିଲେନ ଅଲିଭାର । ‘ଓଟା ସ୍ପେଶାଲ ଲକ । ଚାବି ଥାକତେଇ ପାରେ ନା କାରଓ କାହେ !’

‘କିନ୍ତୁ ଆହେ,’ ଦୃଢ଼ କଷ୍ଟେ ବଲିଲ କିଶୋର । ଦରଜା ବନ୍ଦ କରେ ଦିଲ ଆବାର ।

সবকটা ঘরে তন্মু তন্মু করে মলমের দাগ খুঁজল ওরা এরপর। বাথরুমের আয়নায় পাওয়া গেল ছাপ। পাওয়া গেল ওয়ুধের বাক্সের গায়ে।

‘মেডিসিন কেবিনেটও খুলেছিল সে,’ হাসল কিশোর।

যোঁৎ ধরনের একটা শব্দ করলেন অলিভার। রেগে গেছেন।

‘যাক, উন্নতি হচ্ছে তদন্তের,’ আবার বলল কিশোর।

‘তাই কি?’

‘নিচ্য়,’ গভীর আস্তা কিশোরের কষ্টে। ‘প্রথমেই জেনে গেলাম, আপনার ঘরে চুকে ড্রয়ার, জিনিসপত্র ধাঁটাধাঁটি করে যে, তার হাতে মলম লাগে। তারমানে অশৰীরী নয়। আর দশজন মানুষের মতই স্বাভাবিকভাবে দরজা খুলে চুকেছিল সে আজ সকালে, বেরিয়ে গেছে আবার দরজা দিয়েই। অর্থাৎ, দেয়াল কিংবা কাঠের দরজা ভেদ করে সে আসে না। এবার গিয়ে চতুরে বসব। চোখ রাখব, কারা আসছে, কারা যাচ্ছে। হাতের দিকে নজর রাখব। কালো দাগ দেখলেই ধরব ক্যাক করে।’

‘এখানে যারা থাকে, তাদের কেউ যদি না হয়?’ বললেন অলিভার।

‘আমি শিওর, এ-বাড়িতেই থাকে সে। এমন কেউ, যে সকালে আমাদেরকে বেরিয়ে যেতে দেখেছে।’

অলিভারকে ঘরে রেখে বেরিয়ে এল তিন গোয়েন্দা। চতুরে নামল। বসে পড়ল গিয়ে সুইমিং পুলের কিনারে সাজানো চেয়ারে।

‘দারুণ একখান পুল!’ চোখ চকচক করছে মুসার।

কেউ কোন জবাব দিল না।

কি ভেবে উঠে পড়ল রবিন। পুলের কিনারে গিয়ে বসে পড়ল। তাকাল নিচে। টেলটলে পরিষ্কার পানি। তলায় নীল আর সোনালি রঙের মোজাইক। ‘খুব সৌন্ধিন লোকের কাজ! স্যান সিমেঅন-এর হাস্ট ক্যাসলে আছে এমন একটা পুল, দেখেছি।’ পানিতে হাত রাখল সে। উষ্ণ রাখা হয়েছে কৃতিম উপায়ে।

গেটের বাইরে সিঁড়িতে পারেন শব্দ হল। লাফিয়ে ভেতরে এসে চুকল একটা ধূসর বেড়াল, পেছনে একজন লোক। তামাটে চুল। সাদা সোয়েটারের ওপর খাকি রঙের জ্যাকেট। ছেলেদের দিকে একবার তাকাল। কোনরকম আগ্রহ দেখাল না। বেড়ালটার পিছু পিছু চতুর পেরিয়ে চলে গেল বাড়ির এক প্রান্তের একটা দরজার কাছে। বেড়ালটাকে দরজার গোড়ায় রেখে ভেতরে চুকে পড়ল। মাত্র কয়েক সেকেণ্ড পরেই বেরিয়ে এল আবার, হাতে খাবারের প্লেট। নামিয়ে রাখল। খাবারের ওপর ঝাপিয়ে পড়ল বেড়াল। ঝুকে গভীর আগ্রহে ওটার খাওয়া দেখতে লাগল লোকটা।

‘ব্রায়ান,’ ফিসফিস করে বলল রবিন। ‘গত সন্ধ্যায়ও দেখেছি ওকে আমরা।’

- ‘নতুন একটা ভবধূরে খুঁজে পেয়েছে,’ ইঙ্গিতে বেড়ালটাকে দেখাল মুসা।

‘অসময়ে খাওয়াচ্ছে দেখছ না। পাঁচটায় খাবার সময়, জানা নেই গুটার।’

দ্রুত খাওয়া শেষ করল বেড়াপটা, নিঃশব্দে চলে গেল বাড়ির পেছনে। শূন্য পেটটা তুলে নিয়ে ঘরে ঢুকে পড়ল ব্রহ্মান এনজু।

সিঙ্গারেটে আবার শোনা গেল পৌরের শব্দ, আবার খুলে গেল গেট। ভেতরে চুকল বালিষ্ঠ সেই লোকটা। জ্যাকবস। টোটের কোণে সিগারেট। ছেলেদের দিকে চেয়ে সামান্য মাথা বোঁকাল সে। টোটে টোট চেপে রেখে হাসল। তারপর চলে গেল নিজের অ্যাপার্টমেন্টের দিকে, ব্রায়ানের পাশের ফ্ল্যাটটাই তার। ও হাত দেবার আগেই ভেতর থেকে খুলে গেল দরজা। বেরোল একটা ছেলে। আঠারো-উনিশ বছর বয়েস।

‘মামা,’ ভ্রুকুটি করল ছেলেটা, ‘সিগারেট একবারও সরাতে পার না মুখ থেকে।’

‘বকিসনে, বব। দিনটা খুব খারাপ যাচ্ছে আজ। অ্যাশট্টেট দিবি?’

‘ধূয়ে রেখে দিয়েছি পুলের কাছে। নাওগে। উহ, কি বিছিরি গন্ধ! বাড়ির আবহাওয়াই দৃষ্টি করে দিছি?’

ঘুরে দাঁড়াল জ্যাকবস। লম্বা লম্বা পা ফেলে এসে পুলের ধার থেকে তুলে নিল বিশাল, ছোটখাট একটা গামলার মত অ্যাশটে। ছেলেদের পাশের একটা চেয়ারে বসে পড়ে অ্যাশট্টেতে ছাই বাড়ল সিগারেটের ধূমপান করে চলল নীরবে।

‘আমার ভাগ্নেটার মত নিশ্চয় পাকামো কর না তোমরা?’ এক সময় কথা বলল জ্যাকবস। ‘গুরুজনদের কোন ব্যাপারে নাক গঙ্গাও না তো?’

‘আমার বাবা-মা সিগারেট খায় না,’ সাফ জবাব দিয়ে দিল মুসা।

ঝোঁৎ করে উঠল জ্যাকবস। ‘আমারও খাওয়া উচিত হচ্ছে না। তবে, সাবধানে থাকি আমি। যেখানে-সেখানে ছাই বাড়ি না, আগুন লাগিয়ে দিই না।’ এমনভাবে বলছে সে, যেন আগুন লাগিয়ে দেয়াটাই সিগারেট খাওয়ার একমাত্র দোষ। ‘অফিসে এ-রকম আরেকটা অ্যাশটে আছে আমার। কাজ করার সময়ও সতর্ক থাকি আমি। অ্যাশটের মাঝখানে পোড়া সিগারেট গুঁজে রেখে তারপর কাজে হাত দিই।’

সিগারেটে সুখটান দিল জ্যাকবস। পোড়া টুকরোটা অ্যাশট্টেতে ঠেসে নিভিয়ে উঠে দাঁড়াল। অ্যাশট্টেটা নিয়ে চলে গেল তার ঘরে।

‘কত রাকমের মূদাদোষ যে থাকে মানুষের...’ বাধা পেয়ে থেমে গেল মুসা।

‘...তোমার যেমন “ইয়াদ্দা” আর “খাইছে,” ক্ষম করে বলে বসল রবিন।

কথাটা কানে তুলল না মুসা। পুলের ওপাশে আরেকটা ফ্ল্যাটের দরজার দিকে চেয়ে আছে। ‘টমি গিলবার্ট কি ঘরেই আছে! পর্দা টানা!’ কিশোরের দিকে তাকাল। ‘চল না, বেল বাজাই? দেখি আছে কিনা...’

‘চুপ! হঠাৎ শিরদাঁড়া খাড়া হয়ে গেছে কিশোরের।

চতুরে বেরিয়ে এসেছে মিসেস ডেনভার। এক টুকরো টিস্যুপেপার দিয়ে জোরে জোরে ডলছে হাত। ‘পুলের কাছে ছেলেপিলেদের বসা নিষেধ!’ নাকী গলায় ঝেঁকিয়ে উঠল সে।

উঠে দাঁড়াল কিশোর। এগিয়ে গিয়ে দাঁড়াল মহিলার সামনে। ‘মিসেস ডেনভার, কি হয়েছে আপনার হাতে? কি লাগিয়েছেন?’

‘মানে?’

‘হাত দুটো দেখাবেন?’ জোরে জোরে বলল গোয়েন্দ্রপ্রধান।

কিশোরের গলা শোনার অপেক্ষায়ই ছিলেন অলিভার। ব্যালকনিতে এসে দাঁড়ালেন।

‘আপনার হাতে কালো দাগ, কিসের?’ জিজ্ঞেস করল কিশোর।

‘এই...ইয়ে, মানে...’ থতমত খেয়ে গেছে মিসেস ডেনভার। ‘রান্নাঘরে...’

‘আপনি মিষ্টার অলিভারের ঘরে চুকেছিলেন,’ কঠিন কষ্টে বলল কিশোর। ‘তাঁর ডেকের ছায়ার খুলেছেন, কাগজপত্র ঢেঁটেছেন, চিঠিপত্র পড়েছেন, মেডিসিন কেবিনেট খুলেছেন, বাথরুমের আয়নায় হাত দিয়েছেন। কেন?’

ত্রয়

জীবনে বোধহ্য এই প্রথম বাকশক্তি হারিয়ে ফেলল মিসেস ডেনভার। হাঁ করে চেয়ে আছে কিশোরের দিকে। রক্ত জমেছে মুখে, লাল, আরও লাল হয়ে উঠছে।

‘ডলে ফল হবে না,’ বলল কিশোর। ‘সহজে উঠবে না ওই দাগ।’

নেমে এসে ছেলেদের পাশে ‘দাঁড়ালেন’ অলিভার। ‘মিসেস ডেনভার, আপনার সঙে কয়েকটা কথা আছে আমার।’

অলিভারের কথায় চমকে যেন বাস্তবে ফিরে এল ম্যানেজার। নাকী গলায় চেঁচিয়ে উঠল, ‘জানেন, এই বিছুটা কি বলেছে আমাকে? চোর বলেছে?’

‘জানি। ঠিকই বলেছে!’ জবাব দিলেন অলিভার। ‘বাড়ির সবাই জানুক, এটা নিষ্য চান না?’ মিসেস ডেনভারের দরজার দিকে এগোলেন। ‘আসুন। কথা বলব।’

‘আমি...আমি ব্যস্ত,’ গলার ব্বর খাদে নেমে ‘গেছে ম্যানেজারের। অনেক...অনেক কাজ পড়ে আছে, জানেন আপনি।’

‘জানি, জানি,’ বঙ্গলেন অলিভার। ‘আপনার তো চকিশ ঘটাই কাজ! তো, আজ আর কি কি করার ইচ্ছে? ডাট্সবিন ঘাঁটবেন? আর কারও ঘরে চুকবেন?...আসুন, দাঁড়িয়ে দাঁড়িয়ে বকতে পারব না।...নাকি। উকিলকে টেলিফোন করব?’

আর কিছু বলতে হস্ত না। প্রায় উড়ে গিয়ে নিজের ঘরে চুকে পড়ল মিসেস ছায়াধাপদ

ডেনভার।

তিন গোয়েন্দার দিকে চেয়ে হাসলেন অলিভার। 'তোমাদের আসা উচিত হবে না। ওখানে বস। আমি কথা বলে আসছি।'

দরজা খোলা। ভেতরে ঢুকে পড়লেন অলিভার। বক্ষ করে দিলেন দরজা।

চুপচাপ বসে রইল তিন গোয়েন্দা। কান খাড়া। মিসেস ডেনভারের তীক্ষ্ণ মাঝী গলা শোনা যাচ্ছে। কিন্তু কি বলছে, বোঝা যাচ্ছে না। খানিক পর পরই থেমে যাচ্ছে তার গলা। ছেলেরা বুঝতে পারছে, তখন নিচু গলায় কথা বলছেন অলিভার। তাঁর গলা শোনা যাচ্ছে না।

'খুব ভালমানুষ,' এক সময় বলল মুসা। 'কিন্তু, আমার মনে হয়, প্রয়োজনে সাংঘাতিক কঠোর হতে পারেন তিনি। মোলায়েম গলায় কি ধরকটাই না লাগলেন ম্যানেজারকে।'

পুলের ওপাশে দরজা খোলার শব্দ হল। ফিরে তাকাল তিন গোয়েন্দা। বেরিয়ে আসছে টমি গিলবার্ট। রোদের দিকে চের্যে চোখ মিটমিট করছে, অঙ্ককারের জীবের মত। পরনে মোটা সুতার পাজামা, দলে-মুচড়ে আছে। শার্টের কহেকটা বোতাম নেই। পা খালি। হাই তুলল সে।

'গুড মর্নিং,' বলল কিশোর।

আবার চোখ মিটমিট করল টমি। হাতের উল্টো পিঠ দিয়ে রংগড়াল। চুল-মুখ অপ্রিক্ষার, ধোঁয়া হয়নি।

আবার হাই তুলল টমি। জিভ আর টাকরার সাহায্যে অস্তুত 'আঁ-ম আঁ-ম' শব্দ করল। চোখে যেন কিছুই দেখতে পাচ্ছে না। একটা চেয়ারে হোঁচট খেয়ে পড়তে পড়তে কোনমতে সামলে নিল। মাথা খাড়া দিয়ে তাকাল একবার পুলের দিকে। ছেলেদের দিকে ফিরল। বসবে কি বসবে না, দিখা করছে।

অবশ্যে ধপ করে পাথুরে ঢুকেই বসে পড়ল। গুটিয়ে হাঁটুর ওপর তুলে নিল পাজামার নিচের দিকটা। তাবপর একটা বিশেষ ভঙ্গিতে বসল।

ভঙ্গিটা চেনে কিশোর। যোগ ব্যায়ামের একটা আসন, পদ্মাসন। 'গুড মর্নিং,' আবার বলল সে।

ফ্যাকাসে শুধুটা কিশোরের দিকে ফেরাল উমি। পুরো এক সেকেও স্থির দৃষ্টিতে চেয়ে বইল। চোখের কোন নির্দিষ্ট রঙ বোঝা যাচ্ছে না। মণির চারপাশের সাদা অংশটা টকটকে লাল, ঘুমিয়ে ছিল, কিন্তু ঘুম ভাল হয়নি যেন।

'এখনও সকালই রয়েছে?' অবশ্যে কথা বলল টমি।

হাতঁঘড়ির দিকে তাকাল কিশোর। 'না, তা নেই। একটা দেজে গেছে।'

আবার হাই তুলল টমি।

'মিষ্টার অলিভারের কাছে শুনলাম, আপনি ভারমন্টের একটা নাইটশপে কাজ করেন?' বলল কিশোর।

সামন্য সতর্ক মনে হল টমিকে। মৃদু হাসল। 'মাঝৰাত থেকে সকালতক। খুব ধৰাপ সময়। তবে ভাল পয়সা দেয় ওৱা। ওই সময়টাৰ জন্য আলাদা ভাতা দেয়। কাজেই ছাড়ি না। তাহাড়া সারাদিন আৱ রাতেৰ অৰ্ধেকটা সময়ই থাকে আমাৰ। পড়াশোনা কৰতে পাৰি।'

'কুলে পড়েন?' জানতে চাইল কিশোৱ।

মুখ বাঁকাল টমি, হাত নাড়ল বিশেষ ভঙ্গিতে, যেন কুলে ঘাওয়াটা বেহুদা সহজ নষ্ট। 'বহু আগেই ওই পাট চুকিয়েছি। রাপ চেয়েছে, আমি কলেজে যাই। তাৰপৰ ডেন্টিস্ট হই। কোন মানে খুজে পেলাম না এৱ। কে যায়, সারাদিন দাঁড়িয়ে থেকে লোকেৰ মাড়ি খোঁচাখুঁচি কৰতে? আসলে, সবই এক ধৰনেৰ মোহ, মায়া।'

'মোহ!' বিড়বিড় কৱল মুসা।

'হ্যাঁ। সবই মোহ। পুৱে দুনিয়াটাই একটা মায়া। সবাই আসলে ঘুমে অচেতন আমৱা, ঘুমেৰ ঘোৱে দুঃস্বপ্ন দেখছি। ঘাপারটা বুৱে গেছি আমি। তাই জেগে ওঠাৰ চেষ্টা চালাছি।'

মুখ চাওয়া-চাওয়ি কৱল রবিন আৱ মুসা। মনেৰ ভাব, মাতাল নয় তো ব্যাট?

'কি নিয়ে পড়াশোনা কৰছেন?' জিজেস কৱল কিশোৱ।

'ধ্যানতন্ত্ৰ,' বলল টমি। 'পূৰ্ণ-সচেতনতায় পৌছুতে হলে এৱ ব্যাপক চৰ্চা দৰকাৰ।' আসনমুক্ত হয়ে দাঁড়াল সে। ছেলে তিনটোকে চোখ বড় বড় কৱে চেয়ে থাকতে দেখে মজা পাচ্ছে।

'টাকা জমাছি,' আসৱেৰ মধ্যমণি হয়ে উঠেছে, বুৰতে পাৱছে টমি। 'ভাৱতে যাব গুৰু খুঁজতে। ধ্যানতন্ত্ৰে সবচেয়ে বড় শিক্ষক একমাত্ৰ ভাৱতেই আছে। তাই কষ্ট হলেও যাতে কাজ কৱি, বেশি টাকাৰ জন্মে। শিগগিৰই বেশ কিছু টাকা জমে যাবে আমাৰ, ভাৱতে গিয়ে তিনি-বছৰ থাকাৰ মত হয়ে যাবে। ধৰ্ম আমি বিশ্বাস কৱি না, বিজ্ঞান মানি না। কোন জিনিসে আমাৰ লোভ নেই।'

সন্দিঙ্গ চোখে তাকিয়ে আছে রবিন। 'তা থাকেও না... চাওয়াৰ যা যা আছে, সব জিনিস যদি থাকে কাৱও...'

'না, না!' ধৰায় চেঁচিয়ে উঠল টমি। 'বুৰাতে পাৱছ না...'

'বোৰাৰ দৰকাৰ আছে বলেও মনে হয় না!' ফস কৱে বলে কেলল মুসা।

'খুব সহজ ব্যাপার,' মুসাৰ টিপ্পনীতে কান দিল না টমি। 'চাহিদা, লোভ থেকেই সব গোলমালেৰ সৃষ্টি। ওই যে বুড়ো অলিভাৰ, সারাক্ষণ খালি নিজেৰ সংগ্ৰহ নিয়েই ব্যস্ত। আৱও চাই, আৱও চাই এই-ই কৱেছে খালি। পৰেৱ জন্মে...আমাৰ মনে হয়, পৰেৱ জন্মে ভাঁড়াৱেৰ ইন্দুৱ হয়ে জন্মাবে!'

'কি যা-তা বলছেন ভদ্ৰলোক সম্পর্কে?' রেগে গেল মুসা। 'ওৱ মত মানুষ হয়

নাকি?

মুসার বোকাখিতে হতাশ হল যেন খুব, এদিক ওদিক মাথা নাড়ল টমি। কারও কাছ থেকে মুরি করে কিংবা ছিলিয়ে এনেছে বা আনছে, তা বলিনি। বলছি, এত আছে, আরও চাইছে কেন? কেন বুঝতে পারছে না, ময়ীচিকার পেছনেই ছুটছে শুধু? জান, ওর কাছে মহামূল্যবান একটা মান্দালা আছে, অথচ জানেই না ওটা কি করে বাবহার করতে হয়। দেয়ালে বুলিয়ে রেখে দিয়েছে, যেন আরেকটা অতি সাধারণ চিত্র।

‘মান্দালাটা আবার কি জিনিস?’ শুরু কুচকে গেছে মুসার।

প্রায় ছুটে নিজের ঘরে চলে গেল টমি। সঙ্গে সঙ্গেই বেরিয়ে এল আবার। হাতে ছোট একটা বই। ছেলেদের কাছে এসে বলল, ‘ওরকম একটা মান্দালা আমার খুবই দরকার। এক ধরনের নকশা, মহাবিষ্ণুর। ওটার ওপর চোখ রেখে ধ্যান করলে মেরি দুনিয়ার সমস্ত কিছুর উর্ফে উঠে যাবে তুমি, সৌরজগৎ কিংবা আরও বড় কোন জগতের একজন হয়ে পড়বে।’ বই খুলে রঙিন একটা ছোট নকশা দেখাল সে। বেশ কয়েকটা ত্রিলুভ্র একটার ওপর আরেকটা ফেলে তারকা তৈরি করা হয়েছে। ওটাকে দিবে রেখেছে ছোটবড় অনেকগুলো বৃক্ষ। সবচেয়ে বড় বৃক্ষটাকে ছুঁয়ে আঁকা হয়েছে একটা চতুর্ভুজ। ‘এটা একটা মান্দালা।’

কই, মিষ্টার অলিভারের ঘরে তো এ ধরনের জিনিস দেখিলি! বলল মুসা।

আছে। আমারটার চেয়ে অনেক বেশি জটিল। তিব্বত থেকে এসেছে। অনেক পুরানো দেবদেবীর ছবি আছে ওটাতে।’ বই বন্ধ করল টমি। ‘ওরকম একটা জিনিস জোগাড় করবই আমি।’ কোন শুরুকে দিয়ে আঁকিয়ে নেব। এখন টেলিভিশন দিয়েই কাজ চালাই।

‘টেলিভিশন!’ রবিন অবাক।

‘হ্যাঁ, টেলিভিশন,’ আবার বলল টমি। ‘বর্তমানের সঙ্গে বন্ধনমুক্ত হতে সাহায্য করে আমাকে। দোকানের কাজ শেষ করে বাড়ি ফিরি। তারপর খুলে দিই টেলিভিশন, সাউও বন্ধ করে রাখি। শুধু ছবি। প্রথমে পর্দার ঠিক মাঝখানে দৃষ্টি স্থিত করি, ধীরে ধীরে সরিয়ে মিহি কোন এক কেনার দিকে। পর্দায় কি ঘটছে না ঘটছে, কিছু চোখে পড়ে না আর। বরের প্রতিকৃতিগুলোর দিকে চেয়ে থাকি শুধু। একসময় হারিয়ে যাই অস্তুত এক জগতে, সেটাই আসল জগৎ।’

‘যুমিয়ে পড়েন নিষ্ঠায়! মন্তব্য করল রবিন।

অপ্রতিভ মনে হল টমিকে। ‘ধ্যানমগ্নতার...হ্যাঁ, ধ্যানমগ্নতার এটাই অসুবিধে।’ শীকার করল সে। ‘আবে মাঝে এত বেশি শাস্ত হয়ে যায় মন, যুমিয়ে পড়ি, স্বপ্ন দেখি তখন...’ বাধা পেয়ে থেমে গেল টমি।

দুরজ্ঞায় শব্দ। বেরিয়ে এসেছেন মিষ্টার অলিভার। চেয়ে আছেন তিনি গোঁফেন্দার দিকে।

‘দুঃখিত,’ বলে উঠল কিশোর। ‘আপনার সব কথা শোনা হল না। অম্বরেরকে যেতে হচ্ছে।’

‘না না, দুঃখিত হবার কিছু নেই,’ তাড়াতাড়ি বলল টমি। ‘যখন খুশি যে সব খুশি, আমার ঘরে এস। যদি তখন ধ্যানে না বসি, কথা বলব। এ-স্পর্কে, মন্দালা স্পর্কে যা জানতে চাও, জানাব। …আর হ্যাঁ, আমার ভারতে যাবার ব্যাপারেও বলব…’

ধন্যবাদ জানিয়ে ব্যালকনির সিডির দিকে রওনা হল তিনি গোয়েন্দা।

ঘরে চুকেই বড় নিচু একটা চেয়ারে ধপ করে বসে পড়লেন অলিভার।

‘আরেকটা চাবি আছে মিসেস ডেনভারের কাছে, না?’ জিজ্ঞেস করল কিশোর।

‘হ্যাঁ, আছে,’ মাথা ঝুঁকালেন অলিভার। ‘ঠিকই অনুমান করেছিলে তুমি, আরেকটা চাবি আছে কারও কাছে। নাকা বুড়ি! উকিলকে ডেকে ওর চাকরির চুক্তিপত্রে আরও কিছু শর্ত ঢেকাব আমি। এরপর থাকলে থাকবে, না থাকলে চলে যাবে।’

‘চাবিটা জোগাড় করল কোথা থেকে?’ জানতে চাইল রবিন।

‘খুব সহজে। মাস দুই আগে ইউরোপে গিয়েছিলাম। পরিচিত এক চাবিঅলাকে ডেকে আনল বুড়ি। বলল, এ-ঘরের তালার চাবি হারিয়ে ফেলেছে, আরেকটা চাবি বানিয়ে নিতে হবে। ম্যানেজার বলছে, কাজেই কোনোরকম সন্দেহ করল না চাবিঅলা। বানিয়ে দিল আরেকটা চাবি।’

‘আজব মহিলা!’ বিড়বিড় করল কিশোর।

‘আজব?’ মুখ বাঁকালেন অলিভার। ‘আমার তো মনে হয় মাথায় গোলমাল আছে! যাক, রহস্যটার সমাধান হয়ে গেল। ঘরে চুকে জিনিসপত্র তচনছ করত কে, বোৰা গেল। আর চুকতে পারবে না। চাবিটা নিয়ে নিয়েছি ওর কাছ থেকে। তীব্র একটা বানিয়ে নেবার সাহস হবে না, খুব ধরকে দিয়েছি। …তোমরা আমার মন্ত্র উপকার করলে,’ হেসে যোগ করলেন, ‘জেনে ভাল লাগছে, ভূত-ফুত কিছু না, রক্তমাসের জ্যাত মানুষই ঘরে চুকত। ছায়া দেখাটা আসলে কল্পনা, এখন বুঝতে পারছি। ওই তামারা ব্রাইসের ভূতের গল্পই শেকড় গেড়েছিল মনে! আর কিছু না।’ কি বোকায়িই করেছেন এতদিন ভেবে, আপনমনেই মাথা নাড়লেন তিনি।

অলিভারের কথা কিশোরের কানে চুকেছে বলে মনে হল না। আপনমনে লিচের ঠোটে চিমটি কেটে চলেছে সে। হঠাৎ যেন বাস্তবে ফিরে এল। হাসল বুদ্বোর দিকে চেয়ে। ‘যাক, রহস্যের সমাধান হয়ে গেল। আপনার উপকার করতে পেরেছি, খুব ভাল লাগছে।’ উঠে দাঁড়াল। ‘আচ্ছা, মিস্টার অলিভার, আপনার কাছে কি একটা মান্দালা আছে?’

‘তুমি জানলে কি করে?’ ভুরু কুঁচকে গেছে অলিভারের। ‘কেন, দেখতে হয়ে আপনি আপনি

চাও?’

মাথা বোঁকাল কিশোর।

গোয়েন্দাপ্রধানকে নিয়ে এসে কাজের ঘরে চুকলেন অলিভার। ফ্রেমে বাঁধাই করা একটা বিচ্ছি নকশা ঝুলছে ডেক্সের ওপরে, দেয়ালে। উজ্জ্বল রঙে আঁকা। টমির কাছে যেটা রয়েছে, অনেকটা ওটার মতই। তবে অনেক বড়। আর, বৃত্তগুলো ঘেঁষে খুদেখুদে অক্ষরে প্রাচীন দুর্বোধ্য কোন ভাষায় লেখা রয়েছে কি যেন। চার কোণে অনেকগুলো দেব-দেবীর ছবি।

‘এক তরুণ আর্টিস্টের কাছ থেকে কিনেছি,’ বললেন অলিভার। দেশে-বিদেশে ঘুরে বেড়াত সে। তিব্বত থেকে এনেছে মান্দালাটা। ওর জন্যেই নাকি বানিয়ে দিয়েছিল এক গুরু। এটা অনেক দিন আগের কথা। আর্টিস্ট এখন নেই, মারা গেছে।

‘মিস্টার অলিভার,’ গভীর হয়ে আছে কিশোর। ‘এ ঘরে টমি গিলবাট চুকেছিল?’

‘না-তো,’ ভুরু কোঁচকালেন অলিভার। ‘ওই নাকা বুড়িটা ছাড়া এ-বাড়ির আর কেউ ঢোকেনি এ ঘরে। একা থাকতে পছন্দ করি আমি, জানই। আড়ডা ভাল লাগে ‘না। আর টমিটাকে চুকতে দেবার তো প্রশ্নই ওঠে না। সারাদিনই কেমন যেন মাতাল মাতাল একটা ভাব, অপরিক্ষার, গঙ্গাবেরোয় চুল থেকে।’

‘তা ঠিক,’ একমত হল কিশোর। ‘ওই মান্দালাটা বাইরে বের করেছিলেন কখনও? ফ্রেম-ট্রেম ঠিক করানৰ জন্যে?’

এদিক ওদিক মাথা নাড়লেন অলিভার। ‘গত দশ বছর ধরে ওখানে ওভাবেই ঝুলে আছে ওটা। বছর বছর দেয়ালে রঙ দেবার সময় শুধু নামাই, তা-ও নিজের হাতে। আলমারিতে তালাবন্ধ করে রাখি সে-সময়টা। রঙের কাজ শেষ হলে আবার ঝুলিয়ে দিই, কেন?’

‘টমি জানল কি করে আপনার কাছে একটা মান্দালা আছে?’

‘জানে?’

‘জানে। এ-ও জানে, ওটা তিব্বতের জিনিস। ওর কাছে একটা মান্দালা আছে।’

কাঁধ বাঁকালেন অলিভার। ‘কি জানি! ওই হতচ্ছাড়া খবরের কাগজঅলাদের কাজ হবে হয়ত! আমার সংগ্রহে কি কি আছে, ছেপে বসেছিল হয়ত কখনও। কয়েকজন ঘনিষ্ঠ বন্ধুবান্ধব জানে, কি আছে আমার সংগ্রহে। ওরাই হয়ত কেউ জানিয়েছিল খবরের কাগজঅলাদের।’

অনিশ্চিত ভঙ্গিতে মাথা বোঁকাল কিশোর। দরজার দিকে এগোল।

‘কিশোর,’ হালকা গলায় বললেন অলিভার। ‘আরেকটা রহস্য খুঁজছ? লাভ নেই। আর কোন রহস্য নেই এখানে।’

'হয়ত,' একমত হতে পারছে না গোয়েন্দাপ্রধান। 'না থাকলেই ভাল। কিন্তু আবার কোন কিছু ঘটতে আরম্ভ করলেই ডেকে পাঠাবেন আমাদের, দ্বিধা করবেন না।'

'নিশ্চয়, নিশ্চয়।'

তিনি গোয়েন্দার সঙ্গে একে একে হাত মেলালেন অলিভার। দরজার বাইরে এগিয়ে দিয়ে এলেন ওদের।

রাস্তায় এসে নামল তিনি ছেলে।

'গেল শেষ হয়ে!' বাস-চেলনের দিকে হাঁটতে হাঁটতে বলল মুসা। 'এত সহজ কেস আর হাতে আসেনি। ছুটির বাকি দিনগুলো কি করবে কাটাব?'

'প্রথম কাজ, পাশা স্যালভিজ ইয়ার্ড থেকে দূরে থাকব,' বলে উঠল রবিন। 'মেরিচাটার আইসক্রীম কেকের লোভ এবারের মত ত্যাগ করতে হবে। আরিবাপরে, যা জঞ্জাল এনে জমিয়েছেন রাশেন্দ চাচা। সাফ করতে...' ইঙ্গিতে বাকিটুকু বুঝিয়ে দিল গবেষক। 'কিশোর, তুমি কি বল?'

'অ্যা...হ্যা�!' জবাব দিল কিশোর। সঙ্গীদের কথায় মন নেই। গভীর চিন্তা চলেছে তার মাথায়।

সারাটা পথ চুপচাপ থাকল কিশোর। জানালা দিয়ে বাইরে তাকিয়ে ভাবনায় ভুবে রইল।

রকি বীচে পৌছুল বাস। নামল তিনি গোয়েন্দা। পাশা স্যালভিজ ইয়ার্ডে হেঁটেই চলে এল। কিশোরের কাছ থেকে বিদায় নিল অন্য দু'জন।

'টেলিফোনের কাছাকাছি থেক,' ডেকে বলল গোয়েন্দাপ্রধান। 'শিগগিরই আবার কাজে নামতে হবে। মিষ্টার অলিভারের কাছ থেকে ডাক এল বলে।'

বিস্মিত দুই সঙ্গীর দিকে চেয়ে হাসল কিশোর। হাত নেড়ে বিদায় জানিয়ে রওনা হয়ে গেল ইয়ার্ডের দিকে।

সাত

একগাদা লোহা-লক্ষড়ের মাঝে দাঁড়িয়ে আছেন মেরিচাটী। কিশোরকে দেখেই মুখ তুলে তাকালেন। 'এসেছিস! তুই কি, বলত কিশোর! মানুষকে ভাবনায় ফেলে দিয়ে মজা পাস! বলা নেই কওয়া নেই, ছট করে সেই সকাল বেলা বেরিয়ে চলে গেছিস! বালিশের ওপর একটা চিঠি ফেলে রেখে গেলেই হল? কেন, বলে যেতে কি অসুবিধে ছিল...'

'ঘুমিয়েছিলে,' বলল কিশোর, 'জাগাতে চাইনি...'

'দরদ! এই সারাটাদিন দৃশ্যস্তায় ভোগানর চেয়ে ঘূম ভাঙানো অনেক ভাল ছিল। তোর চাচা-ভাতিজা মিলে আমাকে জুলিয়ে খেলি। তুই থাকবি বাইরে ছায়াশাপদ।'

বাইরে, টো টো করে ঘুরি, ঘরের খেয়ে বনের মোষ তাড়াবি। কার বেড়াল
হারাল, কার কুকুর বাড়ি থেকে বেরিয়ে গেল, তাতে তোর কি?...আর তোর চাচা,
রাজ্যের যত জঙ্গাল এনে ফেলবে আমার ঘাড়ে! এগুলো না হয় বিক্রি, না কিছু,
খালি জায়গা আর সময় নষ্ট। টাকাও!

হাসল কিশোর, 'ভেব না, চাচী। সারাটা বিকেল পড়ে রয়েছে। আজই সাফ
করে ফেলব সব। এখন খেতে দাও তো, খুব খিদে পেয়েছে।'

ভূরু কোঁচকালেন মেরিচাচী। 'সে তো চেহারা দেখেই বুঝতে পারছি! আয়,
জলনি আয়! হাত মুখ ধুয়ে নে-গে। আমি খাবার বাড়ছি।' তাড়াহড়ো করে
জঙ্গালের ভেতর থেকে বেরিয়ে এলেন তিনি। বাড়ির দিকে চললেন।

জঙ্গালের দিকে চেয়ে আছে কিশোর। হাসিতে ভরে গেছে মুখ। প্রচুর জিনিস
বেরোবে ওগুলোর ভেতর থেকে, হেডকোয়ার্টারে নিয়ে গিয়ে ঢেকাতে পারবে।
কাজে লাগবে তিন গোয়েন্দার।

পুরো বিকেল জঙ্গাল ঘাঁটল কিশোর। সক্ষে ছটায় চলল ঘরে, রাতের খাবার
থেকে। এর ঠিক এক ঘণ্টা পরে বাজল ফোন।

ফোন ধরলেন মেরিচাচী। কিশোরের দিকে চেয়ে বললেন, 'তোর ফোন।'

চকচক করে উঠল কিশোরের চোখ। লাফ দিয়ে উঠে দাঁড়াল। প্রায় ছুটে এসে
ধরল ফোন। কানে ঠেকাল বিস্তার। 'কিশোর পাশা।'

'কিশোর,' কাঁপা কাঁপা কষ্ট। 'আমি ফ্র্যাঙ্ক অলিভার। কিশোর, বললৈ বিশ্বাস
করবে না...আমার, আমার ঘৰে আবার ভূতের উপদ্রব শুরু হয়েছে...'

'বলুন,' শান্ত গোয়েন্দাপ্রধান।

মিসেস ডেন্টারকে ধরার পর ভেবেছিলাম, ছায়ার ব্যাপারটা আমার কল্পনা,
বললেন অলিভার। 'কিন্তু তাঁ নয়! আবার দেখেছি আমি ছায়াটা! মাথা-টাঁথা খারাপ
হয়ে গেল কিনা, বুঝতে পারছি না!'

'আপনার বাড়িতে আসতে বলছেন আমাদেরকে?'

'পুরী! যদি আজই পার, খুব ভাল হয়। রাতটা আমার এখানেই কাটাবে।
একা থাকতে খুব খারাপ লাগছে। যে-কোন সময় আবার এসে পড়বে
ছায়াটা...সহিতে পারব না আর! নার্টের ওপর খুব চাপ পড়ছে!'

'ঠিক আছে, আমরা আসছি, যত তাড়াতাড়ি পারি।' বিস্তার নামিয়ে রাখল
কিশোর।

'আরার ভাগার তালে আছিস?' গম্ভীর হয়ে গেছেন মেরিচাচী।

সব কথা খুলে বলল কিশোর। বুঝিয়ে বলল চাচীকে।

'তাই!' সব শুনে বললেন চাচী। 'আহা, মানুষটার জন্যে খারাপই লাগছে!
বিয়ে করল না, সঙ্গীসাথী নেই, একা মানুষ, কাটায় কি করে! ঠিক আছে, যা।
বাসে, খাবার দেরিকার নেই। তোর চাচাকে বলছি, গাড়িতে করে দিয়ে আসবে।'

চাটীকে জড়িয়ে ধরল কিশোর। টুক করে তার গালে ছুম খেয়ে বলল, 'এ-
জন্মেই তোমাকে এত ভালবাসি, চাটী!'

মুসা আর ঝবিনকে টেলিফোন করল কিশোর।

কয়েক মিনিট পরেই ইয়াত্রের গেট দিয়ে বেরিয়ে গেল ছোট পিক-আপ
ট্রাকটা। পেছনে গাদাগাদি করে বসেছে তিন গোয়েন্দা।

'কিশোর, আবার তোমার কথাই ঠিক হল,' ঠেলেঠলে দুই বন্ধুর মাঝখানে
আরেকটু জায়গা করে নেবার চেষ্টা চালাল মুসা। 'কি করে জানলে, আবার থবর
দেবেন, মিষ্টার অলিভার?'

'কারণ, আমি শিওর, ছায়া দেখাটা ওর কল্পনা নয়। আমি নিজেও দেখেছি
ওটা?'

'তুমি দেখেছ!' প্রায় চেঁচিয়ে উঠল রবিন। 'কখন?'

'গতকাল। মিষ্টার অলিভারের কাজের ঘরে। একটা বুকশেলফের পাশে।
প্রথমে মনে করেছি, মুসা এসে দাঁড়িয়েছে। কিন্তু পরে জানলাম, ও তখন বসার
ঘরে ছিল।'

'হ্যাঁ হ্যাঁ, মনে পড়েছে,' বলে উঠল মুসা। 'কিন্তু পরে যে বললে, বুকশেলফের
ছায়া?'

'তখন তাই মনে করেছিলাম। এটাই যুক্তিসংগত ছিল। কিন্তু টমি গিলবার্টকে
দেখার পর...'

'চমকে উঠেছিলে!' কিশোরের মুখের কথা কেড়ে নিয়ে বলল রবিন। 'গতকাল
পুলিশ আসার পর ঘর থেকে বেরিয়েছিল টমি। তাকে দেখেই কেমন চমকে
উঠেছিলে তুমি।'

'হ্যাঁ। একটা ব্যাপার খেয়াল করেছ, মুসার সমানই লম্বা সে?' বলল কিশোর।

'দাঁড়াও, দাঁড়াও! তাড়াতাড়ি বলল মুসা। 'ওর মত দেখতে নই আমি। ও
আমার চেয়ে বড়, বিশের কম হবে না বয়েস। তাছাড়া হাঙ্গিসার...'

'আমি বলেছি টমি তোমার সমান লম্বা,' বাধা দিয়ে বলল কিশোর। 'তোমার
কালো চুল, ওরও। ও গতরাতে কালো সোয়েটার পঁজুছিল, তোমার ধায়ে ছিল
কালো জ্যাকেট। মিষ্টার অলিভারের কাজের ঘরে তখন খান আলো জুলছিল।
ঘরের বেশির ভাগই ছিল অঙ্ককার। টমিকে তুমি বলে ভুল করাটা মোটেই
অস্বাভাবিক নয়।'

চুপ করে রইল মুসা আর রবিন। ব্যাপারটা পর্যালোচনা করে দেখছে মনে
মনে।

'কিন্তু ও চুকল কি করে?' অবশ্যে বলল রবিন। 'দরজায় তালা দেয়া ছিল।'

'জানি না,' মাথা নাড়ল কিশোর। 'টমিকেই দেখেছি, সেটাও শিওর হয়ে
বলতে পারছি না। তবে, কেউ একজন চুকেছিল। কি করে চুকেছিল, এটা জানতে
ছায়াশ্বাপন।'

পারলৈই অনেক খিচু সহজ হয়ে যাবে।'

ঘট্টাখানেকের ভেতরই প্যাসিও প্লুসে পৌছে গেল পিক-আপ। চতুরের সামনে তিনি গোয়েন্দাকে নামিয়ে দিয়ে চলে গেলেন রাশেদ চাচা।

বেল টিপল কিশোর।

'এসে পড়েছে! দরজা খুলে দাঁড়িয়েছেন মিষ্টার অলিভার। 'গুড। সত্যি বলছি, ভয়ই পেতে শুরু করেছি আমি!'

'বুঝতে পারছি,' মাথা ঝোকাল কিশোর। 'ঘরটা ঘুরেফিরে দেখি?' ভেতরে চুক্তে চুক্তে বলল সে।

মাথা কাত করলেন মিষ্টার অলিভার।

প্রথমেই সোজা কাজের ঘরের দিকে ছুটে গেল কিশোর। কোণের দিকে ডেক্সের, ওপর জুলছে শুধু টেবিল ল্যাম্পটা। ঘরে আলো-আধারির খেলা। পরিষ্কারভাবে দেখা যাচ্ছে শুধু একটা বুকশেলফের এক পাশের কয়েকটা বই, চীনাঘাটির তৈরি কয়েকটা মূর্তি, আর দেয়ালে খোলানো মান্দালা। ভুরু কুঁচকে নকশাটার দিকে চেয়ে রাইল গোয়েন্দাপ্রধান। নিচের ঠোটে চিমটি কাটা শুরু হয়ে গেছে।

হঠাৎ, গত বিকেলের মতই উপলব্ধি করল, ঘরে একা নয় সে। আরও কেউ একজন রয়েছে। নীরবে লক্ষ্য করছে তাকে। পাই করে ঘুরে দাঁড়াল কিশোর।

গত দিন যেটার কাছে দেখেছিল, সেখানেই আজও দাঁড়িয়ে থাকতে দেখল ছায়াটাকে। সে ফিরে তাকাতেই কোণের দিকে সরে যেতে লাগল দ্রুত। বাতাসে জানালার পর্দা কাঁপার মত কাঁপছে থিরথির করে।

লাফ দিয়েই ছুটল কিশোর। ঘরের কোণে এসে খামচে ধরার চেষ্টা করল ছায়াটাকে। হাতে টেকল দেয়াল, শুধুই দেয়াল। ছুটে এসে সুইচ টিপে মাথার ওপরের তীত আলো জ্বলে দিল। পাগলের মত তাকাল চারদিকে। নেই। কোথাও নেই ছায়াটা।

ছুটে কাজের ঘর থেকে বেরোল কিশোর। সবাইকে অবাক করে দিয়ে ছুটে বেরিয়ে এল ব্যালকনিতে। নিচে তাকাল।

উজ্জ্বল ফ্লাডলাইট জুলছে। নীল-সাদা আলোয় জুলজুল করছে সুইমিং পুলের সোনালি আর নীল মোজাইক করা তল। পরিষ্কার দেখা যাচ্ছে টমি গিলবাটের ফ্ল্যাটটা। জানালার পর্দা সরানো। রঙিন আলোর আবছা বিলিক চোখে পড়ছে, তার মানে টেলিভিশন খোলা। দেখা যাচ্ছে টমিকে। ছুপচাপ মেঝেতে বসে আছে সে, পদ্মাসনে, বুকের ওপর ঝুলে পড়েছে মাথা।

'কি হল?' কানের কাছে ফিসফিস করল রবিনের কষ্ট।

'আবার দেখেছি ওটা!' বিড়বিড় করল কিশোর। কেঁপে উঠল একবার। কিছু না, ডিসেম্বরের ঠাণ্ডার জন্যেই এই কাঁপুনি-নিজেকে প্রবোধ দিল সে। কাজের

ঘরে... মান্দালাটার দিকে চেয়েছিলাম। হঠাৎ টের পেলাম, আরও কেউ রয়েছে ঘরে। সুরে তাকালাম। দেখলাম ছায়াটাকে। এখন মনে হচ্ছে, টমি নয়। ওই যে টমি, তার ঘরে, বসে বসে খিমোছে। কিন্তু চুকল কি করে ছায়া! বেরিয়েই বা গেল কি করে! আশ্চর্য!

কাঁধের ওপর দিয়ে ফিরে তাকাল কিশোর। দরজায় দাঁড়িয়ে আছেন অলিভার।

‘ওকে তুমি দেখছ, না?’ কম্পিত কষ্ট বৃন্দের। ‘তারমানে, পাগল হয়ে যাইনি আমি!'

নীরবে ঘরে চুকে গেল ছেলেরা। দরজা বন্ধ করে দিল।

‘না, মিষ্টার অলিভার,’ বলল কিশোর, ‘পাগল হয়ে যাননি! গতকালও দেখেছি ওটা আমি। কি মনে হয় আপনার? টমি গিলবাটের সঙ্গে কোন মিল রয়েছে?’

‘জানি না!... এত দ্রুত আসে-যায় ছায়াটা! খামোকা কাউকে দোষ দিয়ে লাভ মেই, তবে... তবে, টমির সঙ্গে মিল আছে!'

‘কিন্তু তাই বা কি করে হয়?’ আপনমনেই বলল কিশোর। ‘দুই দুই বার ওটা দেখেছি, দুবারই টমি ছিল তার ঘরে। একই সঙ্গে দুটো জায়গায় কি করে যাবে সে?’ জোরে জোরে মাথা নাড়ল গোরেন্দ্রপ্রধান। ‘না, হতে পারে না!... মিষ্টার অলিভার, টমি সম্পর্কে কতখানি জানেন আপনি?’

‘খুবই সামান্য,’ বললেন অলিভার। ‘মাস ছয়েক হল, আমার বাড়িতে ভাড়া এসেছে সে।’

‘টমি আসার আগে কি ওই ছায়ার উপস্থিতি টের পেয়েছেন কখনও?’

ভাবলেন অলিভার। মাথা নাড়লেন। ‘না। ব্যাপারটা নতুন।’

‘আপনার মান্দালার ওপর লোভ আছে ওর,’ বলল কিশোর। ‘ভাল করে ভেবে দেখুন তো, ওটার কথা কখনও বলেছেন কিনা ওর কাছে?’

‘কক্ষনও না,’ সঙ্গে সঙ্গেই জবাব দিলেন অলিভার। ‘ওর সঙ্গে পারতপক্ষে কথা বলি না’ আমি। এড়িয়ে চলি। তবে মাঝেমধ্যে লারিসার সঙ্গে কথা বলি। মেয়েটা ভাবি মিশক। তবে সে-ও খুব একটা মিশতে চায় না টমির সঙ্গে। মোটা হয়ে যাওয়ার ব্যাপারে আতঙ্ক রয়েছে মেয়েটার। রোজ রাতে নিয়মিত সাঁতার কাটে পুলে। অনেক সময় পুলের কাছে বসে থাকে টমি। মেয়েটা উঠে এলে তার সঙ্গে আলাপ জমান চেষ্টা করে। কিন্তু পাতা দেয় না লারিসা। আমাকে বলেছে, ছেলেটাকে দেখলেই কেমন একটা অনুভূতি হয়—বিছে, মাকড়সা কিংবা কেঁচো দেখলে যেমন হয় কারও কারও!'

‘এ-বাড়ির কোথাও কোন গোপন পথ নেই তো?’ বলল রবিন। ‘আপনার ঘরে তোকার?’

‘মনে হয় না,’ অলিভারের হয়ে জবাব দিল কিশোর। ‘এসব আধুনিক বাড়িতে ছয়াক্ষণ্ডন

গোপন পথ বানায় ন্ম লোকে। সেসব ছিল আগের দিনে, দুর্গ-টুর্গগুলোতে।

‘সন্দেহ থাকলে খুজে দেখতে পার,’ বললেন অলিভার। ‘আমার বাবা আরেকজনের কাছ থেকে কিনেছিলেন এ-বাড়ি। পূর্বনো আমলের লোক ছিল আগের মালিক। বলা যায় না, যদি তেমন কোন পথ বানিয়ে রেখে গিয়ে থাকে।’

তন্মতন্ম করে খুঁজল ওরা। বিশেষ করে কাজের ঘরে। কিন্তু গোপন পথ তো দূরের কথা, ইন্দুর বেরোনর মত বাড়ি একটা ফোকরও নেই দরজা-জানালা-ভেন্টিলেট আর পানি নিষ্কাশনের সরু ছিন্দ ছাড়া। দেয়াল বা মেঝের কেথাও কোন ফাঁপা জায়গা নেই। দরজা ছাড়া আর কোন পথে মানুষের ঢোকার উপায় নেই।

‘সত্যিই আশ্রয়! অবশেষে বলল রবিন।

মাথা বৌকালেন অলিভার। ‘বহু বছর ধরে আছি এ-বাড়িতে। আরও কয়েকটা বাড়ি আছে আমার, কিন্তু এটাই সবচেয়ে বেশি পছন্দ। তাই এখন থেকে নড়ি না। তবে এবার বোধহয় তাঁর গোটাতেই হল। এই ভৃতুড়ে কাঙ্কারখানা এভ্যনে ঘটতে থাকলে পাগলই হয়ে যাব।’

এরপর ঘাপটি মেরে কাজের ঘরে বসে রইল তিন গোয়েন্দা। কিন্তু আর এল না ছায়টা। রাত বাড়ছে। শেষে ওঁর থেকে বেরিয়ে এল ওরা। শোবার ঘরে শয়ে শয়ে বই পড়ছেন অলিভার। কেন্দ্রকম শব্দ হলেই চমকে উঠছেন। তাঁকে জানাল কিশোর, সারাবাত পাহারা দেবে ওরা প্যাংক করে। তিনি যেন নিশ্চিন্তে ঘুমিয়ে পড়েন।

বস্তাৱ ঘৰৈ সোফাৰ শুপৰ রাত কাটাবে রবিন। মুসা থাকবে কাজের ঘরে একটা কাউচে। কিশোর অন্য কোন একটা ঘরে শতে পারবে।

রাতের প্ৰথম প্ৰহৱে পাহারায় রইল কিশোর। সদৰ দৱজার গায়ে পিঠ টেকিয়ে চুপচাপ বসে রইল সে। কান থাড়া বাখল।

এগারোটা বাজল। নিখৰ নীৱৰ চাৱদিকটা। শোনাৰ মত তেমন কিছুই নেই। রাত্তায় গাড়িঘোড়াৰ শব্দও থেমে গেছে অনেক আগেই। এই সময় কানে এল পানিতে ঝুপুঁৰাপ শব্দ। নিচয় লারিসা লায়টনিনা স্টৰ্টার কাটতে নেমেছে। স্বাস্থ্যের প্ৰতি কি দৃষ্টি! কনকনে ঠাণ্ডায় এই মাঝৰাতেও নিয়দেৱ ব্যতিক্ৰম কৰেনি।

‘কিশোৱ?’ কাজের ঘৰ থেকে বেরিয়ে এসেছে মুসা। ‘জলনি এস! একটা ‘জিনিস দেখবো!’

উঠে পড়ল কিশোৱ। রবিন ঘুমিয়ে পড়েছে। মুসাকে অনুসৰণ কৰে কাজের ঘৰে চলে এল সে। জানালার কাছে এসে দাঁড়াল। গিৰ্জাৰ ভেতৰে আলো!

‘বোধহয় ফাদাৰ স্থিথ,’ বলল কিশোৱ। ঠিকঠাক আছে কিনা সব, দেখতে এসেছেন!

কিন্তু এত রাতে!

‘ঠিকই বলেছ,’ ধীরে ধীরে মাথা নাড়ল কিশোর। সন্দেহজনকই। দাঁড়াও, দেখে আসছি।’

‘আমি আসি তোমার সঙ্গে’ বলল মুসা।

‘না,’ জোর দিয়ে বলল কিশোর। তুমি এখানেই থাক। পাহারা দাও। আমি যাব আর আসব।’

বসার ঘরে চেয়ার থেকে জাকেটটা তুলে নিয়ে গায়ে চড়াল কিশোর। দরজা খুলে বেরিয়ে এল ব্যালকনিতে। চতুরের আলো নিবে গেছে। নির্জন, শূন্য। সুইমিং পুলেও কেউ নেই। কেপে উঠল একবার কিশোর। বোধহ্য ঠাণ্ডার জন্মেই। দ্রুত সিঁড়ি বেয়ে নেমে এল নিচে।

রাস্তায় এসে নামল কিশোর। গির্জার জামালায় আলোটা দেখা যাচ্ছে এখনও। ঘষা কাচের শার্সিতে ঘোলা প্রতিফলন। কাঁপছে অল্প অল্প। বৈদ্যুতিক আলো নয়।

গির্জার সদর-দরজা বক্ষ। সিঁড়ি বেয়ে পাট্টার কাছে উঠে এল কিশোর। আশ্টে করে টেলা দিল। ভেজানই রয়েছে পাট্টা। খুলে গেল নিঃশব্দে। ভেতরে ঢুকে গেল সে।

পেছন ফিরে একটা বেদির কাছে দাঁড়িয়ে আছে মৃত্তিটা। কালো আলখেছা। সাদা কলার। হাতে মোষবাতি।

শব্দ শুনে ঘুরুল মৃত্তি। স্থির হয়ে গেল কিশোর। পদ্মীর পোশাক পর্যাপ্ত একজন মানুষ। ন্দু। লম্বা লম্বা চুল সব সাদা। গাল আব কপালের চামড়া কোচকানো।

কথা বলল না লোকটা। হাতের মোষবাতি তুলে নীরবে দেখছে কিশোরকে।

‘মাপ করবেন, ফাদার,’ কাঁপা গলায় বলল কিশোর, ‘বাইরে থেকে আলো দেখলাম। চোরের উৎপাত রয়েছে তো। তাই দেখতে এসেছি।’

অন্তর্ভুক্ত ভঙিতে হাত নাড়ল লোকটা। তারপর হাত দিয়ে বাতাস করে নিবিয়ে দিল মোম। গাঢ় অঙ্ককার গ্রাস করল ঘরটাকে।

‘ফাদার!’ টেঁচিয়ে উঠল কিশোর। ঘাড়ের কাছে শোম খাড়া হয়ে গেছে তার। মেরুদণ্ড বেয়ে শিরশির করে নেমে গেল ঠাণ্ডা ভয়ের স্নোত। পিছিয়ে এল এক পা। বেরিয়ে যাবার চেষ্টা করল।

পাশ দিয়ে দমকা হাওয়ার মত ছুটে গেল কিছু একটা। জোর ধাক্কায় হয়ে পড়ে যেয়ে মেঝেতে পড়ে গেল কিশোর। পরক্ষণেই পেছনে দড়াম করে বক্ষ হয়ে গেল ভারি দরজা।

কালিগোলা অঙ্ককার। হড়মুড় করে আবার উঠে পড়ল কিশোর। হাতড়ে হাতড়ে খুঁজে বের করল দরজার হাতল। টান দিল।

ইঁপিখানেক ফাঁক হল পাট্টা, তার বেশি না। কিন্তু যেন আটকে গেছে! জোরে টেলা দিয়েই আবার হ্যাচকা টান দিল কিশোর। আবারও সেই এক ইঁপিঁ ফাঁক।

বাইরে থেকে তালা আটকে দেয়া হয়েছে দরজায়।

আট

দরজার পাশে দেয়াল হাতড়াছে কিশোর। হাতে ঠেকে গেল সুইচ বোর্ড। একটা পর একটা সুইচ টিপে গেল সে। উজ্জ্বল আলো জুলে উঠল মাথার ওপর। আলোয় ভরে গেল বিরাট ঘর।

দেয়ালের দিক থেকে মুখ ফিরিয়ে দাঁড়াল কিশোর। ধীরে ধীরে ডান থেকে বাঁয়ে সরাল নজর। কেউ নেই। আন্তে করে এগোল। এসে থামল, খানিক আগে যেখানে দাঁড়িয়ে ছিল মূর্তিটা সেখানে। মেঝেতে পড়ে আছে কয়েক ফোটা মোম।

আবার দরজার কাছে ফিরে এল কিশোর। হাতল ধরে টান দিল। খুলন না। 'মনে হয়,' বিড়বিড় করল সে আপনয়নেই, 'ডাকার সময় হয়েছে!' চৌকাঠ আর পাল্লার ফাঁকে মুখ রেখে চেচাতে শুরু করল সে, 'কে আছেন! আসুন! আমি আটকে গেছি! কে আছেন... চপ করল। কান পাতল! কোন আওয়াজ নেই। দরজার গায়ে জোরে জোরে চাপড় দিতে লাগল। 'মুসা! ফাদার স্থিথ! আমি আটকে গেছি!'

জবাব নেই।

অপেক্ষা করল কিশোর, তারপর আবার চেঁচাল। আবার অপেক্ষার পালা।

'ওখানে যাওয়া উচিত হবে না, ফাদার!' শোনা গেল একটা মহিলাকষ্ট।

'খামোকা ভয় পাচ্ছ, ব্রাইস,' ফাদার স্থিতের গলা চিনতে পারল কিশোর। 'একা যাচ্ছি না আমি। পুলিশে ফোন করেছি। যে-কোন মুহূর্তে এসে পড়বে...'

'ফাদার স্থিথ!' চেঁচিয়ে উঠল কিশোর। 'আমি কিশোর পাশা! তালা দিয়ে আটকে রেখে গেছে আমাকে!'

'কিশোর পাশা?' বাইরে দরজার কাছেই শোনা গেল ফাদারের বিস্মিত কষ্ট।

উইলশায়ারের দিক থেকে সাইরেনের শব্দ শোনা গেল। দরজার গায়ে হেলান দিয়ে দাঁড়াল কিশোর। বুঝে গেছে, পুলিশ আসার আগে তালা খুলবেন না ফাদার। পুলিশের সঙ্গে সাক্ষাৎকারটা তার বিশেষ সুখকর হবে না, এটা ও বুঝতে পারছে। গির্জার ভেতরে চোখ বোলাতে বোলাতে ভ্রুকুটি করল সে।

কাছে, আরও কাছে এসে গেল সাইরেনের শব্দ। থেমে গেল হঠাৎ।

তালায় চাবি ঢোকান শব্দ হল। খুলে গেল দরজা।

শোবার পোশাক পরে দরজায় দাঁড়িয়ে আছেন ফাদার স্থিথ। তাঁর পাশে মিসেস ব্রাইস। ঘাড়ের ওপর নেমেছে চুল, তাড়াভাড়া করে বেঁধেছে, দেখেই বোঝা যায়।

'একটু সরুন, পুরীজ,' ব্রাইসের পেছন থেকে বলল একজন পুলিশ।

বাঁ পাশে এক পা সরল ব্রাইস। তরুণ পেট্রেলম্যানের চোখে চোখ পড়ল কিশোরের। আগের রাতে গির্জায় চোর খুঁজুতে যারা যারা এসেছিল, এই লোকটা ও

তাদের একজন। পাশে আরেকজন, হাতে রিভলভার।

‘কি ব্যাপার?’ জিজ্ঞেস করল তরুণ অফিসার।

আঙুল তুলে দেখাল কিশোর, যেখানে পান্তীর পোশাক পরা লোকটাকে দাঁড়িয়ে থাকতে দেখেছিল। ‘গির্জার ভেতরে আলো জুলতে দেখলাম। এতরাতে কে চুকল, দেখতে এলাম। দেখি, ফাদারের পোশাক পরা এক বৃক্ষ দাঁড়িয়ে আছে ওখানটায়, হাতে মোম। আমাকে দেখেই আলো নিবিয়ে দিল। অদ্বিতীয় ধাক্কা দিয়ে ফেলে বেরিয়ে চলে গেল। তালা আটকে দিল দরজায়।’

‘দেখতে এসেছিলে?’ বলল আরেক অফিসার।

‘হ্যাঁ। মিটার অলিভারের ঘরের জানলা থেকে দেখেছি, গির্জায় আলো।’

‘ও, হ্যাঁ হ্যাঁ, মনে পড়েছে,’ বলে উঠলেন ফাদার। ‘সকালে মিটার অলিভারের সঙ্গে দেখেছি তোমাকে। কিন্তু এত রাতে এখানে এক পন্ডীকে দেখেছি! সেই সন্ধ্যা ছাটায় আমি নিজে তালা লাগিয়ে গেছি দরজায়। আমি ছাড়া আবার কোম ফাদার নেই এখানে। নিশ্চয় ভুল করেছি।’

‘না করেনি!’ চেঁচিয়ে উঠল ব্রাইস। ‘ফাদার, আপনি জানেন ও ভুল করেনি।’

‘আহ, আবার শুরু করলে।’ বিরক্ত কষ্ট ফাদারের। ‘তোমার কি ধারণা, আবার মেই বৃক্ষ পন্ডী।’

‘চুপ করুন আপনারা।’ পেছনে শোনা গেল আরেকটা কষ্ট। ক্র্যাক অলিভার। সঙ্গে এসেছে মুসা।

‘ওই ছেলেটা আমার মেহমান,’ কিশোরকে দেখিয়ে বললেন অলিভার। ‘আজ রাতে ও আর ওর দুই বৃক্ষ আমার ঘরেই থাকছে। এই যে, এ হল মুসা আমান। আমাকে বলেছে, খানিক আগে গির্জার ভেতরে আলো দেখেছিল। কিশোরকে ডেকে দেখিয়েছে আলোটা। ব্যাপার কি দেখতে এসেছে কিশোর পাশা।’

বিরক্ত চোখে কিশোরের দিক থেকে চোখ ফেরাল দ্বিতীয় পুলিশ অফিসার। মুসাকে দেখল, তারপর তাকাল অলিভারের দিকে। ‘বাচ্চাদের এভাবে চোর-পুলিশ খেলা উচিত না। তাদের পক্ষে একজন বয়ক লোকের সাফাই গাওয়া আবশ্যিক অনুচিত।’

স্থির হয়ে গেলেন অলিভার। নাক কোঁচকালেন।

‘কিন্তু গির্জার ভেতরে আলো দেখেছি আমি।’ জোর দিয়ে বলল মুসা।

‘এবং কেউ একজন ছিল,’ যোগ করল কিশোর। ‘কালো আলখেলা, সাদা কলার। ফাদার শিথি, আপনি যেমন পরেন, তেমনি। ধৰধরে সাদা লম্বা লম্বা চুল। হাতে ছিল একটা মোমবাতি।’

‘পোলাপানের গঞ্জো।’ বিড়বিড় করল পুলিশ অফিসার। ‘থোকা, বল না যেন, কিছু চুরি গেছে গির্জা থেকে।’

‘গেছেই তো,’ বলে বসল কিশোর। ‘গতরাতে ছিল ওটা, এখন নেই।’ সপ্তশৰ্মা

দৃষ্টিতে তাকাল ফাদারের দিকে। 'একটা স্ট্যাচু ছিল ওখানটায়,' একটা জানালার পাশে দেয়ালের একটা জাফগা নির্দেশ করল সে। 'সবুজ ফুতুয়া গায়ে, মাথায় চোখ লাঘা চূড়াল, টুপি, হাতে লাঠি।'

ফাদারকে প্রায় ধাক্কা দিয়ে সরিয়ে দরজার গোড়ায় এসে দাঁড়াল দুই পুলিশ অফিসার।

'সত্তিই তো! ঠিকই বলেছে ছেলেটা,' বলে উঠল তরুণ অফিসার। 'গতরাতে একটা মৃত্তি ছিল ওখানে, সেইট প্যাট্রিকের মৃত্তি সঙ্গৰত! সব সময় যিনি সবুজ ফুতুয়া পরে থাকেন, মাথায় বিশপের টুপি—কি যেন নাম টুপিটার ফাদার?'

দেয়ালের দিক থেকে চোখ ফেরালেন ফাদার। 'মাইটার, বিড়বিড় করে বললেন। 'সব সময়ই মাইটার মাথায় রাখেন সেইট প্যাট্রিক, হাতে বিশপের লাঠি।'

'তো কোথায় গেল মৃত্তিটা?' জানতে চাইল পুলিশ অফিসার।

'এ গির্জায় কথনও সেইট প্যাট্রিকের মৃত্তি ছিল না,' অঙ্গস্তি বোধ করছেন ফাদার, কষ্টহীনেই বোঝা যাচ্ছে। 'থাকার কথাও না। এটা সেইট জুড়সের গির্জা। অস্তরকে সন্তু করানৰ ব্যাপারে খ্যাতি আছে তাঁর।'

'হ্যাঁ, তরুণ অফিসারের কষ্টে অবিষ্টস। 'আপনার শুটুসকী পার প্রায়ই বৃক্ষ ফাদারকে দেখতে পায়, যেটা অস্তর। এই ছেলেটা তাঁকে দেখেছে, এটা অস্তর। গতরাতে অন্মরা কয়েকজন দেখেছি একটা মৃত্তি, যা নাকি কথনও ছিলই না এ-গির্জায়, এটা আরেক অস্তর। এই গির্জার কোথাও এক-আধটা মাইটার আছে?'

চমকে উঠলেন যেন ফাদার। 'গতকাল আনা হয়েছিল। একটা মাইটার আর একটা বিশপের লাঠি।'

'কেন?'

'একটা বিশেষ অনুষ্ঠান ছিল,' বুঝিয়ে বলার চেষ্টা করলেন ফাদার। 'বড়দিন উপলক্ষ্যে। গুরুজনদের সামনে অভিনয় করেছিল বাচ্চা-কাচ্চারা। মধ্যবুর্গে যেমন হত। ন্যাটিভিটি আর তিন জানী লোকের ঘটনা অভিনীত হয়েছিল। অভিনয়ের শেষদিকে এসে ঢেকেন সমস্ত বিখ্যাত ব্যক্তি আর সাধুরা, তাদের মাঝে সেইট প্যাট্রিকও থাকেন। সেইট প্যাট্রিক সাজানুর জন্যেই ফুতুয়া, টুপি আর লাঠি ভাড়া করে আনা হয়েছে। আজ আবার ফিরিয়ে দিয়ে এসেছি ওগুলো যেখান থেকে এনেছিলাম।'

'হ্যাঁ, হ্যাঁ!' চেপে রাখা শ্বাসটা শব্দ করে ফেলল কিশোর। 'এতক্ষণে বুঝতে পারছি, কোথায় হাওয়া হয়ে গিয়েছিল চোরটা!'

'মানে?' ভুরু কোঁচকাল তরুণ পুলিশ অফিসার।

'একেবারে খাপে খাপে মিলে যাচ্ছে,' ভারিকি অবটা চেহারায় ফুটিয়ে তুলল কিশোর। 'গত সন্ধিয়া এসেছিল এ-পাড়ায়। পাশের গলির এক বাড়িতে চুকেছিল।'

পুলিশের তাড়া থেয়ে এসে চুকল গির্জায়। বুবতে পারল, এখানে চুকেও সহজে রেহাই পাবে না। পুলিশ আসবেই। চোখ পড়ল ফতুয়া, মাইটার আর লার্টার ওপর। উপস্থিত বুদ্ধি আছে চোরটার, কোন সন্দেহ নেই। তাড়াতাড়ি সেইট প্যাট্রিক সেজে দেয়ালের গা ঘেষে মৃত্তির মত দাঁড়িয়ে গেল। চোখ এড়িয়ে গেল আপনাদের।

‘কিশোরের দিকে চেয়ে আছে দুই অফিসার। বিশ্ব ফুটেছে চোখে।’

‘আপনারা খুঁজে খুঁজে হয়রান হয়ে চলে গেলেন?’ বলে গেল কিশোর। গির্জার দরজায় তালা দিতে এল দারোয়ান, পল ছিন। তখনও বেরোয়ানি চোর, কিন্তু বেরোতে হবে। দরজা ছাড়া আর কোন পথ নেই। সেন্টিক দিয়ে বেরোতে গেলেই চোখে পড়ে যাবে দারোয়ানের। অগত্যা তাকে কোন কিছু দিয়ে মেরে বেইশ করে পালিয়ে গেল। ফাদার, পলের ইঁশ ফিরেছে? কথা মনে করতে পারছে সে?’

মাথা নাড়লেন ফাদার। ‘তেমন কিছুই না। ও বলেছে, পেছন থেকে ধাক্কা দিয়ে কেলে দিয়েছিল কেউ। তারপর আর কিছু মনে নেই। ওর সঙ্গে বেশিক্ষণ কথা বলতে দেয়নি ডাক্তার। অবস্থা খারাপই।’

‘ইঠা, শানের ওপর পড়েছিল হয়ত,’ বলল কিশোর। ‘জোরে বাড়ি থেয়েছে মাথায়। ভাল হয়ে উঠুক। চুরির ব্যাপারে কিছু একটা আলোকপাত করতে পারবে হয়ত...’

‘বেচারা! বিড়বিড় করলেন ফাদার। ‘মন্ত্র বোকায়ি করেছি কাল! ওর সঙ্গে আমারও আসা উচিত ছিল।’

‘পুরো ব্যাপারটাই কেমন উন্নত! আপন মনেই বলল তরুণ অফিসার। রিপোর্ট কি লিখব! এক চোর, সেইটের পোশাক পরে লুকিয়ে থেকেছে! একটা বাঢ়া ছেলে বলছে, সে ভূত দেখেছে...’

‘পান্তির পোশাক পরা একজন মানুষকে দেখেছি,’ শুধরে দিল কিশোর। ‘ভূত দেখেছি, একবারও বলিনি।’

‘মানুষ কি করে চুকল?’ বলে উঠল তামারা ব্রাইস। তীক্ষ্ণ কঠস্বর। দরজায় তালা দেয়া ছিল। ফাদার স্থিথ নিজে দিয়েছেন। ভূতই দেখেছ তুমি, খোকা! বুড়ো ফাদারের ভূত। বাকে আমি দেখেছি।’

‘দরজা যদি বন্ধই থাকবে, এই ছেলেটা চুকল কি করে?’ প্রশ্ন রাখল বিড়ীয় অফিসার। ‘আসলে যে চুকেছে, সে তালা খুলেই চুকেছে। ফাদার, তালার চাবি কার কাছে থাকে?’

‘অবশ্যই আমার কাছে,’ বললেন ফাদার। ‘মাঝেসাজে ব্রাইসের কাছেও নিই...আর একটা, দারোয়ান পলের কাছে...ওটা সঞ্চৰত হাসপাতালে, পকেটের জ্বর সব জিনিসের সঙ্গে রয়েছে। আমারটা কিংবা পলেরটা হারিয়ে যেতে পারে; তাই বাড়তি আরও একটা চাবি আছে। রেকটরির নিচতলায়, কোট রাখার ছায়াশাপদ।’

হ্যাঙ্গারের পাশে, ছেট একটা হকে খোলানো থাকে।'

'এখনও কি আছে চাবিটা, ফাদার?' জিজেস করল কিশোর।

ঘট করে কিশোরের দিকে চোখ ফেরালেন ফাদার। দেখলেন এক মুহূর্ত। তারপর ঘুরে প্রায় ছুটে চলে গেলেন। কয়েক মিনিট পরেই ফিরে এলেন রেকটরি থেকে। মুখচোখ ওকনো। 'নেই!'

কেউ কোন রথা বলল না।

'এটা... এটা এক ধরনের বোকামি,' আপনমনেই বললেন ফাদার। 'দু'দুটো চাবি থাকতেও বাড়তি আরেকটা চাবি খোলা জায়গায় ঝুলিয়ে রাখা! তাহলে আর দরজায় তালা দেবার মানে কি হল!'

'সেটা আপনারা জানেন,' ফস করে বলে বসন দ্বিতীয় অফিসার। 'ফাদার, মনে হচ্ছে, যে কেউ যে-কোন সময় ওখান থেকে চাবিটি নিতে পারে?'

মাথা বুঁকালেন ফাদার। থমথমে চেহারা।

'নেফটেন্যান্টকে ডাকা দরকার,' সঙ্গীর দিকে চেয়ে বলল অফিসার। 'নিজের কানেই শুনে থাক, স্টেইন্টের ছয়বেশে হাওয়া হয়ে গিয়েছে চোর। চাবি ছুরি করে গির্জায় এসে চুক্ষে পদ্ধীর প্রেতাঞ্জা!'

নিচু গলায় বিড়বিড় করে কি পড়ছে তামারা ব্রাইস। ক্রুশ আঁকছে বুকে।

হাউসকী পারের দিকে চেয়ে বললেন ফাদার, 'আর কোন কাজ নেই এখানে আমাদের, ব্রাইস। চল, রেকটরিতে চল। চমৎকার এক কাপ চা খাওয়াবে আমাকে!'

নয়

অলিভারের ঘরে থেকে, বাকি রাতটা পাহারা দিয়েই কাটাল তিন গোয়েন্দা। চোর বা ভূত, কোনটাই আর কোন উপদ্রব করল না। খুব ভোরে উঠলেন মিষ্টার অলিভার। ডিম ভজলেন, টোষ্ট তৈরি করলেন। এসে চুক্ষলেন বসার ঘরে।

'এই যে, ছেলেরা,' বললেন অলিভার। 'শাশতা রেডি। খেতে এস।'

নীরবে কয়েক মিনিট খাওয়া চলল।

'তারপর?' জিজেস করলেন অলিভার। 'কোন সিদ্ধান্তে আসতে পেরেছ?'

'হ্যা,' একটা ডিমের বেশির ভাগই মুখে পুরে দিয়েছে মুসা। চিরোতে চিরোতে বলল, 'এ-রহস্যের সমাধান করা আমাদের কংশ্মা নয়!'

'খুব তাড়াতাড়ি হতাশ হয়ে যাও তুমি, মুসা,' গঞ্জির হয়ে বলল কিশোর। 'সবে তো খেল শুরু। জমাট বাঁধতে শুরু করেছে রহস্য। প্রচুর চিন্তাভাবনা আর সময় ব্যয় করতে হবে এর পেছনে।'

'যেমন?'

‘যেমন, চোর। গির্জায় কেন চুকেছিল, জানা দরকার। অস্তত অনুমান করতে পারা দরকার।’

‘তাছাড়া,’ বললেন অলিভার, ‘জানা দরকার, আমার ঘরে আসে যে ছায়াটা, ওটার সঙ্গে চোরের কি সম্পর্ক?’

‘হ্যাঁ,’ বলল কিশোর। ‘ঠিকই বলেছেন। ছায়া আর চোরের সঙ্গে যোগসাজশ থাকাটাও বিচিত্র নয়। আচ্ছা, মিস্টার অলিভার, ছায়াটা কি নির্দিষ্ট কোন একটা সময়েই দেখা যায়? দিনে বা রাতে? আমি দেখেছি দু'বার, দু'বারই সন্ধ্যাবেলা। আপনি?’

ভাবলেন অলিভার। ‘সাধারণত, শেষ বিকেলে কিংবা সন্ধ্যাবেলায়। দু'একবার দুপুরের পরেও দেখেছি।’

‘মাঝেরাতে, বা তারপর?’

‘তখন তো ঘুমিয়েই থাকি। তবে কোন-কোনদিন আগে জেগে উঠি, এই পেছাপ-টেছাপ করার জন্যে। তবে ওসময় কখনও দেখিনি।’

মাথা বৌকাল কিশোর। ‘তাহলে, আজ আর সারাদিন আমাদের থাকার কোন দরকার নেই। চলে যাব এখন। বিকেল নাগাদ ফিরে আসব। রকি বীচে যেতে হবে। কাজ আছে। বোৰা যাচ্ছে, ততক্ষণ আপনি নিরাপদ। আশা করছি, ছায়াটা চুকবে না ততক্ষণে।’

নাশতা শেষ করে উঠে পড়ল ছেলেরা। বেরিয়ে এল ঘর থেকে। সিঁড়ি দিয়ে সবে চতুরে নেমেছে, পুলের ধারে একটা চেয়ার থেকে লাফিয়ে উঠে দাঁড়াল টমি পিলবাট।

‘এই যে ছেলেরা,’ ডাকল টমি। ‘শুনলাম, গির্জায় নাকি ভূত দেখেছে গতরাতে? ওসব ব্যাপারে আমার খুব আগ্রহ। আমাকে যদি ডাকতে তখন।’

‘ডাকব?’ টমির দিকে চেয়ে আছে কিশোর। ‘কি করে? তখন তো আপনার কাজের সময়, দোকানে থাকার কথা।’

‘গতরাতে ছুটি ছিল আমার। রোজই কাজ করে না লোকে।’

‘ভূত দেখা গেছে, কি করে জানলেন?’ জিজেস করল মুসা।

‘এ আর এমন কি কঠিম? যে পাড়ায় মিসেস ডেনভার আর ব্রাইস রয়েছে, সে পাড়ার লোকের খবর জানতে অসুবিধে হয় নাকি? তোর হবার আগেই ছাড়িয়ে পড়েছে খবর। বেড়ালটার কাছে শুনলাম।’

‘বেড়াল!’ বিশ্বিত রবিন।

‘ওই আর কি। বেড়াল-মানব, ব্রায়ান এনড়।’

গেটের দিকে ঝগোল তিন গোয়েন্দা। সিঁড়ি বেয়ে রাত্তায় ন্যামল। তাদের পিছু নিল টমি।

‘একটু দাঁড়াই,’ ডাকল টমি। ‘সত্যিই তোমরা তাকে দেখেছ?’

‘কোন একজনকে দেখেছি,’ জবাব দিল কিশোর।

দাঢ়াল না তিন গোয়েন্দা। পেছনে টমিকে হাঁ করিয়ে রেখে দ্রুত হেঁটে এসে পড়ল উইলশায়ার স্ট্রীটে। বাস টেশনের দিকে চলল।

‘ওটাকে দেখলেই কেমন জানি গা ছমছম করে! বলল মুসা। ‘ওই টমিটা!’ বাসে উঠে বসেছে ওরা।

‘কারণ সে ভূত-প্রেত সম্পর্কে আগ্রহী,’ বলল কিশোর। ‘অতিথাকৃত ব্যাপার-স্যাপারে বিশ্বাসী। ওসব নিয়ে কথা বলতে ভালবাসে,’ সিটের পেছনে হেলান দিল গোয়েন্দাপ্রধান। ‘ওর কিছু কিছু বিশ্বাস একেবারে অমূলক নয়। বড় বড় সব ধরেই বলে, লোভ আর খুব বেশি টাকা পয়সা থাকা ক্ষতিকর।’

‘আর্থই সকল অনর্থের মূল,’ বলল রবিন।

‘খীটি কথা। তবে, আসলে তুমি কি বলতে চেয়েছ, বুঝেছি, মুসা। ওই টমি গিলবাটের মাঝে অদ্ভুত কিছু একটা রয়েছে। রহস্যজনক কিছু একটা।’

ঠিক সকাল সাড়ে ন টায় রকি বীচে ফিরে এল তিন গোয়েন্দা।

‘প্যাসিও প্রেসে যা যা ঘটেছে, সব আবার তলিয়ে দেখা দরকার,’ বলল কিশোর। ‘চল, আগে হেডকোয়ার্টারে যাই।’

দশ মিনিট পর টেলারের ভেতর এসে চুকল ওরা। পুরানো পোড়া ডেক্টা ঘিরে বসল।

‘একসঙ্গে তিনটে রহস্যের সমাধান করতে হচ্ছে এখন আমাদের,’ আলোচনা শুরু করল কিশোর। এক নাস্তা, ওই ছায়া। কি ওটা, কার ছায়া, কি করে ঢোকে মিষ্টার অলিভারের ঘরে? দুই, চোর—কুকুরের মৃত্তিটা যে ছুরি করেছে। কে সে? গির্জায় কি কাজ তার? শেষ, এবং তিন নাস্তারটা হল, পাত্রীর ভূত। আসলেই কি সে ভূত? ছায়া আর ঢোরের সঙ্গে তার কি সম্পর্ক?’

‘ছায়াটা কার, তা-তো জানিই আমরা,’ বলল মুসা। ‘তুমি আর মিষ্টার অলিভার, দু'জনেই চিনতে পেরেছ। টমি গিলবাট।’

‘দেখেছি সত্যি,’ মাথা ঝাঁকাল কিশোর, ‘তবে চিনতে পেরেছি বলব না। পলকের জন্যে দেখেছি। তাই নিশ্চিত হতে পারছি না। তোমরা দু'জনও যদি দেখতে, একমত হওয়া যেত।’

‘ছায়াটা আর যাই হোক,’ বলল রবিন, ‘মিসেস ডেনভারের নয়। সে শুধু তালা খুলে দরজা দিয়েই ঘরে চুক্ত, দেয়াল গলে আসত না।’

আবার মাথা ঝাঁকাল কিশোর। ‘এবং আকারেও ছায়াটার সঙ্গে অনেক অমিল। মহিলা বেঁটে, মোটা। ছায়াটা লম্বা, হালকা-পাতলা। টমির সঙ্গে মিলে যায়। কিন্তু বুঝতে পারছি না, কোন পথে কি করে ঢোকে সে এত নিঃশব্দে। আর, একজন লোক একই সময়ে দু'জায়গায় থাকে কি করে? দু'বার তাকে মিষ্টার অলিভারের ঘরে দেখেছি, দু'বারই ওই সময়ে নিজের ঘরে ছিল, সে। ঘুমোচিল,

এবং বিমোচিল।'

কাঁধ ঝাঁকাল মুসা। 'হয়ত অন্য কারও ছায়া!'

'কিছু মান্দালাটার কথা জানে টমি,' মনে করিয়ে দিল রবিন। 'নিখুঁত বর্ণনা দিয়েছে, যেন দেখেছে নিজের চোখে। মিষ্টার অলিভার কখনও তাকে ঘরে ডেকে নেননি, এ-ব্যাপারেও সন্দেহ নেই।'

'অর্থাৎ, ছায়ার ব্যাপারে আমাদের প্রধান সন্দেহ, টমি গিলবাট,' ব্যাপারটার ওপর আপাতত ইতি টানল কিশোর। 'তবে আমাদের হাতে কোন প্রমাণ নেই, কোনরকম ব্যাখ্যা দিতে পারছি না ছায়াটার। আচ্ছা, এবার চোরের কথায় আসা যাক। নিচয় ব্যাটা মিষ্টার অলিভারের ভাড়াটে, কিংবা কোন প্রতিবেশী। কারণ, তার জানা আছে, গির্জার একটা চাবি বোলানো থাকে কোটের হ্যাঙ্গারের পাশে, রেকটরিতে। তার আরও জানা আছে, কুকুরের মৃত্তি...আচ্ছা, বার বার এই মৃত্তি মৃত্তি বলতে ভাল্লাগছে না! একটা কিছু নাম দেয়া যাক এর। কি নাম?' বঙ্গদের দিকে তাকাল সে।

'ভূতুড়ে কুকুর,' বলল মুসা।

'নাহ, ভাল্লাগছে না,' মাথা নাড়ল রবিন। 'কার্পাথিয়ান হাউও?...নাহ, এটাও পছন্দ না...তাহলে কি? কিশোর, তুমি একটা বল।'

'শ্বাপন...শ্বাপন...ছায়াশ্বাপন হলে কেমন হয়?'

'ছায়াশ্বাপন! চমৎকার! মুসা, তুমি কি বল?'

মাথা দুলিয়ে সায় দিল মুসা।

'বেশ,' আবার আগের কথার বেই ধরন কিশোর। 'ছায়াশ্বাপন এবং এর মূল্য কতখালি, জানা আছে চোরের। কে জানতে পারে?'

'ছায়াটা,' অনুমান করতে চাইছে মুসা, 'মিষ্টার অলিভারের ঘরে চুকে তাঁর ডায়েরীতে হয়ত লেখা দেখেছে। কিংবা কোনে তিনি কারও সঙ্গে আলাপ করেছিলেন, সে-সময় শনেছে।'

'মিসেস ডেনভার হতে পারে?' বলল রবিন। 'ও-তো মিষ্টার অলিভারের কাগজপত্র ঘাঁটাঘাঁটি করেছে। দেখে-ক্ষেপাটা অসম্ভব নয়।'

'ও জানলে ওই পুরো এলাকা জেনে বেত ওটার কথা,' প্রতিবাদ করল মুসা।

'জানেনি, কি করে শিশুর হচ্ছ? কিশোর, তোমার কি মনে হয়?' গোয়েন্দা প্রধানের দিকে তাকাল রবিন। 'ছায়াশ্বাপন চুরি করার উদ্দেশ্যেই কি জ্যাক ইলিয়টের ঘরে চুকেছিল চোর?'

'বলা শক্ত। কি করে সে জানল, তখন ছায়াশ্বাপন রয়েছে ওখানে? হয়ত মূল্যবান কিছু চুরির উদ্দেশ্যেই চুকেছিল, গেয়ে গেছে মৃত্তিটা। ওই পাড়ার কেউ হয়ে থাকলে, নিচয় জানা ছিল, বাড়িটা ধালি পড়ে আছে। চুকে পড়েছে। ওর কপাল খারাপ, রাস্তার মোড়েই ছিল পুলিশ। মিকোর চেমেটি শনে তাড়া করে ছায়াশ্বাপন।'

এল তারা। ছুটে গিয়ে গির্জায় ঢুকে পড়ল চোর। সেইট প্যাট্রিকের স্ট্যাচু সেজে দাঁড়িয়ে গেল দেয়াল ঘেঁষে। সাহস আছে বলতে হবে!

‘তারপর, পুলিশ চলে গেল,’ কিশোরের কথার পিঠে বলল রবিন। ‘তালা দিতে এল দারোয়ান পল। তাকে আহত করে পালাল চোর।’

‘আমার মনে হয়, শুধু বেরিয়ে যাবার জন্যে পলকে আহত করেনি চোর,’ বলল কিশোর। ‘তাহলে এত শুরুতর জখম করত না হয়ত, ওকে হাসপাতালে কিছু দিনের জন্যে সরিয়ে দিতেই কাজটা করেছে সে। গির্জায়ই কোথাও লুকিয়ে রেখেছিল ছায়াশ্বাপন। পরের রাতে এসে আবার নিয়ে যাবার ইচ্ছে। পল থাকলে সেটা করতে অসুবিধে। তাই বেচারাকে প্রচণ্ড মার খেতে হল। মেরেই ফেলতে চেয়েছিল কিনা, কে জানে?’

‘কিন্তু কেন?’ প্রশ্ন রাখল মুসা। ‘যা উনেছি, জিনিসটা দুব বেশি বড় নয়। পকেটে নিয়েই বৃক্ষদে বেরিয়ে যেতে পারত চোর। এত সব ঝামেলায় গেল কেন?’

‘পারত, কিন্তু দুব বেশি ঝুকি হয়ে যেত,’ বলল কিশোর। ‘ওর হয়ত ভয় ছিল, ক্ষোয়াড় কারণগুলো আবার ফিরে আসতে পারে, কিংবা সবগুলো তখনও যায়ইনি এলাকা ছেড়ে—আড়ালে থেকে গির্জার উপর চোখ রেখেছে পুলিশ। কিংবা হয়ত পাড়ার সব বাড়িতে তল্লুশি চালাবে রাতের কোন এক সময়ে। তারচেয়ে গির্জায় ছায়াশ্বাপন লুকিয়ে রেখে যাওয়াটাই নিরাপদ মনে করেছিল সে।’

‘তারপর পাত্রীর ভূতের ছন্দবেশে গতরাতে আবার এসে ঢুকেছে গির্জায়?’

‘আমার তাই ধারণা। এমনিতেই এমন একটা উজব ছড়িয়ে আছে ওই এলাকায়।’ বৃক্ষ পাত্রীর ছন্দবেশ নিয়ে সে বুদ্ধিমানের কাজই করেছে। আমি সামনাসামনি দেখেও চিনতে পারিনি। হয়ত কেউই পারত না। বরং তাৎক্ষণিক একটা ধাঁধার ফেলে দিত যে-কোন দর্শককে, আমাকে যেমন দিয়েছিল।’

‘বেশ,’ বলল রবিন, ‘বুঝলাম। কিন্তু এই সাধু পুরুষটি কে?’

‘আর কে?’ সঙ্গে সঙ্গে জবাব দিয়ে দিল মুসা, ‘টমি গিলবাট। ভূত-প্রেত তার বিষয়। তাছাড়া গতরাতে ডিউটি ছিল না তার। ওই অদ্ভুত ছন্দবেশ নেবার কথা তার মাথায়ই তো আসবে!’

‘আমি কিন্তু মানতে পারছি না,’ গঞ্জির হয়ে আছে কিশোর। টাকাপয়সার লোভ তার আছে বলে মনে হয় না। ও-ধরনের অদ্ভুত সাধনা যারা করে, তাদের প্রথম পাঠ্টই হল, জাগতিক লোভ আর আকর্ষণ ভ্যাগ করা।

‘কিন্তু ওর টাকার দরকার,’ উত্তেজিত হয়ে পড়েছে রবিন। ‘জারতে যাবার জন্যে প্রচুর টাকা দরকার।’

‘ঠিক, ঠিকই বলেছে রবিন।’ প্রায় চেঁচিয়ে উঠল মুসা।

‘ভলে যাই কেন, পুলিশ যখন চোরটাকে তাড়া করেছিল, টমি সুনিয়ে ছিল

তার ঘরে,' মনে করিয়ে দিল কিশোর। 'পুলিশ যখন গির্জার ভেতরে খোজাখুঁজি করছে, টমি আমাদের সঙ্গেই বাইরে দাঁড়িয়ে ছিল। চোর তখন মূর্তি সেজে গির্জার ভেতরেই ছিল।'

কিন্তু, একই সঙ্গে দু'জায়গায় থাকতে পারে শুধু টমি,' যুক্তি দেখাল রবিন। 'তার পক্ষেই গির্জার ভেতরে-বাইরে একই সময়ে থাকা সম্ভব।'

জোরে জোরে মাথা নাড়ল কিশোর। 'অতি কল্পনা! তবে, টমি কিছু একটা ঘটাচ্ছে, এতে কোন সন্দেহ নেই। লোকটার ওপর চোখ রাখা দরকার....' থেমে গেল টেলিফোনের শব্দে। প্রায় ছোঁ মেরে তুলে নিল রিসিভার। 'হ্যালো...ও, মিস্টার অলিভার?...এক সেকেণ্ট।' একটা সুইচ টিপে দিল। 'হ্যাঁ, এবার বলুন।'

টেলিফোন লাইনের সঙ্গে স্পীকারের যোগাযোগ করে নিয়েছে কিশোর। হেডকোয়ার্টারে বসা সবাই একই সঙ্গে কথা শোনার জন্যে।

'এইমাত্র টেলিফোন করেছিল একটা লোক,' স্পীকারে শোনা গেল অলিভারের কথা, কাঁপা কাঁপা, উত্তেজিত। 'কুকুরের মৃত্তিটা আছে এখন ওর কাছে। তোমাদের সন্দেহ ছিল, এমন একটা জিনিস বিক্রি করতে পারবে না সে সহজে। কিন্তু দেখা যাচ্ছে, পারছে। ভাল ক্রেতাকেই খুঁজে বের করেছে সে। আমি। দশ হাজার ডলার দাম চেয়েছে সে আমার কাছে!'

দশ

বোমা ফেটেছে যেন টেলারের ভেতর। স্তর হয়ে গেছে তিন গোয়েন্দা।

'কিশোর? আছ তুমি ওখানে?' আবার শোনা গেল অলিভারের উত্তেজিত কণ্ঠ।

'অ্যাঁ...হ্যাঁ! বলুন!' কোনমতে বলল কিশোর।

'আমি...আমি মনস্তির করতে পারছি না,' বললেন অলিভার। 'একটা চোরের সঙ্গে হাত মেলাব? কিন্তু মৃত্তিটাও যে আমার দরকার! ওটা হাতছাড়া করতে পারব না কিছুতেই। টাকাটা দিয়েই দেব কিনা ভাবছি! আমারই জিনিস ওটা। জ্যাককে টাকা মিটিয়ে দিয়েছি। কাজেই চোরের কাছ থেকে আমি আবার ওটা কিনে নিলে কারণ কিছু বলার নেই। দু'দিন সময় দিয়েছে সে আমাকে।'

'পুলিশকে জানিয়েছেন?'

'ইচ্ছে নেই। চোরটাকে ভয় পাইয়ে দিতে চাই না। তাহলে হয়ত চিরদিনের জন্যেই হারাব মৃত্তিটা।'

'ভেবে দেখুন ভাল করে,' বলল কিশোর। 'ভয়ানক এক অপরাধীর সঙ্গে হাত মেলাতে যাচ্ছেন। পলকে কি করেছে সে, জানেন।'

'জানি। ভয় পেয়ে গিয়েছিল চোরটা, জান বাঁচানো ফরজ ভেবেছে। পলকে ছায়াধাপদ

বেহঁশ করে পালিয়ে গেছে। আমাকে ভয় পাওয়ার কিছু নেই তার, তেমন কিছু করব না। তো, তোমরা কখন আসছ? একা একা ভাল লাগছে না আমার, কেমন যেন অস্বস্তি বোধ করছি।'

'ছায়াটা এসেছিল আর?'

'না। তবে, এসে পড়তে পারে...সত্যি বড় ভয় পাচ্ছি আমি!'

'তিনটার বাস ধরব আমরা,' দুই সঙ্গীর দিকে তাকাল কিশোর। ওদের মত জানতে চাইছে। মাথা বৌকাল ওরা। 'আঁধার নামার আগেই পৌছে যাব।'

ওড় বাই জানিয়ে রিসিভার রেখে দিল কিশোর। 'মেরেছে। এবার চোরের হাত থেকে রক্ষা করতে হবে তাঁকে! বাড়তি কিছু কাপড়-সোপড় সঙ্গে নেব, ভাবছি। মিষ্টার অসিভারের ওখানে দিনকয়েক থাকার দরকার হতে পারে। তিনটার আগেই বাস টেশনে চলে এস। ঠিক আছে?'

মাথা বৌকাল যুসা। টমির ওপর চোখ রাখবে বললে...'

'পরে আলোচনা করব ওসব নিয়ে। এখন কিছু জরুরি কাজ সারতে হবে।'

বেরিয়ে চলে গেল রবিন আর যুসা। রবিনের কিছু কাজ আছে লাইব্রেরিতে, সেখানে যাবে। যুসা সোজা চলে গেল বাড়িতে। তার খিদে পেয়েছে।

কিশোরও বেরোল। লোহার একটা আলমরির মরচে পরিষ্কার করায় মন দিল সিরিশ কাগজ দিয়ে ঘসে। আসলে কোন একটা কাজে যাগু থেকে ডাবতে চাইছে সে ঠাণ্ডা মাথায়। দুপুরের খাবার খেতে ডাকলেন মেরিচাটী। খেয়ে এসে সোজা নিজের ওয়ার্কশপে চুকল কিশোর। ইলেক্ট্রনিক কিছু যন্ত্রপাতি নিয়ে কাজ শুরু করে দিল। শেষে যন্ত্রপাতিগুলো বাক্সে গুঁহিয়ে ডরে নিল। সময় হয়ে গেছে। বাক্সটা নিয়ে বাস টেশনের দিকে রওনা হল সে।

'আবে। ওই বাক্সের তেতর কি?' কৌতুহল ঝরল রবিনের গলায়। 'নতুন কোন আবিষ্কার?'

'একটা ক্লোজড-সার্কিট টেলিভিশন ক্যামেরা আর রিসিভার,' জানাল কিশোর। 'একটা ডিপার্টমেন্ট স্টোরে ব্যবহার হয়েছে।'

'হ্যা,' বলল যুসা। 'আজকাল বেশির ভাগ বড় দোকানেই এ-জিনিস ব্যবহার হচ্ছে। চোর ধরার জন্যে।'

'তোমারটা কোথায় পেলে?' জানতে চাইল রবিন।

'স্টোরে আগুন লেগেছিল,' বলল কিশোর। 'অনেক জিনিস পত্র নষ্ট হয়েছে। এটা ও নষ্ট হয়েছিল। অন্যান্য জিনিস পত্রের সঙ্গে চাচা কিনে নিয়ে এসেছেন। খুলে দেবস্থাম, খুব বেশি কিছু খারাপ হয়েলি। সহজেই ঠিক করে নিলাম।'

'এর সাহায্যেই টমির ওপর চোখ রাখব?'

'হ্যা। চতুরের দিকে কোন জানালা নেই মিষ্টার অসিভারের ঘরে। গান্ধুকনিতে বসে চোখ রাখা যাবে না। আমরা যাকে দেখব, সে-ও আমাদের দেখে

হলবে। কাজেই, এই যন্ত্রটা ছাড়া উপায় নেই। সিঁড়ির নিচে বড় একটা ফুল গাছের ঝাড় আছে। ওটার ভেতর লুকিয়ে রাখব ক্যামেরাটা। ঘরে বসে আরামসে চোখ রাখতে পারব।'

'থাইছে! কিশোর, তোমার তুলনা হয় না।' জোরে হাততালি দিল মুসা। 'ক্রিগত চ্যামেলে টিকি দেখব আজ!'

এক ঘন্টা পর। মিষ্টার অলিভারের বাড়িতে এসে পৌছুল তিন গোয়েন্দা। ঢেকার মুখেই গেটে দেখা হয়ে গেল সদা-উপস্থিতি মিসেস ডেনভারের সঙ্গে।

'আবার এসেছ?' বাল্টার দিকে চেয়ে আছে মহিলা। 'এটার স্তেন্ট কি?'

'একটা টেলিভিশন সেট।' সহজ গলায় বলল কিশোর। 'মিষ্টার অলিভারের জন্যে বড়দিনের উপহার।'

মহিলার কাঁধের ওপর দিয়ে তাকাল গোয়েলাপ্রধান। পুলের ধারে চেয়ারে বসে ধূমপান করছে জ্যাকবস। উপভোগ করছে প্রডস্ট বেলার রোদ। পাশে গাম্লার মত সেই অ্যাশটেট। প্রতি দুই কি তিন সেকেণ্ড পর পরই ছাই ঝাড়ছে তাতে। কিশোর তাকাতেই হাসল। 'মিষ্টার অলিভারের ওঁচামে থাকবে আজ রাতে?'

'ইচ্ছে আছে,' জ্বাব দিল কিশোর।

'ভাল।' অ্যাশটেটে ঠেসে সিগারেট নেভাল জ্যাকবস। পরীক্ষা করে দেখল, সত্যিই নিবেছে কিনা আগুন। চোখ তুলল। 'মানুষটা বড় বেশি একা। মাঝেমধ্যে সঙ্গ পেলে ভালই লাগব। আমি তো একা থাকতেই পারি না। আমার ভাপ্পেটা গেছে তার এক বন্ধুর সঙ্গে দেখা করতে। দুদিনেই একা একা লাগতে শুরু করেছে আমার।' উঠে দাঁড়াল সে। চলে গেল তার ফ্ল্যাটের দিকে।

দোড়গোড়াতেই হেলেদের জন্যে অপেক্ষা করছেন অলিভার। টেলিভিশন ক্যামেরাটা দেখে উৎকৃষ্ট হয়ে উঠলেন তিনি। 'কখন সেট করবে?'

'সাঁওরের দিকে,' বলল কিশোর, 'অঙ্ককার হয়ে এলে। এই সাঁড় পাঁচটা নাগাদ।'

'হ্যাঁ, সেটাই উপযুক্ত সময়,' বললেন অলিভার। 'তবে তাড়াতাড়ি করতে হবে তোমাকে। অঙ্ককার হয়ে যাওয়ার প্রায় সঙ্গে সঙ্গেই চতুরে আলো জুলে ওঠে আপনাআপনি।'

৫-২০ এ ব্যালকনিতে এসে দাঁড়াল কিশোর। আশপাশটা দেখল। পেছনে চেয়ে নিচু গলায় বলল, 'বের করে নিয়ে এস। কেউ নেই।'

দ্রুত সিঁড়ির গোড়ায় এসে দাঁড়াল তিন গোয়েন্দা। একটা ধাতব তেপায়ার ওপর ক্যামেরাটা বসাল কিশোর, কায়দা করে লুকিয়ে রাখল ফুলবাড়ির ভেতর। দ্রুতহাতে লেস অ্যাডজাস্ট করল, প্রায় পুরো চতুরটাই এসে গেল ক্যামেরার চোখের নাগালে।

‘ট্রানজিস্টরাইজড করা আছে ক্যামেরাটা,’ আবার ঘরে চুকে দুই সঙ্গীকে বলল কিশোর। ‘ব্যাটারিতে চলে। দূরত্ব খুব বেশি না, তবে আমাদের কাজের জন্য যথেষ্ট।’

সদর দরজা বন্ধ করে দিল কিশোর। একটা বুককেসের ওপর রাখল টেলিভিশনটা। বৈদ্যুতিক লাইনের সঙ্গে কানেকশন করে দিয়ে ডায়াল ঘোরাল। সেকেওখানেক পরেই আবছা আলো দেখা গেল পর্দায়, কাঁপছে।

‘কই?’ বলে উঠল মুসা, ‘কিছুই তো দেখা যাচ্ছে না।’

‘যাবে,’ বলল গোয়েন্দাপ্রধান। চতুরে আলো জুলে উঠলেই দেখতে পাবে।’

মিনিট কয়েক পরেই দপ করে জুলে উঠল আলো। উৎসুক চোখে তাকিয়ে আছে শোয়া টেলিভিশনের পর্দার দিকে। পরিষ্কার দেখা যাচ্ছে পুরো চতুরটা। নির্জন।

প্রথমে টমি গিলবার্টকে দেখা গেল। ফ্ল্যাট থেকে বেরিয়ে পাশের সরু গলি ধরে চলে গেল। ফিরে এল খানিক পরেই। হাতে একটা লঞ্চি ব্যাগ। আবার নিজের ঘরে গিয়ে চুকল সে।

তারপর দেখা গেল একটা মেয়েকে, সোনালি চুল। সামনের গেট দিয়ে চতুরে চুকল।

‘লারিসা ল্যাটিনিনা,’ বললেন অলিভার।

গটগট করে নিজের ফ্ল্যাটের সামনে গিয়ে দাঁড়াল লারিসা। চাবি বের করে তালায় ঢোকাল। ঠিক এই সময় তার পেছনে এসে উদয় হল মিসেস ডেনভার। হাতে ছোট একটা প্যাকেট।

‘নিশ্চয় ডাকে এসেছে, কিংবা কেউ দিয়ে গেছে প্যাকেটটা,’ বললেন অলিভার। ‘লারিসার জন্যে। ভাড়াটেরা যখন বাড়ি থাকে না, তাদের কোন জিনিস এলে সহী করে রেখে দেয় ম্যানেজার। এটা তার দায়িত্ব।’

‘নিশ্চয় কাজটা তার খুব পছন্দ,’ বলল মুসা।

‘ঠিক ধরেছ,’ বললেন অলিভার। ‘চুরি করে খুলে দেখে নিশ্চয়। ভাড়াটেদের সম্পর্কে জ্ঞান আরও বাঢ়ে তার। বদ্বৰ্ভাব।’

প্যাকেটটা লারিসার হাতে তুলে দিয়েছে ম্যানেজার। দাঁড়িয়ে দাঁড়িয়ে কথা বলছে। নিশ্চয় জানতে চাইছে ভেতরে কি আছে।

হতাশ একটা ভঙ্গি ফুটল। লারিসার হাবভাবে। হাতের ব্যাগটা নামিয়ে রেখে প্যাকেটের মোড়ক খুলতে শুরু করল।

এই সময় নিজের ফ্ল্যাট থেকে বেরিয়ে এল জ্যাকবস। থেমে দাঁড়াল। লারিসা আর মিসেস ডেনভার কি করছে, দেখছে।

‘লোকের গোপনীয়তা বলতে কিছু নেই এ-বাড়িতে।’ বলেই ফেলল মুসা।

বিরক্তিতে মুখ বাঁকালেন অলিভার। ‘ওই বুড়িটার কথা কেন শনছে লারিসা!

ন্তর না, বলে মানা করে দিলেই হত! খুব বেশি সরল।'

মোড়ক খুলে ফেলেছে লারিসা। একটা টিনের বাক্স। ডালা খুলল। হাসি ফুটল তার মুখে। দুই আঙুলে কিছু একটা বের করে এনেই মুখে ফেলল। মিসেস ডেনভারকেও সাধল। মাথা নাড়ল ম্যানেজার।

'চকলেট,' বলল কিশোর।

'খামোকা সাঁতার কাটে!' বললেন অলিভার। 'অতিরিক্ত মিষ্টি খাওয়া বাদ নিলেই হয়ে যেত। মোটা হয়ে যাওয়ার ভয় থাকত না আর।'

বাক্স থেকে আরেকটা চকলেট বের করে মুখে ফেলল লারিসা। ডালা বক্স করল। হঠাৎ ঘটকা দিয়ে গলার কাছে উঠে এল তার হাত। বাক্সটা খসে পড়ে গেল। ছড়িয়ে ছিটিয়ে গেল চকলেটগুলো।

'আরে...!' কথা আটকে গেল মুসার।

টলে উঠল লারিসা। সামনের দিকে বাঁকা হয়ে গেল। পড়ে গেল হমড়ি হয়ে। হাত-পা ছুঁড়ছে, মোচড়াচ্ছে শরীরটা।

লাফিয়ে উঠে দাঁড়াল তিন কিশোর। হাঁচকা টানে সদর দরজা খুলে ফেলল কিশোর, বেরিয়ে এল। এক এক লাফে তিনটে করে সিঁড়ি টপকে নেমে চলল নিচে।

'মিস ল্যাটিনিনা!' কানে আসছে ম্যানেজারের শক্তি কষ্ট। 'কি হয়েছে?'

'ব্যাথা!' শুণিয়ে উঠল লারিসা। 'জুলে যাচ্ছে... ওহহ!...মাগো...'

ছুটে এসে দাঁড়াল কিশোর। নিচু হয়ে একটা চকলেট তুলে নিল। পাশে এসে নংডাল মুসা আর রবিন। অলিভার এলেন। হাঁপাচ্ছেন তিনি।

তীক্ষ্ণ চোখে চকলেটটা দেখল কিশোর। নাকের কাছে তুলে এনে শুঁকল। ফিরে চাইল।

লারিসার ওপর ঝুঁকে বসেছে জ্যাকবস। টমি গিলবার্টও বেরিয়ে এসেছে। বরোছে ব্রায়ান এনজু।

কিশোরের হাত খামচে ধরল মিসেস ডেনভার। 'কি...কি আছে ওটাতে?'

তালুতে রেখেই চাপ দিয়ে চকলেটটা দলে-মুচড়ে ফেলল কিশোর। আবার নিয়ে এল নাকের কাছে। শুঁকল। চেঁচিয়ে উঠল, 'জলদি! জলদি অ্যামবুলেন্স চ'কুন! মনে হয় বিষ খাওয়ানো হয়েছে, মিস ল্যাটিনিনাকে!'

এগারো

'আমবুলেন্স ডাকার সময় নেই!' চেঁচিয়ে বলল জ্যাকবস। 'আমার গাড়িতে করেই নিয়ে যাচ্ছি ইমার্জেন্সীতে!'

'আমি যাব আপলার সঙ্গে!' বলে উঠল মিসেস ডেনভার।

‘বাস্তুতে তুলে চকলেটগুলোও নিয়ে যান,’ বলল কিশোর। ‘পরীক্ষা করে দেখতে পারবে।’

গ্যারেজ থেকে দ্রুত গাড়ি বের করল জ্যাকবস। পাঁজাকোলা করে লারিসাকে তুলে নিল মুসা। গাড়িতে তুলে দিল। একটা কম্বল এনে মেয়েটার গায়ে জড়াল মিসেস ডেনভার। চকলেটসহ বাস্টা তার হাতে গুঁজে দিল কিশোর। ছুটে বেরিয়ে গেল গাড়িটা।

‘বিষ!’ এতক্ষণে কথা বললেন অলিভার। ‘বেচারি! বিষ খাওয়াল কে?’

‘বিষই কিনা জানি না, মিস্টার অলিভার!’ পুলের দিকে চেয়ে আছে কিশোর। ‘অন্তু একটা গুঁপ পেলাঘ চকলেটটাতে।’

দুই ঘন্টা পরে ফিরে এল জ্যাকবস আর মিসেস ডেনভার। সেন্ট্রোল হস্পিটালে রেখে এসেছে লারিসাকে। ক্লান্ত, বিষপূর্ণ চেহারা দুঃজনেরই।

‘নিজেকে এত অপরাধী মনে হয়নি আর কথনও।’ বলল ম্যানেজার।

‘কি হয়েছে?’ জিজ্ঞেস করলেন অলিভার। ‘তিনি গোয়েন্দাকে নিয়ে সবে রাতের খাওয়া শেষ করেছেন, এই সময় জ্যাকবসের গাড়ির শব্দ কানে এল। চারজনেই ছুটে দেয়ে এসেছে চতুরে।

‘পুলিশ!’ শুধু বাঁকাল মিসেস ডেনভার। ‘বিছিরি সব প্রশ্ন করতে ওক করল! কতক্ষণ বাস্টা আমার কাছে রেখেছি, কোথায় রেখেছি, কেন রেখেছি, এমনি সব প্রশ্ন। আমি কি করেছি না করেছি তাতে তোমাদের কি, বাপ?’

‘আসলে কি ঘটেছে, বের করার চেষ্টা চালাচ্ছে পুলিশ,’ জ্যাকবসের কাষ্টে ঝাপ্টি।

‘বের করার চেষ্টা চালাচ্ছে? ওদের কি ধারণা, আমি বিষ খাইয়েছি মেয়েটাকে? ওদের জান উচিত, জীবনে মানুষ তো দূরের কথা, কোন ইন্দুরকেও বিষ খাওয়াইনি আমি!’ শেষদিকে ধরে এল ম্যানেজারের গলা। গুটিমট করে হেঁটে গিয়ে দরজা খুলে ফেলল নিজের ফ্ল্যাটের। ভেতরে চুক্তে দড়াম করে বক্ষ করে দিল আবার। তালা লাগানৰ শব্দ হল।

‘কি হয়েছিল, জ্যাকবস?’ বেরিয়ে এসেছে এন্ড্রু।

‘বিষাক্ত কিছু ছিল চকলেটে,’ জানাল জ্যাকবস, ‘ডাক্তারদের ধারণা। হাসপাতালের ল্যাবরেটরিতে নির্যে গেছে অ্যানলাইসিসের জন্যে। মিস ল্যাটনিনার স্ট্রাক ওয়াশ করে একটা প্রাইভেট রুমে নিয়ে যাওয়া হয়েছে। সারাবাত পর্যবেক্ষণে রাখবে ডাক্তাররা। পুলিশকে থবর দেয়া হল। ওরা এসেই ছেঁকে ধরল মিসেস ডেনভারকে। প্রশ্নের পর প্রশ্ন, নাস্তানাবুদ করে ছেড়েছে বেচারিকে। তালই হয়েছে। শিক্ষা হবে এতে কিছুটা। আক্তেল থাকলে জীবনে আর অন্যের ব্যাপারে নাক গলাবে না। ব্যাপারটা যেভাবে ঘটেছে, যে কান্দরই প্রথম সন্দেহ পড়বে তার ওপর।’

‘চকলেট এসেছে কিভাবে, জানেন?’ জিজ্ঞেস করল কিশোর।

‘ডাকে। অস্বাভাবিক কিছু নয়।’

খুলে গেল মিসেস ডেনভারের দরজা। এরই মাঝে অনেকটা সামলে নিয়েছে। বেরিয়েই পুলের দিকে তাকাল। ‘প্রতিটি খারাপ ঘটনার একটা ভাল দিকও থাকে। যা আবহাওয়া আর ঠাণ্ডা, ইদানীং শুধু লারিসাই নামত পুলে। দিন কয়েক আর নামতে পারবে না। এই সুযোগে পানি সরিয়ে পুলটা পরিষ্কার করে ফেলতে পারব। অনেকদিন পরিষ্কার করা হয়নি।’

কি যেন বলার জন্যে মুখ খুলেও থেমে গেল জ্যোৎসন। কাঁধ ঝাঁকাল। সিগারেট ধরিয়ে টানতে টানতে চলে গেল নিজের ঘরের দিকে। এন্ডুও চলে গেল।

ম্যানেজারের দিকে তাকালেন অলিভার। চোখে ঘৃণা। তিনিও এগিয়ে গেলেন সিডির দিকে। ব্যালকনিতে উঠে দাঁড়ালেন। ছেলেদের দিকে চেষ্টে বললেন, ‘মায়ামিমতা বলতে কিছু নেই বুড়িটার! ওদিকে মারা থাচ্ছে মেয়েটা। আর বুড়ি বলছে, তালই হয়েছে। পুল পরিষ্কারের সময় পাওয়া গেল! ওটাকে এবার তাড়াব আসি!’

‘কে বিষ খাওয়াল মেয়েটাকে?’ ঘরে চুক্তেই আরেকবার প্রশ্নটা করলেন অলিভার।

‘এমন কেউ, যে মিস ল্যাটিনিনার স্বত্ত্ব-চরিত্র জানে।’ বলল কিশোর, ‘যে জানে, সে কখন কি করে না করে। জানে, চকলেট তার হিঁড়ে জিনিস, পেলেই থাবে। কিন্তু আমার প্রশ্ন, কেন বিষ খাওয়ানো হল তাকে?’

কেউ কোন জবাব দিল না।

আড়াআড়ি পা মুড়ে মেঝেতেই বসে পড়ল কিশোর। টেলিভিশনের ওপর চোখ রাখতে সুবিধে।

‘বেশ মজার জায়গায় বাস করেন আপনি, মিষ্টার অলিভার,’ সিডির পর্দার দিকে চেয়ে আছে কিশোর। শুন্য চতুর। ‘মাত্র তিন দিন আপনার সঙ্গে আমাদের পরিচয়। এখানে এসেছি, সে-ও তিনি দিন। এরই মাঝে কয়টা ঘটনা ঘটল! দু’বার অস্তুত এক ছায়াকে দেখলাম, চুরি করে ঘরে চুকে ধরা পড়ল মিসেস ডেনভার, নারী একটা জিনিস চুরি হল, তারপর সেই জিনিসের জন্যে টাকাও দাবি করল সেব। এখন, আপনার এক ভাড়াটকে বিষ খাওয়াল কেউ।’

‘গির্জার দেরোয়ানের কথা বাদ দিলে কেন?’ মনে করিয়ে দিল রবিন। ‘তাকে মেরে বেইশ করে ফেলে রেখে গেল। তুমি গিয়ে ভূত দেখলে গির্জায়, অটো পড়লে।’

‘একটা ঘটনার সঙ্গে আরেকটা ঠিক মেলে না!’ আপনমনেই বলল গেয়েন্না প্রধান। ‘কিন্তু, আমার ধারণা, প্রতিটি ঘটনার সঙ্গে কোথাও একটা হস্তপদ

যোগসূত্র রয়েছে। একটা জিনিস বোৰা যাচ্ছে। ঘটনার কেন্দ্ৰস্থল এই বাড়িটা। যা-ই ঘটছে, এর ভেতৱে, কিংবা আশেপাশে, কাছাকাছি।'

'হ্যাঁ,' সায় দিল মুসা। 'আৱ ঘটছে, টমি গিলবার্ট যখন বাড়ি থাকছে তখন। ও কাজে চলে গেলে আৱ কিষ্টু ঘটে না।'

ঝট কৱে মাথা তুলেন অলিভার। দ্রুত একবাৰ চোখ বুলিয়ে নিলেন পুৱো ঘৰে। চাপা গলায় বললেন, 'আস্তে! কে জানে, এ মুহূৰ্তে হয়ত এ-ঘৰেই রয়েছে সে ছায়া হয়ে। আমাদেৱ কথা শুনছে!'

উঠে পড়ল রবিন। সব কটা আলো জ্বলে প্ৰতিটি কামৰা ভাল কৱে দেখে এল। না, কোথাও ছায়াটা চোখে পড়ল না; কিন্তু তবু নিশ্চিন্ত হতে পাৱেলেন না অলিভার। শক্ত গেল না চেহারা থেকে। উঠে গিয়ে এঁটো বাসন-পেয়ালা ধোয়ায় মন দিলেন। টেলিভিশনেৱ সামনে বসে রাইল তিন গোয়েন্দা।

পৱেৱ কয়েকটা ঘন্টা কিছুই ঘটল না। চতুৰে কেউই বেৱোল না, মিসেস ডেনভাৰ ছাড়া। ময়লা ফেলাৰ জন্য বেৱিয়েছিল। ডাক্ষিণে ফেলে দিয়েই আবাৱ গিয়ে ঘৰে চুক্তেছে। বিৱৰণ হয়ে উঠেছে ছেলেৱা, চোখে ঘূম।

'দেখ!' হঠাৎ শিড়দাঁড়া খাড়া হয়ে গেল কিশোৱেৱ।

পৰ্দায় দেখা গেল, ঘৰ থেকে বেৱিয়ে আসছে টমি। পুলেৱ কিনারে এসে দাঁড়াল। চেয়ে আছে পানিৰ দিকে। ঘূম চলে গেল মুসা আৱ বিবনেৱ চোখ থেকেও।

জ্যাকবসেৱ ঘৰেৱ দৱজা খুলে গেল এই সময়। বেৱিয়ে এল সে। ঠোঁটে সিগারেট, হাতে অ্যাশটে। কাছে এসে মাথাটা সামান্য একটু নোয়াল টমিৰ দিকে চেয়ে। একটা টেবিলে অ্যাশটে রেখে তাতে সিগারেট চেপে নেবাল। গেট দিয়ে বেৱিয়ে গেল। কয়েক মুহূৰ্ত পৱেই গাড়িৰ ইঞ্জিনেৱ শব্দ শোনা গেল। মুসা গিয়ে দাঁড়াল একটা জানালার কাছে, রাস্তাৰ দিকে তাকাল।

'কোথাও যাচ্ছে সে,' জানালার কাছ থেকেই বলল মুসা। 'খুব জোৱে চালাচ্ছে।'

'হয়ত হাওয়া থেকে যাচ্ছে,' বললেন অলিভার। 'ঘূম আসছে না হয়ত। অস্থি বোধ কৱছে। হাসপাতাল থেকে ফিৱে অনেকেৱই এমন হয়।'

ঘৰে ফিৱে গেল টমি। পৰ্দা টেনে দিল জানালার।

'খাইছে!' আবাৱ টেলিভিশনেৱ সামনে এসে বসেছে মুসা। 'ব্যাটা কি কৱছে, দেখতে পাৰ না আৱ!'

'কাপড় পৱছে হয়ত,' বলল কিশোৱ। 'কাজে যাবাৱ জন্যে তৈৱি হচ্ছে। মাৰৱাত থেকে তাৱ ডিউটি।'

ঠিক এই সময় নিবে গেল চতুৰেৱ আলো। সেই সঙ্গে নিবে গেল টেলিভিশনেৱ পৰ্দাৰ আলো। হালকা ধূসৱ-নীল একটা উজ্জ্বলতা রয়েছে শুধু টমিৰ

চৰলার আলো কোনাকুনিভাৰে পড়েছে ক্যামেৰাৰ চোখে ।

‘আৱও ভাল হয়েছে !’ চেঁচিয়ে উঠল মুসা । ‘এবাৰ আৱ কিছুই দেখতে পাৰন !’

‘অটোমেটিক টাইমাৰ লাগানো আছে চতুৱেৰ লাইটিং সিস্টেমেৰ সঙ্গে,’
বললেন অলিভাৰ । ‘ঠিক এগারোটায় অফ হয়ে যায় বাতি ।’

‘আমাদেৱও টেলিভিশন অফ কৰে দিতে হচ্ছে,’ উঠে গিয়ে সুইচ টিপে
সেটটা বক্ষ কৰে দিল কিশোৰ ।

‘হ্যাঁ, আৱ দৱকাৰ কি ওটাৱ ?’ বলল মুসা । ‘তবে, টমি ব্যাটা কোথায় যাচ্ছে,
দৰখ দৱকাৰ । তোমৰা বস । আমি ব্যালকনিতে যাচ্ছি । অঙ্ককাৰে ও আমাকে
দেখতে পাৰে বলে মনে হয় না । তেমন বুৰালে নেমে গিয়ে ফুল ঝাড়োৱাৰে আড়ালে
কুকুয়ে থেকে দেখব ।’

‘খৰদাৰ, বেল-টেল বাজাৰে না !’ ছঁশিয়াৰ কৰে দিল কিশোৰ । ‘আস্তে কৰে
টেকা দেবে দৱজায় । আমৰা বেৱোৰ ।’

‘ঠিক আছে,’ উঠে গিয়ে ক্লি-জ্যাকেটটা তুলে নিল মুসা । গায়ে চড়াল । সুইচ
টিপে বসাৰ ঘৰেৱ আলো নিবিয়ে দিল রবিন । মুহূৰ্তে দৱজা খুলে ব্যালকনিতে
বেৱিয়ে এল মুসা । পেছনে আবাৰ বক্ষ হয়ে গেল দৱজা । তবে এবাৰ তালা
লাগানো হল না ভেতৰ থেকে ।

এক মুহূৰ্ত থমকে দাঁড়িয়ে রইল মুসা । জানে, দৱজাৰ ওপাশে তাৰ জন্যে
অধিৰ আঁগহে অপেক্ষা কৰছে কিশোৰ আৱ রবিন । সে ইঙ্গিত দেয়ামাত্ৰ ছুটে
বেৱোৰে ওৱা ।

আৱও খানিকক্ষণ জুলল টমিৰ ঘৰেৱ আলো, তাৰপৰ নিবে গেল । অপেক্ষা
কৰে রইল মুসা । যে-কোন মুহূৰ্তে বেৱিয়ে আসতে পাৰে টমি । সময় যাচ্ছে ; কিন্তু
বেৱাল না সে । রাস্তাৰ ল্যাঙ্কপোষ্টেৰ আলোৰ একটা রঞ্চি এসে পড়েছে পলেৱ
পৰ্মিতে, অঙ্ককাৰ গাঢ় হতে পাৱছে না ওই জ্যায়গাটুকুতে । ওই আলোৰ জন্যেই
চৰহাত্তাৰে চোখে পড়েছে টমিৰ ঘৰেৱ বারান্দা । মুসাৰ চোখ এড়িয়ে দৱজা দিয়ে
বেৱতে পাৱবে না সে ।

সময় যাচ্ছে । মাঝৰাত পেৱোল । শোনা গেল গাড়িৰ ইঞ্জিনেৰ শব্দ । খানিক
প্ৰহৃষ্ট গেটে দেখা গেল একটা লোককে । সতৰ্ক হয়ে উঠল মুসা । পৰক্ষণেই চিলা
প্ৰহৃষ্ট গেল আবাৰ সতৰ্কতায় । পুলেৱ টেবিলেৰ দিকে এগিয়ে যাচ্ছে মুটিটা ।
ক্লিন জ্যাকবস । অ্যাশট্ৰেটা তুলে নিয়ে নিজেৰ ঘৰে গিয়ে চুকল । পৰক্ষণেই
চৰহু জুলল তাৰ পৰ্দা ঢাকা জানালায় ।

চোখ মিটাইট কৱল মুসা । মাৰ কয়েকটা সেকেও জ্যাকবসেৰ ওপৰ চোখ
চৰহু দৃষ্টি সৱে গিয়েছিল বারান্দাৰ ওপৰ থেকে । ঠিক ওই সময়ে বেৱিয়ে এসেছে
চৰহু জ্যাকবসেৰ ঘৰেৱ আবছা আলো পড়েছে তাৰ ওপৰ । ঘৰমোনৰ পোশাক

পরনে। পুলের ধার ধরে নিঃশব্দে এগোছে জ্যাকবসের ঘরের দিকে। হঠাৎ...

আবার চোখ মিটাইট করল মুসা। দু'হাতে রগড়াল। স্বপ্ন দেখছে না তো! টমি নেই! হঠাৎ উধাও হয়ে গেছে!

দ্রুত দরজায় টোকা দিল মুসা। পরক্ষণেই সিডি বেয়ে নামতে শুরু করল। দ্রুত চতুর পেরিয়ে গিয়ে টমির দরজা আগলে দাঁড়াবে। কোন পথে ঘরে ঢোকে টমি, দেখবে!

ছুটছে মুসা। পুলের ধারে পৌছতেই পায়ের তলায় পড়ল কি যেন! নরম, জ্যাত! তীক্ষ্ণ আর্তনাদ শোনা গেল!

আতকে উঠে লাফিয়ে একপাশে সরে গেল মুসা। সে পা তুলতে না তুলতেই ওটা ও লাফ দিয়েছে। পড়ল গিরে তার আরেক পায়ের তলায়। আরও জোরে আর্তনাদ করে উঠল। চেঁচিয়ে উঠে আবার সামনে লাফ দিল মুসা। মাটিতে পাঠেকল না। টের পাছে, প্যান্টের ঝুল আঁকড়ে ধরে ঝুলছে কিছু একটা। আঁচড় লাগছে পায়ের চামড়ায়। ঝপাং করে পড়ল গিয়ে সে পানিতে।

ঝট করে খুলে গেল এন্ডুর ঘরের দরজা।

দপ করে আবার জুলে উঠল চতুরের আলো।

পুলের ধার থামচে ধরে নিজেকে টেনে তোলার চেষ্টা করছে মুসা। শব্দ তুলে মুখ থেকে ফেলছে ক্লোরিন মেশানো পানি।

তার কাহিকাছিই পুলের ধার ধরে সাঁতরাছে আরেকটা জীব। নিচু হয়ে ঘাড়ের চামড়া ধরে ওটাকে তুলে নিল এন্ডু। কালো একটা বেড়াল।

‘তুমি...ভূমি একটা অমানুষ!’ মুসার দিকে চেয়ে ধমকে উঠল বেড়াল-মানব।

হাঁচড়ে-পাঁচড়ে কোনমতে ডাঙায় উঠে এল মুসা। ভেজা শরীরে সুচ ফোটাছে যেন কনকনে ঠাণ্ডা।

‘মিষ্টার অলিভার!’ নাকা তীক্ষ্ণ গলা। চেঁচিয়ে ডাকাডাকি করছে মিসেস ডেনভার। গায়ে কম্বল জড়ানো। এলোমেলো চুল। ‘মিষ্টার অলিভার, ছেলেগুলোকে আটকে তোলা দিয়ে রাখলেন না কেন? লোকের ঘূম নষ্ট করছে!’ এমনভাবে বলল মহিলা, যেন সে-ই এই বাড়ির মালিক।

অলিভারের সাড়া নেই। সিডি বেয়ে নেমে এসেছে কিশোর।

হঠাৎ আবার উদয় হয়েছে টমি তার ঘরের দরজায়।

‘আমার...আমার ঘূম আসছিল না,’ বিড়বিড় করে বলল মুসা।

জ্যাকবসের দরজাও খুলে গেছে। খোন থেকেই চেঁচিয়ে জানতে চাইল সে, ‘আবার কি হল?’

‘আমার বেড়ালটাকে মেরে ফেলতে চেয়েছিল হোড়াটা!’ রাগ এখনও পড়েনি বেড়াল-মানবের। ভেজা চুপচুপে জানোয়ারটাকে কোলে তুলে নিয়েছে, হাত বেলাছে গায়ে। ‘আর ভয় নেই, খোকা,’ মোলায়েম গলাখন বলল এন্ডু। ‘চুল, গা

মুছিয়ে দিচ্ছি। মুলার ধারে বসলেই গা গরম হয়ে যাবে আবার। বাজে ছেলেদের ব্যবহারই ওরকথ, মন খারাপ কোরো না।'

'আর যেন তোমাকে এসব করতে না দেখি!' মুসাকে হঁশিয়ার করল মিসেস ডেনভার।

'না, ম্যাডাম, করব না,' তাড়াতাড়ি বলল গোয়েন্দা সহকারী।

অদ্ভুত মুখভঙ্গি করে ঝটকা দিয়ে ঘুরে দাঁড়াল মিসেস ডেনভার। গটমট করে হেঁটে গিয়ে ঢুকল তার ঘরে।

'আজও ছুটি।' টমির দিকে চেয়ে আছে কিশোর।

মাথা ঝোকাল টমি।

'কেমন কাটিছে ছুটি? ভাল?'

'না...হ্যাঁ...ঠিক তা না!...কি যেন...'

'কি?'

'না, কিছু না,' চেখ রংগড়াচ্ছে টমি। 'মনে হব স্থপ্তি দেখছিলাম!...চলি...'

দ্রুত ফিরে গিয়ে ঘরে ঢুকে পড়ল টমি।

অলিভিয়ারের ঘরে এসে ঢুকল মুসা, পেছনে কিশোর। বড় একটা তোয়ালে নিয়ে অপেক্ষা করছেন অলিভিয়ার। বাথরুমে গরম পানির শাওয়ার ছেড়ে দিয়েছে রবিন।

'টমি কোথেকে উদয় হল?' কিশোরের দিকে চেয়ে জ্যাকেট খুলছে মুসা। 'পুলের ধার ধরে জ্যাকবসের ঘরের দিকে যেতে দেখলাম: হঠাতে গায়ের হয়ে গেল সে! ওকে খুঁজতে গিয়েই এই বিপত্তি।'

'ওর ঘর থেকেই তো বেরোতে দেখলাম,' বলল কিশোর। 'তুমি তখন পানিতে।'

'অসম্ভব!' জ্যাকেটের চেনে আঙুল থেমে গেছে মুসার। 'আমি যখন পুলে পড়েছি, টমি তার ঘরে ছিল না। নিজের চোখে দেখেছি, জ্যাকবসের ঘরের দিকে এগোচ্ছে। খানিকটা এগিয়েই হঠাতে গায়ের হয়ে গেল সে। কেন্দ্ৰ দিকে গেল, দেখিনি। তবে নিজের ঘরে যায়নি, আমি শিখিৰ।'

বারো

বাকি রাতটা ব্যালকনিতে বসে পালা করে পাহারা দিয়ে কাটাল রবিন আর কিশোর। অঙ্কুরার চতুর। আলো নিবিয়ে দিয়েছে আবার মিসেস ডেনভার। চতুরের বাতির মেইন সুইচ তার ঘরে। নির্দিষ্ট সময়ে অটোমেটিক কাজ করে লাইটিং সিস্টেম, তবে দুরকার পড়লে যে-কোন সময় ওই সুইচ টিপে আলো ঝালানো-নেবানো যায়।

ভোর চারটা অবধি নির্জন, শূন্য রাইল চতুর। তারপরই বেরিয়ে এল মিসেস ডেনভার। পরনে টুইডের ভারি কোট। তাকে দেখেই ভেতরে চুকে গেল কিশোর।

সারাটা রাত বসার ঘরে সোফায় বসে থেকেছেন মিস্টার অলিভার। ঘুমোতে যাননি। ওখানেই বসে বসে চুলেছেন।

‘মিসেস ডেনভার বাইরে যাচ্ছে,’ বলল কিশোর।

‘এতে অবাক হবার কিছু নেই,’ শাস্ত রয়েছেন অলিভার।

‘এই ভোর রাতে!’

হাই তুললেন অলিভার। ‘চরিশ ঘন্টাই বাজার খোলা থাকে, জানই। হঞ্চায় একবার বাজার করে ডেনভার, বিশুদ্ধ বারে। ভোর চারটের সময় বেরোয়।’

অলিভারের দিকে চেয়ে আছে কিশোর।

‘তার বক্তব্য, এই সময় বাজারে তিড় থাকে না,’ বললেন অলিভার। ‘কেনাকাটা করতে সুবিধে। আমার ধারণা অন্য। এ-সময়ে ভাড়াটেরা সব ঘুমিয়ে থাকে। বুড়িটারও দেখার কিছু নেই। জ্যাকবস অফিসে যায় ভোর পাঁচটায়। এক ঘন্টা সময় হাতে থাকছে ডেনভারে। বাজার সেরে ফিরে আসতে পারে সে নিশ্চিত।’

কথবার্তায় তন্ত্র থেকে জেগে উঠেছে রবিন আর মুসা।

‘তার মানে,’ বলল মুসা, ‘আপনি বলতে চাইছেন, লোকে কে কি করছে না করছে, দেখার জন্যে বাড়ি থেকেই বেরোয় না মিসেস ডেনভার? ভাড়াটেরা সব না ঘুমোলে বাজারেও যায় না?’

‘তাই,’ মাথা ঝোকালেন অলিভার। ‘আশ্র্য এক চরিত্র! জাল ছেড়ে যেমন মাকড়সা কোথাও যায় না, ওই বুড়িটাও তেমনি। এই বাড়ি ছেড়ে নড়তেই চায় না। খালি লোকের ওপর চোখ। যেন এসব দেখার জন্যেই বেঁচে আছে সে।’

উঠে গিয়ে রাস্তার দিকের জানালার সামনে দাঁড়াল রবিন। টেনে পর্দা সরিয়ে দিল। গাড়ির ইঞ্জিনের শব্দ কানে আসছে। ধূসর সিডান গাড়িটাকে দেখতে পেল সে।

‘আশ্র্য! হঙ্গায় মাত্র একবার গাড়িটা চালায়! জানালার কাছ থেকেই বলল রবিন। ‘ব্যাটারি ডাউন হয়ে যায় না?’

‘প্রায়ই দেখি গ্যারেজে খবর দেয়,’ বললেন অলিভার। ‘মেকানিকস আসে।’

এগিয়ে যাচ্ছে গাড়ি। সামনেই মোড়। ঠিক এই সময় দুম্প করে শব্দ হল। শোনা গলে তীক্ষ্ণ চিৎকার।

লাফ দিয়ে সোফা থেকে উঠে দাঁড়ালেন অলিভার।

কিশোর আগেই উঠে পড়েছে। ছুটে যাচ্ছে জানালার দিকে।

পাগলের মত ডানে-বাঁয়ে কাটছে সিডানের নাক। ছড়ের নিচ থেকে ধোঁয়া বেরোচ্ছে।

আবার চেঁচিয়ে উঠল মিসেস ডেনভার। পুরোপুরি নিয়ন্ত্রণ হারিয়েছে গাড়ি, দেখেই বোকা যাচ্ছে। সামনের এক পাশ দিয়ে শুটো মারল রাস্তার পাশের দেয়ালে। ঘষে এগোল। বাস্পারের ধাক্কা লাগাল মোটা একটা পানির পাইপে। ভেঁতা শব্দ তুলে মাটির কয়েক ইঞ্চির ওপর থেকে ছিঁড়ে গেল পাইপ। ওটার ওপরে এসে গাড়ি থামল। চারপাশ থেকে ফোয়ারার মত ছিটকে বেরোচ্ছে পানি। আবার শনা গেল মিসেস ডেনভারের চিংকার।

‘দমকল ডাকতে হবে!’ ফোন করতে ছুটল মুসা।

দরজার দিকে ছুট লাগিয়েছে রবিন। ‘অ্যাগে বের করে আনা দরকার হিলাকে!’

কিশোরও ছুটল রবিনের পেছনে।

হড়মুড় করে চতুরে নেমে এল দু'জনে। বেরিয়ে এসেছে জ্যাকবস, গায়ে ঘুমানর পোশাক। টমি গিলবার্টও বেরিয়েছে। পাজামা পরনে, গায়ে তাড়াছড়ো করে একটা কোট মাপিয়েছে। গেটের দিকে ছুটেছে।

সবার আগে ছুটছে জ্যাকবস। ‘মিসেস ডেনভার!’ চেঁচিয়ে উঠল সে সিডান-টাকে দেখেই।

টমির পাশ কাটিয়ে এল ছেলেরা, জ্যাকবসকে পেছনে ফেলে এল। ছুটে এসে দাঢ়াল গাড়িটার পাশে। বরফ-শীতল পানি ডিজিয়ে দিচ্ছে সারা শরীর, প্রাহ্যই করছে না।

চিয়ারিঙ্গের পেছনে অঙ্গুত ভঙিতে বসে চোচ্ছে মিসেস ডেনভার। তার এ চিংকার যেন বন্ধ হবে না আর কোনদিন।

‘মিসেস ডেনভার!’ হাতল ধরে হ্যাচকা টান লাগাল কিশোর। খুলুল না দরজা। বোধহয় তালা আটকানো।

কিশোরের পাশে এসে দাঁড়িয়েছে জ্যাকবস। জানলায় থাবা দিচ্ছে জোরে জোরে।

খুব ধীরে ধীরে মুখ ফেরাল মিসেস ডেনভার। শূন্য দৃষ্টি। চেচানো থামেনি।

‘দরজা খুলুন!’ চেঁচিয়ে উঠল জ্যাকবস। ‘তালা লাগিয়েছেন কেন?’

হঠাৎ যেন বাস্তবে ফিরে এল মিসেস ডেনভার। থাবা মারল লক-বাটনের স্লিক। এক সেকেও পরেই হাতল ধরে হ্যাচকা টানে দরজা খুলে ফেলল জ্যাকবস। টানে হিঁড়ে মহিলাকে বের করে আনতে লাগল, রবিন সাহায্য করল তাকে।

সাইরেনের শব্দ কানে এল। কয়েক মুহূর্ত পরেই মোড়ের কাছে দেখা গেল মহার বিগেডের ইমার্জেন্সী ট্যাক। কাছে এসে টায়ারের তীব্র কর্কশ আর্টিলারি হুলে থেমে গেল গাড়ি। লাফিয়ে নেমে এল একদল কালো রেনকোট পরা লোক। এক পলক দেখেই পুরো অবস্থাটা যাচাই করে নিল তাদের অফিসার। চেঁচিয়ে অনুশ দিল।

আবার চলতে শুরু করল ট্রাক। গিয়ে থামল মোড়ের কাছে। কয়েক মুহূর্ত
পরেই বন্ধ হয়ে গেল পানির ফোঁসা।

মিসেস ডেনভারকে ঘিরে দাঁড়িয়েছে কিশোর, রবিন, জ্যাকবস আর ট্রিম।
স্তুক হয়ে গেছে অহিলা। প্রচণ্ড শক খেয়েছে।

‘পানি বন্ধ করলেন কি করে?’ একজন ফায়ারম্যানের দিকে চেয়ে প্রশ্ন করল
জ্যাকবস।

‘মোড়ের কাছে ঘাসের ভালভ আছে একটা,’ জানাল ফায়ারম্যান। মিসেস
ডেনভারের দিকে তাকাল। ‘কোথায় চলেছিলেন?’

জবাব দিল না মিসেস ডেনভার।

‘ঘরে নিয়ে যাওয়া দরকার,’ বলল জ্যাকবস। ‘ঠাণ্ডা লেগে যাবে।
মিউনিসিপাল বাধিয়ে বসলেও অব্বাক হব না।’

দুর্দিক থেকে ধরে প্রায় শূন্যে তুলে মিসেস ডেনভারকে তার ফ্ল্যাটে নিয়ে
এল কিশোর আর রবিন। গাড়িতে পরে থাকা হ্যাওয়াগ খুলে ঘরের ঢাবি নিয়ে
এসেছে জ্যাকবস। সঙ্গে এসেছে একজন ফায়ারম্যান। একজন পুলিশ অফিসারও
এসে ছাজির হয়েছে পেছন পেছন।

‘কী হয়েছিল?’ জানতে চাইল অফিসার।

বসার ঘরে দাঁড়িয়ে কাপড়ে মিসেস ডেনভার। ‘কেউ গুলি করেছিল আমাকে।’
চাপা গলা। ছোট বড়লাই না যেন কথ বলার সময়।

‘তেজা কাপড় খুলে ফেলুন জলনি,’ শান্ত কর্তৃ বলল অফিসার। ‘তারপর, ভাল
বোধ করলে, কয়েকটা প্রশ্নের জবাব দেবেন।’

মাথা ঝোকাল মিসেস ডেনভার। টলমল করে হেঁটে গিয়ে চুকল শোবার ঘরে।
তারও দাঁতে দাঁতে বাতি লাগছে, এতক্ষণে বেহাল করল যেন কিশোর।
‘আমারও কাপড় বদলানো দরকার।’

‘কিছু দেখেছিলে?’ জিজ্ঞেস করল পুলিশ অফিসার।

‘আমি দেখেছি,’ বলে উঠল রবিন। দাঁতে দাঁতি খাক্ষে তাবও। ‘গাড়িটা
এগিয়ে যাইল। হঠাৎ একটা শব্দ...’

‘যাও,’ রবিন আর কিশোরকে ইলল অফিসার। ‘আগে কাপড় বদলে এস।
তারপর শুনো।’

বেরিয়ে এল দুই গোয়েন্দা। কাপতে কাপতে এসে চুকল অলিভারের বসার
ঘরে। জানালার কাছে দাঁড়িয়ে রান্তার দিকে চেয়ে আছেন অলিভার আর মুসা।
দরজা খোলার শব্দে ফিরে তাকাল দু’জনেই।

‘বুড়িটার কি অবস্থা?’ জানতে চাইলেন অলিভার।

‘ভালই,’ বলল কিশোর। ‘ঠাণ্ডা কাপড়ে, আর কিছু না।’

‘হঁ,’ আবার রান্তার দিকে ফিরলেন অলিভার।

তাড়াতাড়ি ভেজা কাপড় ছেড়ে শুকনো কাপড় পরে নিল রবিন আর কিশোর।
বেরিয়ে এল ঘর থেকে। আবার এসে টুকল মিসেস ডেনভারের ঘরে। পুলিশ
অফিসার নেই, ঘটনাস্থলে চলে গেছে।

বেরিয়ে এল দুই গোয়েন্দা। দুর্ঘটনাস্থলে চলল।

ফায়ারবিগেডের আরও একটি ট্রাক আর দুটো পুলিশের গাড়ি এসে হাজির
হয়েছে। সাদা পোশাক পরা পুলিশের গোয়েন্দাও এসেছে একজন। তার সঙ্গে কথা
বলছে পুলিশ অফিসার।

দুই গোয়েন্দাকে দেখেই এগিয়ে এল অফিসার।

যা যা দেখেছে, শুনেছে, পুলিশকে জানাল কিশোর আর রবিন।

‘কেউ মহিলাকে শুলি করে থাকলে, মিস করেছে,’ বলল সাদা-পোশাক পরা
গোয়েন্দা।

‘ঠিক শুলির শব্দ না,’ বলল কিশোর। ‘বোমা বিক্ষেপণের আওয়াজ।’

গাড়িটা পরীক্ষা করছিল দু’জন পুলিশ। এগিয়ে এল ওরা। ‘শুলির ছিদ্র নেই।’

পানিল পাইপের ওপর থেকে গাড়ি সরানৱ কাজে লাগল দমকলবাহিনী।
সিডানের বাস্পারে শিকল বেঁধে, শিকলের অন্য মাথা আটকাল ট্রাকের পেছনের
হুকে। টান দিল। সরে এল সিডান।

অন্য ট্রাকের হেডলাইটের আলো পড়েছে সিডানটা এতক্ষণ যেখানে
দাঁড়িয়েছিল, সেখানে। মাটিতে পড়ে থাকা লালচেমত এক টুকরো কাগজ দৃষ্টি
আকর্ষণ করল কিশোরের। এগিয়ে গিয়ে নিচু হয়ে তুলে নিল ওটা। দেখল
‘ধোঁয়ার কালি মনে হচ্ছে!’

‘কি?’ ফিরে তাকাল গোয়েন্দা।

‘ধোঁয়ার কালি,’ আবার বলল কিশোর। ‘শব্দটা হ্বার পর গাড়ির ছাঁড়ের তলা
থেকে কালো ধোঁয়া বেরোচ্ছিল।’

দ্রুতপায়ে সিডানের কাছে এগিয়ে গেল গোয়েন্দা। বনেট তুলে ফেলল। তার
পাশে দাঁড়িয়ে ভেতরে উচ্চের আলো ফেলল পুলিশ অফিসার। কিশোরও এসে
দাঁড়াল পাশে।

ইঞ্জিন-বুকের ওপর পড়ে আছে কয়েক টুকরো লালচে কাগজ, আর পোড়া-
আধপোড়া কিছু তুলো। পুড়ে গেছে রিডিয়েটের হোস, ফ্যানের বেল্ট ছেঁড়া।

‘না, শুলি করেনি,’ মাথা নাড়াল সাদা-পোশাক পরা গোয়েন্দা। ‘বিক্ষেপণ।
বোমা ফাটানো হয়েছে।’

ঘটাএ করে বনেটটা আবার নামিয়ে রাখল গোয়েন্দা। ‘নিয়ে যাও!’ ট্রাকের
ড্রাইভারের দিকে চেয়ে বলল। ‘পুলিশ গ্যারেজে নিয়ে রাখবে।’

জ্যাকবস এসে হাজির হয়েছে আবার। কিশোরের প্রায় ঘাড়ের ওপর হুমড়ি
থেঁয়ে আছে টমি গিলবার্ট। বেড়াল-মানব এনজুও এসে হাজির হয়েছে, পরনে
ছায়াশাপদ

পাজামা, গায়ে একটা কম্বল জড়ানো।

‘ওকে কেউ খুন করতে চেয়েছিল!’ বলে উঠল এন্ডু।

ঘুরে চাইল গোয়েন্দা। ‘কোন শক্তি ছিল মহিলার?’

‘ছিল মানে?’ জবাবটা দিল জ্যাকবস। ‘পুরো এক বাড়ি ভর্তি শক্তি। তবে ওদের কেউ বোমা মেরে মারতে চায় ওকে, মনে হয় না? এত শক্তি নেই।’

‘আপনি?’ জিজ্ঞেস করল গোয়েন্দা।

‘আমার নাম ফ্র্যাঙ্কলিন জ্যাকবস,’ হাই তুলল স্টকব্রোকার। ‘মিষ্টার অলিভারের বাড়িতে ভাড়া থাকি।’

‘আপনি কিছু দেখেছেন?’

‘না। বিক্ষেপণের শব্দে ঘূম ভেঙে গেল। বেরিয়ে এসে দেখি, গাড়িটা দাঁড়িয়ে আছে দেয়াল ঘেষে। পাইপ ছেঁড়া, ফোয়ারার মত পানি ছিটকে বেরোচ্ছে। এই ছেলেগুলোর সাহায্যে মহিলাকে গাড়ির ভেতর থেকে টেনে বের করলাম,’ আবার হাই তুলল জ্যাকবস। ‘রাতে ভাল ঘূম হয়নি।...যাই, ঘুমোইগে।...যদি আপনার কিছু জিজ্ঞেস করার থাকে, দুপুরে আসবেন। তার আগে আর ঘূম থেকে উঠছি না আমি।’ হাই তুলতে তুলতে চলে গেল সে।

চিত্তিত ভঙ্গিতে জ্যাকবসের গমন পথের দিকে তাকাল পুলিশ অফিসার। তারপর তাকাল অলিভারের বাড়িটার দিকে। বিড়বিড় করল, ‘আচ্ছ? গত দুদিনে জায়গাটাতে কয়েকটা অঘটন ঘটল পর পর! মাথামুও কিছুই বোঝা যাচ্ছে না!’

পুরের আকাশে ধূসর আলো। সৃষ্টি ওঠার দোরি নেই।

‘চল, আমরাও যাই,’ রবিনের দিকে চেয়ে বলল কিশোর। ‘ঘূম পেয়েছে।’

‘চল,’ বড় করে হাই তুলল রবিন।

তেরো

রাতে ঘূম হয়নি, তাছাড়া প্রচণ্ড উত্তেজনা গেছে। হাত-পা অবশ হয়ে আসতে চাইছে অলিভারের। বিছানায় গিয়ে শুয়ে পড়লেন তিনি। তিন গোয়েন্দা ও ঘুমোতে গেল।

‘অনেক বেলায় উঠলেন অলিভার। নাশতা তৈরি করে ডাকলেন ছেলেদের।

নাশতা শেষ হল। বর্সার ঘরে চলে এল সবাই। টেলিভিশন অন করে দিল কিশোর। খালি চতুর। পুরো বাড়িটা নীরব।

‘ব্যাংকে যেতে হবে আমাকে,’ বললেন অলিভার। ‘দশ হাজার ডলার তুলব। ছোট ছেট নোটে। তোমরা কেউ যাবে আমার সঙ্গে? এস না? খুশ হব।’

‘নিশ্চয় যাব,’ বলল কিশোর। তবে, কি করতে যাচ্ছেন, পুলিশকে জানিয়ে

রাখলে ভাল হত না?’

‘না। ঝুঁকি কিছুতেই নেব না আমি। বিপদ দেখলে হাউটা ধ্রংসই করে ফেলতে পারে চোর। ওর নির্দেশ মানতেই হচ্ছে আমাকে।’

জানালার কাছে গিয়ে দাঁড়াল কিশোর, গাড়ির ইঞ্জিনের শব্দ শুনেছে। রাস্তায় দাঁড়িয়ে আছে ট্যাক্সি। বড় একটা সুটকেস এনে গাড়িতে তুলল ড্রাইভার। পেছনেই এল মিসেস ডেনভার।

‘আপনার ম্যানেজার চলে যাচ্ছে,’ চোখ না ফিরিয়েই বলল কিশোর।

‘সাত্তা মনিকায় বুড়িটার এক বোন থাকে,’ বলল অলিভার। ‘অসুস্থ হলে, কিংবা কোনোকম বিপদে পড়লে, ওখানেই পিয়ে ওঠে।’

চলতে শুরু করল ট্যাক্সি। দ্রুত এগিয়ে যাচ্ছে মোড়ের দিকে।

‘ভাল বিপদে পড়েছে এবার,’ টিপ্পনী কাটল মুসা। ‘খালি ছোঁক ছোঁক করে লোকের পেছনে। এইবার দিয়েছে টাইট...’

‘কাচ ভাঙ্গার প্রচণ্ড শব্দে থেমে গেল মুসা।

‘আগুন! আগুন!’ চেঁচিয়ে উঠল কেউ। ‘আগুন লেগেছে!’

চোখের পলকে দরজার কাছে ছুটে গেল চারজনে। দরজা খুলে বেরিয়ে এল ব্যালকনিতে।

চতুরের এক পাশে ধোয়া। জ্যাকবসের ঘরের জানালা দিয়ে বেরোচ্ছে। একটা লোহার চেয়ার তুলে নিয়ে দমাদম পিটিয়ে শার্সির কাচ ভাঙ্গে উঠি। পরনে ঘূমানর পোশাক। খালি পা। ঘাড়ের কাছের চুল খাড়া হয়ে গেছে।

‘মাই গড়! চেঁচিয়ে উঠলেন অলিভার। ছুটে আবার ঘরে গিয়ে ছুকলেন, ফায়ার ব্রিগেডকে ফোন করবেন।

রবিন আর কিশোর নড়ার আগেই সিঁড়ির মাঝামাঝি নেমে গেছে মুসা। লাফিয়ে এসে নামল চতুরে। পুলের ধার থেকে আরেকটা চেয়ার তুলে নিয়ে ছুটল।

ঝট করে, বেড়াল-মানবের ঘরের দরজা খুলে গেল। প্রায় ছিটকে বেরিয়ে এল এন্ডু।

‘মিস্টার জ্যাকবস! ভাঙ্গা জানালার সামনে দাঁড়িয়ে চেঁচিয়ে উঠল মুসা।

জবাব নেই।

তাড়াতাড়ি চৌকাঠে পড়ে থাকা কাঠের টুকরো সরিয়ে ফেলতে লাগল মুসা। পর্দায় আগুন ধরে গেছে। অনেকখানি পুড়ে গেছে ইতিমধ্যেই। থাবা দিয়ে নেবানর চেষ্টা করল পর্দার আগুন।

‘এই যে! চিৎকার শোনা গেল কিশোরের। পাশে কুলুঙ্গিতে ছকে বোলানো অগ্নি-নির্বাপক যন্ত্রটা দেখতে পেয়েছে। ছুটে গিয়ে ওটা খুলে নিয়ে এল সে।

তীক্ষ্ণ হিসহিস শব্দ উঠল। যন্ত্রের মুখ থেকে সাদা ফেনামত জিনিস ছুটে গিয়ে পড়তে থাকল জুলত পর্দায়। ছ্যাক্ক করে উঠল আগুনের শিখা, নিবে গেল।

চেয়ার দিয়ে বাড়ি মেরে জানালার পাল্টার ছিটকিনি ভেঙে ফেলল মুসা, ঘটকা দিয়ে দু'পাশে সরে গেল পাল্টানুটো। চৌকাঠে উঠে বসল টমি, তার পাশেই কিশোর। জানালার ঠিক নিচেই রয়েছে সোফা, জুলছে। পাসেই ক্রিসমাস গাছ, ওটাতেও আগুন ধরে গেছে প্রায় নির্বাপক ঘন্টের মুখ ঘোরাল কিশোর, একনাগাড়ে ফেনা নিষ্কেপ করে গেল আগুমের ওপর।

মুসা আর রবিনও উঠে বসেছে চৌকাঠে। ধোয়ার জন্য শ্বাস নিতে পারছে না ঠিকমত, চোখ জুলা করছে। চেঁচিয়ে ডাকা হল জ্যাকবসের নাম ধরে, কিন্তু কোন সাড়া এল না।

লাফিয়ে ঘরের মেঝেতে নেমে পড়ল কিশোর আর মুসা। খুঁকে চোখ বাঁচানর চেষ্টা করতে করতে এগোল ধোয়ার ভিতর দিয়ে।

বসার ঘর আর শোবার ঘরের দরজার মাঝামাঝি পাওয়া গেল জ্যাকবসকে। উপুড় হয়ে পড়ে আছে মেঝেতে।

'জলদি বের করে নিয়ে যেতে হবে ওকে!' ধোয়া ঢুকে যাছে নাক-মুখ দিয়ে, 'কেশে উঠল মুসা। নিচু হয়ে বাহু ধরে টেনে চিত করল জ্যাকবসকে। জোরে চড় লাগাল দুই গালে।'

নড়লও না জ্যাকবস।

'এখানে হবে না!' চেঁচিয়ে বলল কিশোর। 'বের করে নিয়ে যেতে হবে!'

দু'দিক থেকে দু'হাত ধরে টেনে-হিঁচড়ে জ্যাকবসকে নিয়ে চলল দু'জনে। ততক্ষণে নেমে পড়েছে রবিন আর টমি। একজন ছুটে গেল দরজা খুলতে, আরেকজন সাহায্য করতে এল মুসা আর কিশোরকে।

জ্যাকবসের পায়ের দিকে তুলে ধরল রবিন। তিনজনে মিলে বয়ে নিয়ে চলল দরজার দিকে।

কাশছে টমি। খুলে ফেলল দরজা।

দম বন্ধ হয়ে আসছে তিন গোয়েন্দার। ভারি দেহটাকে বয়ে নিয়ে কোনমতে এসে পৌছুল দরজায়। হাত লাগাল টমি। জ্যাকবসকে নিয়ে আসা হল পুলের ধারে। চিত করে শুইয়ে দেয়া হল। জ্যাকবসের মুখে এসে পড়ছে রোদ। ফেকাসে চেহারা, রক্ত নেই যেন মুখে।

'ঈশ্বর!' বিড়বিড় করলেন অলিভার।

স্থির দৃষ্টিতে জ্যাকবসের মুখের দিকে চেয়ে আছে এন্ড্রু। 'ও কি...ও কি...'

উবু হয়ে বসে লোকটার বুকে কান পেতেছে মুসা। সোজা হয়ে বলল, 'না, বেঁচেই আছে।'

পৌছে গেল দমকল-বাহিনী। অ্বিজেন আর অ্যামবুলেন্স নিয়ে এসেছে। এখনও ধোয়া বেরোচ্ছে জ্যাকবসের ঘর থেকে। সেদিকে ছুটে গেল কয়েকজন ফায়ারম্যান।

ছুটে এসে চতুরে চুকল দমকল বাহিনীর এক ক্যাপ্টেন। সোজা ছুটে গেল জ্যাকবসের ঘরের দিকে।

অঙ্গীজেন মাঝ নিয়ে দু'জন ফায়ারম্যান এসে বসল জ্যাকবসের দু'পাশে। নাকে মুখে চেপে ধরল মাঝ। ধীরে ধীরে চোখ মেলল স্টকত্রোকার। মিটমিট করল। ঘড়ঘড়ে আওয়াজ বেরোছে গলার তেতর থেকে। দুর্বল একটা হাত বাড়িয়ে ঠেলে মাঝটা নাকের ওপর থেকে সরিয়ে দিল সে।

‘তয় নেই, মিষ্টার,’ বলল একজন ফায়ারম্যান। ‘খানিকটা ধোয়া চুকে গিয়েছিল ফুসফুসে, আর কিছু না।’

উঠে বসার চেষ্টা করল জ্যাকবস।

‘না না, উঠবেন না,’ বাধা দিল আরেক ফায়ারম্যান। ‘ইমার্জেন্সীতে নিয়ে যাব আপনাকে।’

প্রতিবাদ করবে মনে হল, কিন্তু শেষে কি মনে করে করল না জ্যাকবস। শুয়ে পড়ল আবার পাথরের চতুরে।

জর্জ ট্রেচারটা নিয়ে এস, সঙ্গীকে বলল এক ফায়ারম্যান।

ট্রেচার এল। তাতে তুলে নেয়া হল জ্যাকবসকে। শান্ত রইল সে। কোনরকম বাধা দিল না। ধূসর একটা কশল দিয়ে ঢেকে দেয়া হল তার দেহ। ট্রেচার তুলে নিল দু'জন ফায়ারম্যান।

‘ওর সঙ্গে কারও যাওয়া দরকার,’ বলল এন্ড্রু।

‘আমার ভাগ্নে,’ দুর্বল গলায় বলল জ্যাকবস। ‘আমার ভাগ্নেকে একটা খবর দেবেন। ও শুনলেই চলে আসবে।’

অ্যামবুলেন্সে তোলা হল জ্যাকবসকে। সাইরেন বাজিয়ে চলে গেল গাড়ি।

জ্যাকবসের ঘরের দজায় এসে দাঁড়াল ক্যাপ্টেন। ‘সেই পুরানো কাহিনী।’ আধপোড়া একটা সিগারেটের টুকরো ধরে আছে দু'আঙুলে, দেখাল। ‘সিগারেট জ্বালিয়ে রেখেই ঘুমিয়ে পড়েছিল। কোনভাবে সোফায় পড়েছে টুকরোটা, আগুন ধরে গেছে পর্দায়...’

‘কপাল ভাল ওর,’ বলে উঠল টমি। এখনও খালি পায়েই রয়েছে। চেহারা ফেকাসে। ‘সময়মত দেখতে পেয়েছিলাম...’

‘হ্যাঁ, সত্যিই ভাল,’ যাথা বৌকাল ক্যাপ্টেন। ‘আরেকটু হলেই আগুন ধরে যেত ক্রিসমাস গাছটায়। সারা ঘরে ছড়িয়ে পড়ত আগুন।’

‘সিগারেট জ্বালিয়ে রেখে ঘুমিয়ে পড়েছিল?’ বিশ্বাস করতে পারছে না যেন কিশোর।

‘অনেকেই এ-কাণ করে, খোকা,’ বলল ক্যাপ্টেন। ‘এতে অবাক হওয়ার কিছু নেই।’

‘কিন্তু একটা গামলার সমান অ্যাশটে আছে ওর,’ ক্যাপ্টেনের কথা মানতে ফায়াশ্বাপন

পারছে না গোয়েন্দাপ্রধান। 'ওতে সিগারেট কেন, জুলস্ত কয়লার টুকরো রেখে দিলেও ভয় নেই। সিগারেটটা অ্যাশটের বাইরে পড়ল কি করে?'

'ঘূমের ঘোরে হয়ত অ্যাশটের ভেতরে রাখতে চেয়েছিল। ভেতরে না রেখে, বাইরেই ফেলেছে। ব্যস, ধরে-গেছে আগুন। এটা স্বাভাবিক।'

'হ্যা,' মাথা ঝোকাল রাবিন। 'খুব নাকি ঘূম পেয়েছিল তাঁর। সারারাত ঘূমাতে পারেননি। দুপুর পর্যন্ত টানা ঘূম দেবেন, বলেছেন সকালে। হয়ত এসে সোফাতেই শয়ে পড়েছিলেন, সিগারেট ধরিয়েছিলেন। তারপর আর চোখ খুলে রাখতে পারেননি।'

কিন্তু ওকে মাঝের দরজায় পেয়েছি, বেডরুমের দিকে মুখ। সোফায় ঘূমোলে, ঘূম থেকে উঠে বারান্দার দরজার দিকে না গিয়ে বেডরুমের দরজায় গেল কেন? বেরোন চেষ্টা না করে ঘরের আরও ভেতরে গেল কেন? ক্যাপ্টেনের দিকে তাকাল কিশোর। 'আপনার কি মনে হয়?'

হঠাতে ঘূম ভেঙে গিয়েছিল। ঘর ভর্তি ধোঁয়া, ধীধায় পড়ে গিয়েছিল বেচারা! জবাব দিল ক্যাপ্টেন। 'রওনা দিয়েছিল বেডরুমের দরজার দিকে।' এগোতে পারেনি বেশি দূর। ধোঁয়া কাহিল করে ফেলেছিল।'

'পোড়া সোফার অবশিষ্ট বয়ে এনে ধুপ করে বাইরে ফেলল দু'জন ফায়ারম্যান।

'যা নোংরা হয়েছে, পরিষ্কার করতে গেলে বোৰা যাবে,' বলে উঠল বেড়াল-মানব।

'মিসেস ডেনভার এ-অবস্থা দেখলে, তাকেও আবার হাসপাতালে পাঠানৰ দরকার হবে,' হাসল টমি। 'গেল কোথায় মহিলা? এত হৈ চৈয়েও দেখা নেই!'

'খানিক আগে ট্যাঙ্কিতে করে ছলে গেছে,' বললেন অলিভিয়া। 'যাবে আর কোথায়? বোনের ওখানে গেছে হয়ত।'

ক্যাপ্টেনের দিকে তাকাল কিশোর। 'মিষ্টার জ্যাকবসকে কোথায় নেবে?'

'সেন্ট্রাল হাসপাতালে। প্রাথমিক চিকিৎসা করলেই চলবে বুঝলে, তাই করে ছেড়ে দেবে ডাক্তারো।' অবস্থা খালাপ দেখলে ভর্তি করে নেবে।'

'সেন্ট্রাল হাসপাতাল!' চিন্তিত দেখাচ্ছে কিশোরকে। 'মিসেস ল্যাটিনিনাকেও ওখানেই নিয়ে যাওয়া হয়েছে। কিন্তু মিষ্টার জ্যাকবস...জ্যাকবসও ওখানে...'

'ওখানেই তো নেবে প্রথমে,' বাধা দিয়ে বলল ক্যাপ্টেন। 'ওটা ইমার্জেন্সী হাসপাতাল, সরকারী। রোগী পয়সা খরচ করতে রাজি থাকলে দেবে কোন প্রাইভেট ক্লিনিকে পাঠিয়ে।'

'আমি সে কথা বলছি না,' মাথা নাড়ল কিশোর। 'সিগারেটের ব্যাপারে, আগুনের ব্যাপারে এত সতর্ক লোকটা! সিগারেট খাবার সময় অ্যাশটে সঙ্গে রাখে! অথচ অসাবধানে সে-ই আগুন ধরিয়ে দিল ঘরে! নাহু, বোৰা যাচ্ছে না!'

চোদ্দ

‘জুনের আসর হয়েছে বাড়িটাতে!’ দমকলবাহিনী চলে যেতেই ঘোষণা করল এন্ডু। ‘প্রথমে লারিসা, তারপর মিসেস ডেনভার, এখন আবার জ্যাকবস!’

‘সব কিছুর মূলে ওই চুরি,’ বললেন অলিভার। আড়চোখে টমির দিকে তাকালেন। লাউঞ্জে একটা চেয়ার বের করে তাতে আধশোয়া হয়ে আছে। চোখ আধবোজা, বোধহয় রোদের দিকে সরাসরি চেয়ে আছে বলেই। ‘তিন রাত আগেও এসব কিছুই ঘটেনি। চোরটা গেল চতুর দিয়ে, শুরু হয়ে গেল যত গঞ্জগোল।’

মাথা ঝোকাল কিশোর। ‘এর একটাই মানে। ছায়াশ্বাপদটা রয়েছে…’

‘ছা-য়া-কি বললে?’ ভুরু কেঁচকালেন অলিভার।

‘ছায়াশ্বাপদ, হাউণ্টার নাম রেখেছি আমি। বাংলা শব্দ। ইংরেজিতে ইনভিজিবল ডগ বলতে পারেন। হ্যাঁ, যা বলছিলাম। এ-বাড়ির সীমানার মধ্যেই কোথাও রয়েছে ছায়াশ্বাপদ। আর চোর-ও নিচয় এ-বাড়িরই কেউ।’

‘কি বলছ, খোকা?’ চোখ কপালে উঠেছে বেড়াল-মানবের। ‘এ-বাড়িতে কুরুর নেই, খালি বেড়াল।’

‘জ্যান্ট কুরুর না ওটা,’ বললেন অলিভার। ‘ক্রিষ্টালে তৈরি একটা মৃত্তি। আটিষ্ট জ্যাক ইলিয়ট বানিয়েছিল। সোমবার রাতে ওটার জন্যই এসেছিল চোর, জ্যাকের বাড়ি থেকে নিয়ে গেছে।’

খুকখুক করে হেসে উঠল এন্ডু। ‘তাই বলুন! মিসেস ডেনভার কবেই এসে বলেছে আমাকে, আপনি একটা কুরুর আনবেন। আমার বেড়াল যেন সাবধানে রাখি। হাহু হাহু! এখন শুনছি একটা কাচের কুরুর! হাহু!’

কাধ ঝাকালেন অলিভার। ‘ওই বুড়িটার জন্যে আর গোপন রইল না কিছু! কুরুরটার কথা লিখেছি ডায়েরীতে। আমার কাগজপ্ত ঘেঁটেছে। নিচয় ওটা পড়েছে বুড়ি। আপনাকে ষথন বলেছে, আরও অনেককেই হয়ত বলেছে। জানজানি হয়ে গেছে। চোরের কানেও গেছে কথাটা।’

‘হ্যাঁ! আমাকে সন্দেহ-টন্দেহ করছেন না তো?’ হাসি উধাও হয়ে গেছে বেড়াল-মানবের মূখ থেকে। ‘যা-ই হোক, আর আমি এখানে থাকছি না। যা শুরু হয়েছে, প্রাণের নিরাপত্তাই নেই। কথন দেবে বিষ খাইয়ে, কিংবা বোমা মেরে গাঢ়ি উড়িয়ে, কে জানে! তার চেয়ে কোন মোটেলে চলে যাব।’

নিজের ঘরে গিয়ে চুকল এন্ডু। বেরিয়ে এল শিগগিরই। এক হাতে সুটকেস, আরেক হাতে পোষা কালো বেড়ালটা। ‘বিকেল’ পাঁচটায় একবার আসতেই হচ্ছে। বেড়ালগুলো আসবে, আমি না থাকলে না থেঁয়ে ফিরে যাবে। ওদেরকে মোটেলটা চিনিয়ে দেব নিয়ে গিয়ে। যদি কোন কারণে আমার সঙ্গে যোগাযোগ করার দরকার ছায়াশ্বাপদ

পড়ে, উইলশায়ার ইন-এ খোঁজ করবেন। ফ্ল্যাটটা ছাড়ছি না। এখানকার পরিস্থিতি
শান্ত হলেই ফিরে আসব আবার।'

চলতে গিয়েও কি ভেবে দাঁড়িয়ে পড়ল বেড়াল-মানব। অলিভারের দিকে
তাকাল। 'আমি মেই, চট করে আবার আমার ঘরে চুকে পড়বেন না। তলুশি
চালতে চাইলে, পুলিশ এবং সার্ট ওয়ারেন্ট নিয়ে আসবেন।'

গটগট করে হেঁটে চলে গেল এন্ড্রু। খানিক পরেই গাড়ির ইঞ্জিনের শব্দ হল।

'চাইলে আমার ঘরে খুঁজে দেখতে পারেন, মিস্টার অলিভার,' বলল টমি
গিলবার্ট। দুপুরে বাইরে যাব, কাজ আছে। তখন চুকতে পারেন ইচ্ছে করলে।
সার্ট ওয়ারেন্ট লাগবে না।'

'দুপুরে?' ভুঁক কোঁচকাল রবিন। 'আপনার ডিউটি রাতে না?'

'আজ দিনের শিফটে কাজ করব,' বলল টমি। 'আমার এক কলিগ অসুস্থ।
তার কাজটা চালিয়ে নিতে হবে।'

'আমি জানি, আপনার ঘরে নেই ছায়াশ্বাপদ,' শান্ত কষ্টে বলে উঠল কিশোর।
'এ-বাড়ির কোন ঘরেই নেই।'

একটু যেন হতাশ মনে হল টমিকে। কাঁধ বাঁকাল। ঘুরে গিয়ে চুকে পড়ল
নিজের ঘরে।

'এত নিশ্চিত হচ্ছ কি করে?' জানতে চাইলেন অলিভার।

'সহজ,' বলল কিশোর। 'তাহলে মিসেস ডেনভারের শকুনি-চোখে এড়তো
না জিনিসটা। কাব ঘরে কোথায় কোন সুতোটা আছে, আমার মন্তে হয় তা-ও তার
জানা। নকল চাবি বানিয়ে মালিকের ঘরে ঢোকার যাব সাহস আছে, ভাড়াটেদের
ঘরে সুযোগ পেলেই চুকবে সে, এতে কোন সন্দেহ নেই। সবারই বাক্স পেট্রো-
ড্রয়ার ধাঁটে সে, আমি শিওর।'

'হ্যাঁ, ঠিকই বলেছ।'

তবে, এর মানে এই নয়, কাছাকাছি নেই ঘৃতিটা। নইলে, এখান থেকে
লোকজন সরাতে চাইছে কেন চোর? গতকাল মিস ল্যাটিনিনাকে বিষ খাওয়াল।
আজ বোমা ফাটাল মিসেস ডেনভারের গাড়িতে। মিস্টার জ্যাকবসের ঘরে আগুন
লাগিয়ে তাকে খেদাল। ভয়েই পালাল বেড়াল-মানব...মিস্টার অলিভার,
জ্যাকবসের সঙ্গে কথা বলতে চাই আমি। ও হয়ত কিছু জানাতে পারবে। কি করে
আগুন লাগল, হয়ত কিছুটা আলোকপাত করতে পারবে।'

ভুকুটি করল রবিন। 'তোমার ধারণা, ওই আগুন লাগা নিছক দুর্ঘটনা নয়?

'সম্ভবত।'

'তাহলে? কে লাগিয়েছে আগুন? টমি? সবার আগে ও-ই হাজির হয়েছে।
ওকে আসতে দেখেনি কেউ। হয়ত, দেয়াল গলে জ্যাকবসের ঘরে চুকে পড়েছিল।
আগুন লাগিয়ে আবার দেয়াল গলেই বেরিয়ে এসেছে। তারপর যেন বাঁচাচ্ছে

জ্যাকবসকে, এরকম অভিনয় করে গেছে।'

'দু-র! প্রতিবাদ করল মুসা! 'অতিকল্পনা!'

'ব্যাপারটা প্রমাণ করে ছাড়ব আমি,' দৃঢ় কষ্টে বলল রবিন। 'ডেক্টর রোজারের সঙ্গে কথা বলব।' ডেক্টর লিসা রোজারকে চেনে কিশোর আর মুসাও। রবিনের দূর সম্পর্কের খাল। রুক্স্টন বিশ্ববিদ্যালয়ের প্যারাসাইকোলজির প্রফেসর, হেড অফ দ্য ডিপার্টমেন্ট। প্রেতত্ত্ব আর ডাকিনী বিদ্যার ওপর প্রচুর পড়াশোনা আছে, ওসবের ওপর গবেষণা করছেন এখন। আগুন লাগাক বা না লাগাক, দেয়াল গলে যে টমিই আসে-যায়, এতে কোন সন্দেহ নেই। কিভাবে কাজটা করে সে, জানতে হবে।

'ওসব ভূত-প্রেতের মধ্যে আমি নেই,' বলল মুসা। 'বাস্তব কাজ করব। টমিকে অনুসরণ করব আজ দুপুরে। কোথায় যায়, দেখব। সত্যিই বাজারে কাজে যায় কিনা, দেখতে হবে। আর, এন্ডুর ব্যাপারেও খোজখবর নেব। দেখে আসব, সত্য উইলশায়ার ইন-এ গিয়েছে কিনা।'

'আমি যাব হাসপাতালে,' ঘোষণা করল কিশোর। 'কয়েকটা হাসপাতাল ঘুরে আসতে হবে হ্যাত। কিছু তথ্য দরকার। আশা করছি, ল্যাটিনা আর জ্যাকবসের কাছ থেকে জানা যাবে কিছু।'

হঠাৎ মনে পড়ে গেল যেন অলিভারের, 'আরে! আমার ব্যাংকে যাওয়া! তোমাদের একজন যাবে বলেছিলে। এত টাকা একা আনার সাহস আমার নেই এখন!'

'যাব, তবে আগে কাজগুলো সেবে আসি,' বলল কিশোর।

'ততক্ষণ একা থাক! একটা লোক নেই এতবড় বাড়িটায়! আমি পারব না!' অঁতকে উঠেছেন অলিভার।

'আপনার কোন বস্তু নেই?'

'ওই মিকো ইলিয়ট, সে-ই কাছাকাছি থাকে।'

'তারেই ডাকুন। বসে বসে গল্প করুন দু'জনে। আমরা বেশি দেরি করব না।'

আবার বসার ঘরে ঢুকল চারজনে। ফোন করতে গেলেন অলিভার। কয়েক মিনিটের মধ্যেই চলে আসবে, কথা দিল মিকো।

দ্রুত তৈরি হয়ে নিল রবিন। বেরিয়ে এল ঘর থেকে। রুক্স্টন বিশ্ববিদ্যালয়ে চলল।

মিনিট বিশেক পরেই বিশ্ববিদ্যালয়ে এসে পৌছুল রবিন। প্রফেসর লিসা রোজারকে তার অফিসেই পাওয়া গেল। সুন্দর চেহারা। বয়েস চল্লিশ মত হবে।

টাকমাথা, গোলগাল চেহারা এক প্রৌঢ়ের সঙ্গে কথা বলছেন লিসা রোজার, রবিনের সাড়া পেয়ে চোখ তুলে তাকালেন। 'আরে! রবিন। তুই হঠাৎ...আয়, আয়!'

ডেক্সের সামনে একটা চেয়ার টেনে নিয়ে বসে পড়ল রবিন। 'কেমন আছ, ছায়াশ্বাপদ

খালা?’

‘ভাল। তোরা সব কেমন? তোর মা কেমন আছে?’

‘ভাল। তারপর? কি মনে করে? খালাকে দেখতে আসার সময় হল তোর?’

‘খালা, একটা কাজ। মানে, ইয়ে...’ দ্বিধা করছে রবিন। টাকমাথা অদ্রলোকের দিকে তাকাল। ‘একটা কথা...’

‘ইনি প্রফেসর ডোনাল্ড রস,’ পরিচয় করিয়ে দিলেন মহিলা। ‘অ্যানথ্রপলজির প্রফেসর। ডোনাল্ড, ও শেলি,’ মানে আমার বোনের ছেলে। ওর কথা বলেছি তোমাকে। গোয়েন্দাপিরির শখ।’

‘তাই নাকি? খুব ভাল শখ,’ হাত বাড়িয়ে দিলেন প্রফেসর রস।

প্রফেসরের সঙ্গে হাত মেলাল রবিন।

‘হ্যা, কি বলছিলি, বল, বললেন উষ্টের রোজার।

‘বালা, একটা উষ্টে ঘটনা,’ দ্বিধা যাচ্ছে না রবিনের। ‘মানে ভূতুড়ে...’

‘এত দ্বিধা করছিস কেন? ভূতুড়ে ব্যাপার-স্যাপার নিয়েই আমার কারবার, জানিসই তো,’ ডেক্সে পেপারওয়েট চাপা দেয়া একটা চিঠি দেখালেন মহিলা। ‘এই যে চিঠিটা, দুরুক থেকে এক লোক পাঠিয়েছে। তার বোনের ভূত নাকি তাড়া করে তাকে আজকাল। মজার ব্যাপার হল, তার কোন বোনই নেই, ছিলও না কখনও।’

‘যতসব বন্ধ পাগল নিয়ে তোমার কারবার, লিসা,’ চেয়ারে হেলান দিলেন রস। ‘ইয়াংম্যান, ভূতের কথা কি যেন বলছিলে?’

অলিভারের বাড়িতে ভূতুড়ে যা যা ঘটেছে, সব খুলে বলল রবিন। গির্জায় পন্দীর প্রেতাঞ্জা দেখেছে কিশোর, সে কথা ও বাদ দিল না।

‘হুম্ম! গম্ভীর হয়ে মাথা ঝোকালেন লিসা রোজার। ‘আমি গিয়েছিলাম ওই গির্জায়।’

‘তুমি শুনেছ প্রেতাঞ্জার কথা?’ জিজেস করল রবিন।

‘শুনেছি,’ বললেন লিসা রোজার। ‘যেখানেই এই ধরনের গুজব শুনি, যাই। সরেজমিনে তদন্ত করি। তোর বন্ধু কিশোর যাকে দেখেছে, তার সঙ্গে বছর তিনেক আগে মারা যাওয়া পন্দীর নাকি মিল আছে। লম্বা সাদা চুল, বৃক্ষ...। খোঁজ নিয়ে জেনেছি, শুধু হাউসকীপার তামারা ব্রাইসই দেখেছে ভূতটাকে। তামারার ব্যাপারে খোঁজখবর করেছি। আয়ারল্যাণ্ডের এক ছোট শহর দুঙ্গাল ওয়ে থেকে এসেছে সে। ওখানকার গির্জায় ভূত আছে, অনেকেই বলে। ভূতের ব্যাপারে রীতিমত বিশ্যাত জায়গাটা। বছদিন আগে নাকি কোথায় যাবার জন্যে জাহাজে চেপেছিল এক পন্দী। সাগরে ব্রহ্মস্যজনকভাবে হারিয়ে যান তিনি। লোকে বলে, তাঁরই প্রেতাঞ্জা এসে ঠাই নিয়েছে দুঙ্গাল ওয়ে গির্জায়। গিয়েছিলাম। কয়েক রাত কাটিয়েছি ওখানে। কোন ভূত-টুত আমার নজরে পড়েনি। ওখান থেকে এসেছে তো, গির্জায় পন্দীর ভূত থাকবেই, বন্ধমূল ধারণা জন্যে গেছে হয়ত তামারা ব্রাইসের। যাই

হোক, অলিভারের ঘরে গোকে যে ছায়াটা, ওটা পদ্মীর প্রেতাঞ্চ নয়।'

'আমারও তাই ধারণা। ও নিশ্চয় টমি গিলবার্ট।'

সামনে ঝুঁকলেন লিসা রোজার। 'বলছিস, দু'বার ছায়াটা দেখেছে কিশোর! এবং দু'বারই টমি তার ঘরে সেই সময় ঘুমিয়েছিল?'

'হ্যাঁ, ছিল।'

মন্দু হাসলেন ডষ্টের রোজার। 'চমৎকার! নীরবে ঘুরে বেড়াতে ভালবাসে ছেলেটা।'

'মিষ্টার অলিভারের কাছে ব্যাপারটা মোটেই চমৎকার নয়,' গঙ্গীর হয়ে গেছে রবিন। 'কিভাবে করে টমি?'

উঠে গিয়ে ফাইল ক্যাবিনেট খুললেন লিসা রোজার। ফিতে বাঁধা কয়েকটা ফাইল বের করে এনে রাখলেন ডেকে। আমার মনে হয়, ঘুমের ঘোরে ছায়া শরীরে বেরিয়ে আসে সে। ঘুরে বেড়ায়।'

হ্যাঁ হয়ে গেল রবিন।

আবার চেয়ারে বসলেন প্রফেসর রোজার। একটা ফাইল খুললেন। 'ল্যাবরেটরিতে পরীক্ষা চালিয়েছি আমরা এ-ব্যাপারে, তবে খুব কমই সে-সুযোগ পাওয়া যায়। এসব যারা করে, লোককে জানিয়ে করে না। ল্যাবরেটরিতে আসা তো দূরের কথা। অনেক খৌজখবর নিয়ে, এমন এক-আধজনকে বের করে, অনেক বলে কয়ে নিয়ে আসতে হয়। কারও কারও ধারণা, অন্য কাউকে জানালে তার এ ক্ষমতা নষ্ট হয়ে যাবে। গত বছর এসেছিল এক মহিলা, সাধারণ এক গৃহবধু। মনটোজে থাকে। ওর নাম বলতে চাই না।'

মাথা বোঁকাল রবিন।

'মহিলার ব্যাপারটা একটু অন্যরকম,' বললেন আবার লিসা রোজার। 'ঘুমের ঘোরে স্বপ্ন দেখে এবং সেটা সত্যি।'

'তারমানে,' আগ্রহে সামনে ঝুঁকল প্রফেসর রস। 'তুমি বলতে চাইছ, মহিলা যা দেখে, সেটা পরে সত্যি হয়?'

'ঠিক তা নয়। কয়েকটা উদাহরণ দিছি,' ফাইলের কাগজে চোখ বোলালেন লিসা রোজার। 'ঘুমের ঘোরেই আক্রমে তার মায়ের জন্মদিনের উৎসবে হাজির হয়েছিল ওই মহিলা। সে সবাইকে দেখেছিল, তাকে কেউ দেখেনি। পরিষ্কার বলেছে সে, কি কি দেখেছে। তার দুই বোন মেলিন সেই উৎসবে হাজির ছিল। মাঝারি সাইজের একটা কেক, সাদা মাখনের একটা প্রলেপ, তার ওপর লাল চিনি দিয়ে লেখা ছিল মহিলার মায়ের নাম। ক'টা মোম কেন্দ্ৰ কোন্ৰ বাজেৰ ছিল, ঠিক ঠিক বলে দিয়েছে সে। রাতে স্বপ্ন দেখেছে। সকালে উঠে তার স্বামীকে বলল ব্যাপারটা। হেসে উড়িয়ে দিল স্বামী। দিন কয়েক পরেই একটা চিঠি আর কয়েকটা ছবি এল মহিলার মায়ের কাছ থেকে। জন্মদিনের উৎসবে তোলা, রঙিন-ছায়াশ্বাপন

ফটেগ্রাফ। যা যা স্বপ্নে দেখেছিল মহিলা, ঠিক মিলে গেল ছবির সঙ্গে। অস্থিতিতে পড়ে গেল স্বামী বেচারা। এরপর আরও কয়েকটা ঘটনা ঘটল ওরকম। কোথাও গিয়েছে, হয়ত স্বপ্নে দেখে মহিলা। পরে খোঁজ নিয়ে দেখা যায়, তার বর্ণনার সঙ্গে ঠিক মিলে যায় সব, অথচ ওই জায়গায় সশরীরে কখনও যায়নি মহিলা। রীতিমত চিন্তিত হয়ে পড়ল স্বামী। খোঁজখবর নিয়ে শেষে একদিন আমার কাছে নিয়ে এল শ্রীকে।

'ল্যাবরেটরিতে মহিলার ওপর পরীক্ষা চালিয়েছ?' জিজ্ঞেস করল রবিন।

হ্যাঁ। কয়েকদিন ল্যাবরেটরির একটা ঘরে রেখে দিয়েছিলাম মহিলাকে। একটা মাত্র দরজা ঘরটার। রাতে বন্ধ করে দিতাম। চোখ রাখতাম বিশেষ ভাবে তৈরি একটা ফোকর দিয়ে। ওখান দিয়ে পুরো ঘরটাই ভলমত দেখা যায়। প্রথম রাতে মহিলা সুমিয়ে পড়লে পা টিপে তার ঘরে চুকলাম। দেয়াল-তাক আছে ওয়ারে কয়েকটা। সব চেয়ে ওপরের তাকে রাখলাম মুখবন্ধ একটা খাম! ভেতরে এক টুকরো কাগজে দশ অঙ্কের একটা সংখ্যা লিখেছি। সংখ্যাটা আমি ছাড়া আর কেউ জানে না। খামটা রেখে দরজা বন্ধ করে বেরিয়ে এলাম। চোখ রাখলাম ফোকরে। যতক্ষণ সুমিয়েছিল মহিলা, নড়িনি ওখান থেকে। একবারও ঘূম ভাঙেনি তার সারারাতে। সকালে উঠে তাকে জিজ্ঞেস করলাম, ঘরে কি কি আছে। প্রথমেই খামটার কথা বলল মহিলা। রঙ, আকার সব ঠিক ঠিক। তবে ভেতরে কি আছে, বলতে পারল না। পরের রাতে মহিলা সুমিয়ে পড়লে তার অজান্তে আবার রেখে এলাম খামটা, আরেকটা তাকে। খামের ভেতরের কাগজটা সেদিন বের করে নিয়েছি, ওটা রাখলাম খামের ওপরে, নাশার লেখা পিঠটা ওপরের দিকে। ভোরে উঠে জিজ্ঞেস করতেই কাগজটার কথা বলল মহিলা। ঠিক বলে দিল নাশারটা।'

'সেদিনও সারারাত চোখ রেখেছিলে ওর ওপর?' বিশ্঵াস করতে পারছে না যেন রবিন। 'রাতে একবারও ঘূম ভাঙেনি মহিলার? কোন ফাঁকে উঠে দেখে নিয়েনি তো নাশারটা?'

'আমি নিজে চোখ রেখেছি ফোকরে,' বললেন প্রফেসর। 'মুহূর্তের জন্যে চোখ সরাইনি। একবারও ঘূম ভাঙেনি মহিলার, বিছানা ছেড়ে ওঠার তো প্রশ্নই ওঠে না; তবে, নিশ্চয় তার শরীরের বোলস ছেড়ে বেরিয়ে পড়েছিল ছায়া শরীর। ঘুরে বেড়িয়েছিল সারা ঘরে।'

কি যেন ভাবছে রবিন। বলল, 'কিন্তু এতে কিছুই প্রমাণ হয় না!'

নিশ্চয় প্রমাণ হয়, ছায়া শরীরে মিট্টার অলিভারের ঘরে চুকেছিল টমি,' জবাবটা দিলেন ডষ্টের রস। 'মানুষার কথা জেনেছে সে ওভাবেই।'

'কিন্তু তার ছায়া দেখা গেছে,' প্রতিবাদ করল রবিন। 'মহিলার দেখা যায়নি।'

'বেশ,' বললেন লিসা রোজার। 'আরেকটা ঘটনার কথা বলছি। অরেঞ্জে বাস করে এক লোক, আমার এক রোগী। সারাজীবন স্বপ্নে যা যা দেখেছে, সব সত্যি

ঘটেছে। মন্টেজের ওই গৃহবধুর মত। তবে, মহিলার সঙ্গে একটা পার্থক্য আছে, তার ছায়া শরীর দেখা গেছে, আবার ফাইল দেখলেন প্রফেসর। হলিউডে লোকটার এক বক্স আছে। আসল নাম বলব না, ধরে নিই, তার নাম জোনস। একরাতে; জোনস তার ঘরে বসে বই পড়ছে। হঠাৎ জোরে যেউ যেউ করে উঠল তার কুকুরটা। জোনস ভাবল; নিশ্চয় আঙিনায় চোর চুকেছে। দেখতে চলল সে। হলঘরেই দেখ হয়ে গেল অবেজে বাস করে যে, সে বক্স সঙ্গে। এতরাতে বক্সকে দেবে অবাক হল জোনস। কেন এসেছে, জানতে চাইল। কোন কথা বলল না বক্স। নিশ্চাবে দোতলার সিডি বেয়ে ওপরে উঠে গেল। বোকা হয়ে গেল যেমন জোনস। শেষে দোতলার সিডি বেয়ে সে-ও উঠে এল। কোথাও নেই তার বক্স। একেবারে হাওয়া। তখনি অবেজে কোন করল জোনস। বাড়িতেই পাওয়া গেল বক্সকে। কয়েকবার রিঞ্চ হবাব পর ফোন ধরেছে। ঘুমজড়িত গলা, স্পষ্ট। কেন ফোন করেছে, জানতে চাইল বক্স। জানাল জোনস। বক্স আশ্চর্য হল। সে-ও নাকি স্বপ্ন দেখছিল জোনসকে। দেখেছে, শোবার ঘরে বসে বই পড়ছে। কুকুর ভেকে উঠল। জোনস এসে ঢুকল হলঘরে। বক্স এত রাতে কেন এসেছে জিজেস করল। সিডি দিয়ে ওপরে উঠে গেল সে। আর কিছু মনে নেই তার। এর পরপরই টেলিফোন ঘুম জাগিয়ে দিয়েছে।

‘আশ্চর্য! বিড়বিড় করে বলল রবিন।

‘হ্যা,’ মাথা বোকালেন লিসা রোজার। ‘আশ্চর্যই, এবং তায় পাওয়ার মত। স্বপ্নে যে ঘুরে বেড়ায়, ঘুম থেকে উঠে সে-ও তায় পায়, তাকে যারা ঘুরতে দেখে, তারাও।’

‘টমির ছায়া দেখে তায় পান মিষ্টার অলিভার, সন্দেহ নেই,’ বলল রবিন। ‘কিন্তু ঘুম থেকে উঠে টমি তায় পায় বলে তো মনে হয় না!'

‘তার কেস্টা একটু আলাদা। যা উন্মাদ, এই ঘুরে বেড়ানো রীতিমত চর্চাই করে সে।’

‘তার মনে,’ ঘাবড়ে গেছে রবিন। ‘তাকে ঠেকানৰ কোন উপায়ই নেই মিষ্টার অলিভারের?’

‘না। তবে অলিভারের তায় পাওয়ার কিছু নেই। এসব “ঘুরে বেড়ানো” লোকেরা ক্ষতিকর নয়। ছায়া শরীর নিয়ে কারও কোন ক্ষতি করতে পারে না এরা। শুধু দেখা বা শোনার ক্ষমতা থাকে তখন।’

‘তুমি বলছ, কোন জিনিস ছুঁতে পারে না ওরা?’

‘হয়ত ছুঁতে পারে,’ বললেন লিসা রোজার। ‘তবে নড়তে পারে না। মন্টেজের মহিলার কথাই ধরা যাক, সাধারণ একটা খাম খুলতে পারেনি সে।’

‘সুতরাং ছায়াশরীরে ঘুরে বেড়ানৰ সময় কোন কিছু ধরতে, বা ছুরি করতে পারবে না টমি গিলবাট?’

‘আমার তো মনে হয়, না।’

‘টমি গিলবার্ট ভারতে যেতে চাইছে,’ খবরটা জানাল রবিন। ‘ওখানে গিয়ে ধ্যানতত্ত্ব নিয়ে প্রচুর গবেষণা আর চর্চা করার ইচ্ছে।’

মাথা ঝৌকালেন প্রফেসর। ‘শুনেছি, ভারতীয় অধিবা নাকি এসব বিদ্যায় উৎসাদ। আমাদের এসব দেশে অবশ্য ওসব গালগল্ল বিশ্বাস করে না লোকে। তবে, পুরো ব্যাপারটা একেবারে ভিত্তিহীন হয়ত নয়। সংযোহন কিংবা ডেন্ট্রিলোকুইজম-এ তো বিশ্বাস করে লোকে। আজকাল ছায়া শরীর নিয়েও গবেষণা হচ্ছে, বিশ্বাস করতে আরম্ভ করেছেন কিছু কিছু বিজ্ঞান।’

‘বুঝলাম, তুমিও বিশ্বাস কর,’ বলল রবিন। ‘কিন্তু পাত্রীর ভূতের ব্যাপারটা কি? ওটা বিশ্বাস কর?’

কাঁধ ঝৌকালেন লিসা রোজার। ‘বিশ্বাস করার মত কোন প্রমাণ পাইনি এখনও। যেখানেই ভূত আছে শুনেছি, ছুটে গিয়েছি। রাত কাটিয়েছি। কিন্তু আজ অবধি কোন ভূতের ছায়াও নজরে পড়েনি। এই বিশ্বাস কেন জন্মাল লোকের মনে, সেটা নিয়ে অনেক পড়াশোনা করেছি, অনেক শেবেছি। কোন কুল-কিনারা পাইনি। শেষে দুন্দোর বলে হাল ছেড়ে দিয়েছি। সেই স্থিতির শুরু থেকেই সৃষ্টবত, ভূত বিশ্বাস করে আসছে লোকে। কেন? কে জানে?’

পনেরো

রবিন বেরিয়ে যাবার পর পরই সেন্ট্রাল হাসপাতালে ফেল করল কিশোর। জানল, জ্যাকবসকে হ্যামলিন ক্লিনিকে স্থানান্তরিত করা হয়েছে। দিন দুয়েক তাকে পর্যবেক্ষণে রাখতে চান ডাক্তাররা। লারিসা ল্যাটিনিনা এখনও সেন্ট্রাল হাসপাতালে রয়েছে। প্রথমে তার সঙ্গে কথা বলা স্থির করল কিশোর। বেরিয়ে পড়ল।

সহজেই কেবিনটা ঘুঁজে বের করল কিশোর। খাটের ওপর আধশোয়া হয়ে আছে লারিসা। বালিশে হেলান দিয়ে জানালা দিয়ে বাইরে ঢে়ে আছে। ব্রিফিং।

‘আরে!’ দরজায় সাড়া পেয়েই কিশোর তাকিয়েছে লারিসা। ‘তুমি মিষ্টার অলিভারের মেহমান না?’

‘হ্যাঁ,’ বলল কিশোর। ‘কিশোর পাশা। কেমন লাগছে এখন?’

‘ভালও না খারাপও না,’ মুখ দাঁকাল লারিসা। ‘তবে বিষ থা ওয়াতে চেয়েছিল আমাকে কেউ, ভাবলেই মনটা খারাপ হয়ে যায়। তাহাতা খিদে। জাউ আর দুধ ছাড়া কিছু খেতে দেয় না ডাক্তাররা,’ বিরক্ত ভঙ্গিতে পায়ের ওপর ফেলে রাখা কম্পটায় লাখি লাগ্যাল সে। ‘একটা উপদেশ দিছি, কষ্টে বিষ দেয় না।’

‘চেষ্টা করব না খেতে!’ হাসল কিশোর। ভাল করে জাফাল লারিসার দিকে। স্বাস্থ্য খারাপ হয়ে গেছে। ঠোঁটের কোণে কেমন এক ধরনের ধা, সাদা সাদা। কি

বিষ ছিল, জেনেছেন?’

‘জিজ্ঞেস করেছিলাম,’ লারিসার কষ্টে বিরক্তি। ‘সাধারণ কি একটা কেমিক্যালের কথা বলল ওরা, নামটা মনে করতে পারছি না এখন। তবে আসেনিক কিংবা স্ট্রিকনিন নয়, এটা শিওর।’

‘বেঁচে গেছেন সেজন্যেই,’ মাথা দোলাল কিশোর। ‘স্ট্রিকনিন খেলে আর এখন এখানে থাকতেন না।’

‘জানি! এরপর থেকে চকলেট খাওয়াই বাদ দেব কিনা, ভাবছি?’ বিষগু হাসি হাস্তল লারিসা।

‘কোথা থেকে এসেছে ওগুলো, জানতে পেরেছে পুলিশ?’

‘না। সাধারণ কেমিক্যাল, যে-কোন কেমিস্টের দোকান থেকে কেনা যায়। আর চকলেট তো একটা বাচ্চা ছেলেও কিনতে পারে।’

সারা ঘরে নজর বোলাল কিশোর। ছোট একটা আলমারির ওপর রাখা ফুলদানীতে একগোছা ফুলের ওপর এসে থামল দৃষ্টি। ‘কারও উপহার?’

মাথা ঝোকাল লারিসা। ‘এক বাঙ্কী দিয়েছে। একই জ্যায়গায় কাজ করি আমরা। রোজই এক গোছা করে দিয়ে যায়। কথা বলে যায় খানিকক্ষণ।’

‘লোকের সঙ্গে মেশামেশি ভালই আছে আপনার, না?’

হেসে ফেলল সারিসা। ‘পুলিশের মত জেরা শুরু করে দিয়েছে। পুরো সকালটা আজ জ্বালিয়ে থেয়েছে। প্রশ্নের পর প্রশ্ন করে গেছে। জানার চেষ্টা করেছে, আমার কোন শক্তি আছে কিনা। যত্তোসব! লোকের সাথেও নেই আমি, পাঁচেও নেই, আমার শক্তি থাকতে যাবে কেন?’

‘আমারও তাই ধারণা,’ মাথা ঝোকাল কিশোর। ‘হ্যাঁ, মিষ্টার অলিভার আপনাকে শুভেচ্ছা জানিয়েছেন। আবার তাঁর বাড়িতে ফিরে গেলে তিনি খুশ হবেন।’

‘খুব ভাল লোক,’ বলল লারিসা। ‘আমি খুব পছন্দ করি। ভাল লোকের ওপরই যতরকম অত্যাচার। চোরহ্যাচোড় বদমাশ... হ্যাঁ, ভাল কথা, কুকুরটা কি এসেছে তাঁর?’

স্থির হয়ে গেল হঠাত কিশোর। ‘কুকুর!’

‘হ্যাঁ। ওটা এলে চোরের উপদ্রব কমবে।’

‘মিষ্টার অলিভার বলেছেন?’

‘না,’ মাথা নাড়ল লারিসা। ‘মিসেস ডেনভার।... কবে যেন বলল, কবে যেন... হ্যাঁ হ্যাঁ, গত শনিবারে। পুলে সাঁতার কাটছিলাম, কিনারে বসে ডাকাপিয়নের অপেক্ষা করছিল মহিলা, আর বকর বকর করছিল। মিষ্টার অলিভার কুকুর আনাচ্ছেন জেনে ম্যানেজারের খুব দুঃচিন্তা। বলেছে আমাকে। আমি বললাম, রাজ্যের যত বেড়ালকে যখন সইতে পারছেন, একটা কুকুর সইতে

‘পারবেন না কেন?’
‘মাথা বৌকাল কিশোর। ‘হ্যাঁ!...আচ্ছা, বাসায় রয়ে গেছে, এমন কোন জিনিস দরকার আপনার? বললে দিয়ে যাব এক সময়।’

‘না, দরকার নেই,’ মাথা নাড়ল লাঞ্চিস। ‘যা যা লাগে, চাইলেই পাওয়া যায় এখানে। খালি পছন্দসই খাবার দিতে চায় না।’ এছাড়া সব রকমভাবে সাহায্য করে নার্সেরা।’ চূপ করল একটু। ‘হয়ত, আগামীকালই ছেড়ে দেবে ওরা আমাকে। কাল নাহলে পর্বণ তো ছাড়বেই।’

লারিসাকে ‘গুড বাই’ জানিয়ে বেরিয়ে এল কিশোর। মনে ভাবলা। যা সদ্দেহ করেছিল; মিসেস ডেনভারের কল্যাণে ছায়াশ্বাপদের কথা অলিভারের বাড়ি আর ‘কারও জানতে বাকি নেই। বাইরেরও ক’জন জানে, কে জানে! ডাকপিয়নসহ হয়ত পোষ্ট অফিসেরও সবাই জানে গির্জার ওরা জানে নিশ্চয়। হয়ত পুরো পাড়াই খবরটা জেনে গেছে। তবে, লোকেরা জানে, জ্যান্ত কুকুর অববেন অলিভার।

মৃত্তিটার কথা ক’জন জানে? টমি গিলবার্ট? জ্যাকবস? জিজেস করতে হবে ষ্টকত্রোকারকে। ওখানেই যাবে এখন কিশোর। হ্যামলিন ক্লিনিক কোথায়, চেনে না সে। ট্যাঙ্কি নেয়া স্থির করল।

ট্যাঙ্কি ষ্ট্যান্ডে চলে এল কিশোর। সারির সবচেয়ে আগের গাড়ির ড্রাইভারকে জিজেস করল, ‘হ্যামলিন ক্লিনিক কোথায়, চেনেন?’

‘অবশ্যই। উইলশায়ার আর ইয়েলের মাঝামাঝি।’

‘যাবেন?’

‘সে।’

অবাক হয়ে দেখল কিশোর, প্যাসিও প্রেসের দিকে ছুটেছে ট্যাঙ্কি। আরে! মিস্টার অলিভারের বাড়িতে চলে যাবে নাকি? দূর, কি বোকায়ি করেছে! অলিভারকে জিজেস করলেই হত। তাঁর বাড়ির মাত্র দুটো বুক দূরে এসে দাঁড়িয়ে পড়ল ট্যাঙ্কি। ছেটখাট একটা আধুনিক বাড়ি। গেটের কপালে বড় করে লেখাঃ হ্যামলিন ক্লিনিক।

ড্রাইভারের ভাড়া মিটিয়ে দিয়ে হাসপাতালে চুকে পড়ল কিশোর। রিসেপশন রুমে চুকেই থমকে গেল। সেন্ট্রাল হাসপাতালের তুলনায় এটা রাজবাড়ি। প্রাইভেট ক্লিনিক, যারা প্রচুর পয়সা খরচ করতে পারে, তাদের জন্মে। পুরু কার্পেটে ঢাকা ঘেঁকে। দায়ি আসবাবপত্র। বাকঝকে একটা ডেক্সের ওপাশে বসে আছে হালকা লাল পোশাক পরা শ্বার্ট রিসেপশনিস্ট। কাছে এসে জ্যাকবসের রূম নামার জানতে চাইল কিশোর। মিষ্টি করে হাসল ঘেঁটে। একটা খাতা খুলে নাম মিলিয়ে কেবিন নামার বলে দিল।

দোতলায় কোণের দিকে বেশ বড়সড় একটা ঘর। দুটো খোলা জানালা দিয়ে রোদ টুকচে। বিছানায় শুয়ে আছে জ্যাকবস। লাল মুখ ফেকাসে সম্ম হয়ে গেছে।

বিছানার পায়ের কাছে একটা আর্মচেয়ারের বসে আছে তার ভাগ্নে বব বারোজ। চোখমুখ কালো করে রেখেছে।

কিশোরকে দেখেই বলে উঠল জ্যাকবস, 'উপদেশ দিতে এসেছ তো? যেতে পার! অনেক হয়েছে। সারাটা দিন আমার কান ঝালাপালা করে ফেলেছে বব।'

'সব সময় বলেছি, আবারও বলছি,' ঘোষণা করল বব। 'ওই সিগারেট তোমাকে ধাবে! এবারে বেঁচেছ কোনয়তে, এর পরের বার আর বাঁচবে না।'

'কিশো বার বলছি, আমি ক্লান্ত ছিলাম,' মুখ গোমড়া করে ফেলেছে জ্যাকবস। 'ক্লান্ত ছিলাম, সেজন্টেই ঘটল এটা। জানিসই তো, খুব হঁশিয়ার থাকি আমি। সিগারেট নিয়ে বেডরুমেও যাই না।'

'তাহলে ঘুমিয়ে ঘুমিয়ে খাওয়ার জন্যে বুরি সোফায় শয়েছিল?'

গুড়িয়ে উঠল জ্যাকবস। 'উফ, আর পারি না! বাচাল ভাগ্নের চেয়ে খারাপ জীব আর কিছু নেই পৃথিবীতে!'

'তাই ঘটেছিল, না?' মাঝখান থেকে কথা বলে উঠল কিশোর। 'সিপারেট মুখে নিয়ে সোফায় ঘুমিয়ে পড়েছিলেন?'

'তাই হয়ত হবে! শ্বেতাকার করল জ্যাকবস। 'এছাড়া' আর কি হতে পারে? মনে আছে, মিসেস ডেনভার অ্যারিডেট করার পর ঘরে চুকেছি... ভীষণ ঘূম পেয়েছিল... শেষ একটা সিগারেট ধরিয়ে ছিলাম সোফায় বসে... তারপর আর কিছু মনে নেই। শ্বাস নিতে কষ্ট হচ্ছিল। জেগে উঠে দেখলাম ধোয়ায় ভরে গেছে ঘর। চোখ জ্বালা করছে। ভাল দেখতে পাইল না। ওর মাঝেই দরজাটা খুঁজে বের করতে গেলাম। তারপর তো 'বেহশ!''

'ভুল দিকে দরজা খুঁজতে গিয়েছিলেন,' বলল কিশোর। 'বেডরুমের দিকে চলে গিয়েছিলেন।'

'মাথা বৌকাল জ্যাকবস। 'তুমি বের করে এনেছ আমাকে।'

'আমি একা নই,' জানাল কিশোর। 'রবিন, মুসা আর টমি ও সঙ্গে ছিল। টমিকেই ধন্যবাদ দেয়া উচিত আপনার। আগুন লেগেছে, সে-ই দেখেছে প্রথমে।'

'অস্তুত একটা ছেলে!' বিড়বিড় করল জ্যাকবস। 'দেখতে পারতাম না ওকে। অথচ ও-ই আমার জান বাচাল।'

'মিস্টার জ্যাকবস,' বলল কিশোর। 'মিস্টার অলিভার একটা কুকুর আনাচ্ছেন, শুনেছেন আপনি?'

'কুকুর! বালিশ থেকে মাথা তুলে ফেলল জ্যাকবস। 'কুকুর দিয়ে কি করবে?'

'জানি না। শুনলাম, কুকুর আনবে শুনে মিসেস ডেনভার খুব চিন্তিত হয়ে পড়েছেন।'

'ওই মহিলা! ও-তো খামোকাই চিন্তিত হয়ে পড়ে। কতখানি সত্যি বলেছে তাই বা কে জানে! এত বেশিকথা বলে, মিথ্যে না বললে পাবে কোথায় কথা?'

আবাবু বালিশে মাথা-রাখল জ্যাকবস। টান টান করল শরীরটা। ‘ওই বাড়িতে আর থাকছি না আমি।’ কিশোরের দিকে তাকাল। ‘তোমরাও চলে যাও ওখান থেকে। বাড়িটা মোটেই নিরাপদ না।’

উঠে দু'পা এগিয়ে এল বব। ‘ওসব নিয়ে ভেব না এখন। ডাঙ্গার বলেছে, চুপচাপ বিশ্রাম নিতে। আমি যাচ্ছি, ঘরদোর পরিষ্কার করে ফেলিগে। কিছু মেরামতের ধাকলে তা-ও করে ফেলব। আগে ভাল হয়ে ওঠো, তারপর খুঁজে পেতে ভাল আরেকটা বাড়ি দেখে উঠে যাব।’

হাসল জ্যাকবস। ‘আসলে ছেলেটা তুই খারাপ না। বব। একেক সময় ভাবি, আমি তোর গার্জেন, না তুই আমার।’

‘যাচ্ছি,’ কিশোরের দিকে ফিরল বব। ‘তুমি?’

‘আমি ও যাব।’

কিনিক থেকে বেরিয়ে এল দু'জনে।

‘খুব বেশি বিড়ি খায় আমার মামা,’ তিক্ত কষ্টে বলল বব। ‘থাটেও সাংঘাতিক, দুশ্চিন্তাও বেশি। আগুন লেগেছে, একদিক থেকে ভালই হয়েছে।’

ঝট করে চোখ ফেরাল কিশোর ববের দিকে।

‘না না, খারাপ অর্থে বলিনি,’ তাড়াতাড়ি বলল বব। ‘হাসপাতালে একটু বিশ্রাম নিতে পারবে। ইদানীং খুব বেশি নার্ভাস হয়ে পড়েছিল, ঘুমাতই না বলতে গেলে। বড় বেশি ভাবুত। অথবাই চমকে চমকে উঠত। এটা লক্ষ্য করছি ক্রিসমাসের পর থেকে। ব্যবসা সুবিধের যাচ্ছে না কিছুদিন ধরে। সেটাই কারণ হতে পারে। তার ওপর অতিরিক্ত সিগারেট। শরীর তো খারাপ হবেই। এবার আর না ঘুমিয়ে পারবে না। ঘুমোতে না চাইলে ঘুমের বড়ি খাওয়াবে ডাঙ্গাররা। সিগারেট ছুঁতেও দেবে না। দিন দুয়োক বিশ্রাম হবে।’

‘এবং সেটা ভালই হবে,’ রাস্তায় বেরিয়ে এসেছে, হাঁটতে হাঁটতে বলল কিশোর। ‘ইদানীং ওই বাড়িটাতেও অদ্ভুত সব কাণ্ডকারখানা ঘটছে! যে রাতে চোর এসেছিল, তুমি ও-বাড়িতে ছিলে না, না?’

‘নাহ... একটা মজা মিস করেছি। বন্দুর বাড়ি বেড়াতে গিয়েছিলাম। মামার কাছে শুনলাম, চোর এসেছিল।’

‘মিষ্টার অলিভার যে কুকুর আনাচ্ছেন, এটা শুনেছ?’

‘না। বুড়িটাকে সহজই করতে পারি। না আমি, কথা বলতে এলে পালাই। নইলে হয়ত শুনতে পেতাম।’

অ্যাপার্টমেন্ট হাউসে এসে পৌছুল ওরা। চতুর পেরিয়ে জ্যাকবসের ফ্ল্যাটের কাছে এল।

ভাঙ্গা জানালার দিকে চেয়ে শিস দিয়ে উঠল বব। শার্সিতে ভঙ্গা কাচের কয়েকটা টুকরো লেগে আছে এখনও। পর্দার জ্যায়গায় ঝুলছে কয়েক ফালি পোড়া

ন্যাকড়।

'কাচের মিস্টিকে খবর দিতে হবে আগে,' পকেট থেকে চাবির গোছা বের করল বব। একটা চাবি বেছে নিয়ে তালায় ঢোকাল। 'বাইরের অবস্থা দেখেই ভেতরে কি হয়েছে বুঝতে পারছি। এমন হবে জানলে কে যেত মামাকে একা ফেলে!' মোচড় দিয়ে তালা খুলে ফেলল। দরজা খুলে চুকে গেল ভেতরে।

কিশোরও ঘুরে দাঁড়াল। ব্যালকনির সিডির দিকে এগোল। মনে ভাবনা। লারিসা ল্যাটনিনার বিষ খাওয়াটা কি নিছকই দৃঘটনা? জ্যাকবস কি সত্যিই জানে না কুকুর আনার কথা? যতখানি নিরীহ আর নিরপরাধ মনে হচ্ছে বব বারোজকে, আসলেও কি তাই? তাই যদি হয়ে থাকে, তাহলে সদেহ পুরোপুরি গিয়ে পড়ে টিমি-গিলবার্টের ওপর! সে-ই একমাত্র লোক, যে জানতে পারে হাউগের মৃত্তিটার কথা। আরও একটা 'যদি' আছে এখনে—যদি সত্যিই মিষ্টার অলিভারের ঘরের ছায়াটা সে-ই হয়। আরেকটা কথা মনে এল কিশোরের। কেউ একজন চাইছে, অ্যাপার্টমেন্ট হাউসটা আর তার আশেপাশের এলাকা থেকে লোকজন সরিয়ে দিতে। তা-ই যদি হয়ে থাকে, তাহলে এরপর কাকে সবান্নর পালা? নিশ্চয় তিনি গোয়েন্দা!

শোলো

বেল বাজাল কিশোর।

দরজা খুলে দিল মিকো ইলিয়ট। 'এস। মাত্র ফিরেছে তোমার বস্তু রবিন। কিছু একটা শোনান জন্যে অস্তির হয়ে আছে। তোমার অপেক্ষাই করছে।'

একটা সোফায় বসে আছে রবিন। কোলের ওপর খোলা নোট বুক।

পুরানো ধাঁচের একটা চেয়ারে বসা মিষ্টার অলিভার। কিশোরকে দেখেই জিজেস করলেন, 'লারিসা কেমন আছে?'

'ভাল,' জানাল কিশোর।

'ইঞ্চরকে ধন্যবাদ। জ্যাকবস? তাকে দেখতে গিয়েছিলে?'

'গিয়েছিলাম। তেমন আহত মনে হল না। তবে বিশ্রাম দরকার। ভীষণ নার্ভাস হয়ে পড়েছে। ডাক্তারা পর্যবেক্ষণে রাখতে চাইছেন।'

'আ।'

'আপনার কেন অসুবিধে হয়নি তো?'

'না,' মাথা নাড়লেন অলিভার। 'বসে না থেকে মিকোকে নিয়ে ব্যাংকে গিয়েছিলাম। টাকা তুলে নিয়ে এসেছি; ল্যাম্প রাখা টেবিলটা দেখালেন। মুদি দোকান থেকে জিনিসপত্র আনার একটা বাদামী ব্যাগ পড়ে আছে। টাকা কত তুলে এনেছি, কত জমা দিয়েছি। জীবনে এত অস্তিত্বেধ করিনি আর কখনও!'

ছায়াশাপদ

‘বুদ্ধিটা ভালই বের করেছ,’ বলে উঠল মিকো। ‘বাজারের ব্যাগে করে টাকা নিয়ে আসা। দশ হাজার ডলার! কেউ কঙ্গনাই করতে পারবে না।’

ব্যাগের দিক থেকে চোখ ফিরিয়ে হাসল কিশোর। ‘হ্যাঁ, ভাল বুদ্ধি।’

আবার বাজল বেল। উঠে গিয়ে দরজা খুলে দিল মিকো।

মুসা চুকল। ধপাস করে বসে পড়ল রবিনের পাশে। ‘কোন লাভ হল না?’ হতাশ কষ্ট। মিথ্যে, কথা বলেনি টমি। কাজেই গেছে। আর ব্রায়ান এন্ড্রও মিছে কথা বলেনি। সে-ও মোটেলে উঠেছে।

‘লাভ হল না বলছ কেন? জেনে আসাতে সুবিধেই হয়েছে,’ মুসাকে আর কিছু বলার সুযোগ না দিয়ে সামনে ঝুঁকল রবিন। ‘সবাই এসে গেছে। এবার আমার কথা শুরু করি।’

‘কি জেনে এসেছে?’ জিজ্ঞেস করল কিশোর।

‘একই সময়ে একই সঙ্গে দুজায়াগায় থাকতে পারে কিছু কিছু মানুষ,’ কষ্টে রহস্য চালল রবিন। ধীরে ধীরে বলে গেল সব, যা যা জেনে এসেছে প্রফেসর লিসা রোজারের কাছ থেকে।

‘তার মানে,’ রবিন থামলে বলল কিশোর। ‘টমি দেয়াল ভেদ করে ধৈখানে খুশি চুকতে পারে, এটু বিজ্ঞানিক সত্য।’

‘লিসা-খালা তো তাই বলল।’

‘ঘাক! আজ নিশ্চিন্ত! জোরে খাস ফেলল মুসা। ম্যানেজারকে ফাঁকি দিয়ে চুকতে পারবেনা ব্যাটা। কাজেই ছায়া হয়ে এ-ঘরে আসতে পারবে না।’

উঠে গিয়ে ব্যাগটাসহ টাকাগুলো ছোট একটা আলমারিতে ভরে তালা দিয়ে দিলেন অলিভার। ‘সর্বকর্তা। আশা করি, ছায়া-মাথাটা এই আলমারিতে সেঁধিয়ে দিতে পারবে না হারামজাদা।’

‘যদি পারেও, ব্যাগটা ছাড়া আর কিছু দেখতে পারবে না,’ কথার পিঠে বলল রবিন। ‘ছায়া চোখ দিয়ে লোকে দেখতে পারে, কিন্তু ছায়া আঙুল দিয়ে কিছু নাড়তে পারে না। কাজেই ভয় নেই।’

‘এজন্যেই, মিসেস ডেনভারের কাছ থেকে চাবিটা নিয়ে নেবার পর আর কোন জিনিস নাড়াচাড়া হয়নি,’ বললেন অলিভার। ‘ঘাটাঘাটি করত শুধু ওই বুড়িটাই। টমি ব্যাটা শুধু বাইরে যা আছে দেখতে পারে, দেখে চলে যায়।’

‘হ্যাঁ,’ মাথা ঝোকাল কিশোর। ‘খেন বোঝা যাচ্ছে, মান্দালাটার কথা জানল কি করে টমি। ছায়াশ্বাপদের কথা ও সে জানে। আপনি মিষ্টার ইলিয়টের সঙ্গে ফোনেকথা বলেছিলেন, সে শুনেছিল। তবে, যেহেতু ছায়াশ্বারীর কিছু ধরতে পারে না, তোর টমি নয়। চুমিরটা যখন হয়, তার ঘরে চুকছিল টমি। বারদুই নিচের ঠাট্টে চিমটি কাটল সে। বিশ্বাস করা কঠিন। তবে উষ্টর রোজারের কথা অবিশ্বাসও করা যায় না। জিনি বিজ্ঞানী। আলতু-ফালতু কথা বলেন না। তাহাড়া, ওই ছায়ার

‘ব্যাপারটার সঙ্গে তাঁর থিওরি পুরোপুরি মিলে যাচ্ছে।’
অনেকক্ষণ কেউ কোন কথা বলল না আর।

জানালার কাছে গিয়ে দাঢ়িয়েছে মুসা। দৃষ্টি রাত্তার দিকে। হঠাৎ বলল সে,
‘জ্যাকবসের ভাণ্ডে চলে যাচ্ছে।’

তারমানে, এ বাড়িতে এখন আমরা ছাড়া আর কেউ নেই,’ যে আলমারিতে
টাকা রেখেছেন অলিভার, সেটার দিকে চেয়ে আছে কিশোর। ‘ব্যাগ ভর্তি টাকা।’
রহস্যময় শোনাল তার কঠ। ‘যেহেতু ব্যাগের ভেতরে রয়েছে, টাকাগুলো অদৃশ্য।’
হাসি ফুটল তার ঠোটে। হঠাৎ উজ্জ্বল হয়ে উঠল দুই চোখ। ‘কোন জিনিস
আরেকটা জিনিসের ভেতরে থাকলেই অদৃশ্য।’

‘কিশোর, কি বলছ, কিছু বুঝতে পারছি না।’ বলল রবিন।

‘একটা গল্প শোনাব?’

‘কিশোর।’ গুড়িয়ে উঠল মুসা। ফিরে তাকিয়েছে। ‘আর ভূগও না! বলে
ফেল।’

‘খুনের গল্প,’ কারও দিকেই তাকাল না কিশোর। ‘অনেকদিন আগে একটা
বইয়ে পড়েছিলাম। অদৃশ্য একটা অস্ত্র দিয়ে খুন করা হয়েছিল। লোকটাকে।’

‘তাই?’ আগ্রহী হয়ে উঠেছেন অলিভার।

‘ঘরে বসে ডিনার খাচ্ছিল একটা লোক আর তার স্ত্রী, ‘বলল কিশোর। তাদের
সঙ্গে সেরাতে খেতে বসেছিল লোকটার এক বক্স। দরজা-জানালা সব বক্স ঘরের।
কি একটা ব্যাপার নিয়ে কথা কাটিকাটি শুরু হল লোকটা আর তাঁর বৰ্ষুর মাঝে।
হাতাহাতি শুরু হল এক পর্যায়ে। হাতের নাড়ী লেগে টেবিলে বসানো একমাত্র
মোমটা, উল্টে-পড়ে নিতে গেল। অস্ত্রকার হয়ে গেল ঘৰ। অস্ত্রকারে দ্বামীর
আর্তনাদ শুনতে পেল স্ত্রী। টের পেল, তার জামার বুলে টান পড়েছে। আতঙ্কে
চেঁচিয়ে উঠল মহিলা। চিকিৎসা শুনে ছুটোছুটি করে এল চাকর-বাকরেরা। আবার
আলো জ্বালানো হল। দেখা গেল, মেঝেতে মরে পড়ে আছে লোকটা। রক্তাক্ত।
বুকের বাঁ পাশে একটা ক্ষত। ঘরের কোণে দাঁড়িয়ে কাঁপছে বস্তুটি। মহিলার
জামার নিচের দিকে রক্তের দাগ। পুলিশ এল। কিছু বস্তুকে ধরে নিয়ে গিয়েও
আবার ছেড়ে দিতে হল। কারণ, যে অস্ত্র দিয়ে মারা হয়েছে লোকটাকে, সেটা
পাওয়া গেল না।’

‘আশ্চর্য! বলে উঠল মিকো। ‘কি দিয়ে খুন করা হয়েছিল?’

হাসল কিশোর। ‘ব্যাপারটা মেনে নিতে পারল না লোকটার স্ত্রী। ত্যাদোড়
এক গোয়েন্দার কাছে গিয়ে ধর্ম দিল। পাওয়া গেল অস্ত্রটা। আবার বস্তুকে
আরেক করল পলিশ। ঠেঞ্চা মাথায় মানুষ খুনের দায়ে বুলিয়ে দিল ফাসিতে। খুন
করা হয়েছিল ছুরি দিয়ে।’

‘ছুরি! চেঁচিয়ে উঠল মিকো। ‘কোথায় লুকিয়ে রেখেছিল?’

ছায়াশাপদ

‘বড় একটা কাঁচের ফানেলে পানি ভরে তাতে মানিপুল্যান্ট লাগিয়েছিল খুন ইওয়া লোকটার স্বী। খুন করেই মহিলার জামায় ছুরির রক্ত মুছে ফেলল বক্সুটা। ছুরিটা নিয়ে চুকিয়ে রাখল ফানেলে।’

‘ওটা তো প্রথমেই পুলিশের চোখে পড়ে যাবার কথা!’ হাঁ হয়ে গেছে মুসা।

‘না, কথা না। কারণ ছুরিটা তৈরি হয়েছিল শক্ত ক্রিস্টাল দিয়ে। পানিভূর্তি কাঁচের ফানেলে চুকিয়ে রাখতেই অদৃশ্য হয়ে গেল। পানি আর কাঁচের সঙ্গে মিশে গেল স্বচ্ছ জিনিসটা।’ অলিভারের দিকে তাকাল সে হঠাতে। ‘মিষ্টার অলিভার, কেন বিষ খাওয়ানো হল মিস ল্যাটিনিনাকে? কারণ, রোজ রাতে নিয়মিত সাঁতার কাটতে নামত সে সুইমিং পুলে।’

‘ঈশ্বর! চেঁচিয়ে উঠল মিকো।

‘এবং মিসেস ডেন্ভার,’ বলে গেল কিশোর, ‘যতই ছোক ছোক করুক, আগে তো কেউ কোন ক্ষতি করেনি তার। তার গাড়িতে বোমা মারা হল কবে? পুলের পানি পরিষ্কার করবে, বলার পর। মিষ্টার অলিভার, আমরা ক্রিস্টালে তৈরি একটা মূর্তি খুঁজছি। যেটা ওই ছুরির মত জিনিস দিয়েই তৈরি। যেটা পানিতে অদৃশ্য হয়ে যায়।’

‘পুল!’ চেঁচিয়ে উঠল রবিন। ‘পুলের পানিতে লুকিয়ে রাখা হয়েছে মূর্তিটা!'

কেমনেরে হাত রেখে হাসিমুখে উঠে দাঁড়াল কিশোর। ‘আগামীকাল দশ হাজার ডলার দিয়ে মূর্তিটা কিনতে হবে, মিষ্টার অলিভার। কেন? আজই যদি পুল থেকে তুলে নিয়ে আসি ওটা? এখনই উপযুক্ত সময়। বাইরের কেউ নেই এখন বাড়িতে।’

‘ঠিক! ঠিক বলেছ! উত্তেজনায় কাঁপছেন অলিভার।

হাসল কিশোর। রবিন, পেছনের গেটে গিয়ে দাঁড়াও তুমি। কেউ আসে কিনা দেখবে। মুসা, সামনের গেটে তুমি থাকবে। রাস্তার দিকে নজর রাখবে।’

‘তুমি?’ জানতে চাইল মুসা।

‘সাঁতার কাটতে যাব,’ শার্টের বোতাম খুলতে শুরু করেছে কিশোর।

রবিন আর মুসা গিয়ে দাঁড়াল দুই গেটে। কিশোরকে অনুসরণ করে পুলের কিনারে এসে দাঁড়ালেন অলিভার আর মিকো।

খালি গা। ঠাণ্ডায় কেঁপে উঠল কিশোর। একটু দিখা করে নেমে পড়ল সে পানিতে। গলা পনিতে এসে ডুব দিল।

‘অধীর আগ্রহে অপেক্ষা করে রইলেন অলিভার আর মিকো। এত দেরি করছে কেন কিশোর! আসলে তিরিশ সেকেণ্ড যায়নি, এটা খেয়াল করছে না তারা।

ভুসসু করে ভেষে উঠল কিশোর। ডান হাতটা তুলল পানির ওপর। হাতে কিছু একটা ধরা।

‘পেয়েছে! পেয়েছে!’ প্রায় নাচতে শুরু করলেন অলিভার।

‘চুপ! আস্তে!’ থামিয়ে দিল তাকে মিকো।

পুলের কিনারে চলে এল কিশোর। জিনিসটা বাড়িয়ে দিল অলিভারের দিকে।

কাঁপা কাঁপা হাতে নিলেন অলিভার। অপূর্ব একটা শিল্পকর্ম। নিখুঁত সৃষ্টি। পেশীগুলো পরিষ্কার, প্রায় চৌকোনা তেওঁতা মাথাটাকে জ্যাতই মনে হচ্ছে। বড় বড় চোখ দুটো সোনালি, দুই কশে সোনালি ফেনা। সামনের পায়ের নিচ থেকে কানের ডগার উচ্চতা ছয় ইঞ্চি। সামনের দুই পায়ের ফাঁকে ক্রিন্টালে তৈরি মানুষের খুলির একটা খুদে প্রতিকৃতি আৰকড়ে ধৰে রেখেছে। কুকুরটার কোমরে মোটা লম্বা সুতো বাঁধা। ব্রহ্ম, প্রাণ্টিকের সুতো।

‘এত সহজ!’ বলল কিশোর। ‘পানিতে নামারও দরকার হয়নি চোরের। সুতোয় ধৰে আস্তে কৰে পানিতে ছেড়ে দিয়েছে মূর্তিটা, ঢাল বেয়ে ধীরে ধীরে গভীর পানিতে চলে গেছে ওটা। হাত থেকে সুতো ছেড়ে দিয়েছে চোর। স্বচ্ছ সুতো, পানির ভেতৰ অদৃশ্য হয়ে গেছে। কুকুরটার চোখ আৱ কশের ফেনা সোনালি, তলার সোনালি মোজাইকের সঙ্গে মিলে গেছে।’

‘বুদ্ধি আছে চোর-ব্যাটার!’ স্থীকার কৰল মিকো।

‘দিন ওটা।’ অলিভারের দিকে হাত বাড়াল কিশোর।

‘দেব!

‘হ্যাঁ। আবার পুলের তলায় রেখে দেব।’

‘কেন!

‘কারণ, আজ রাতে এটা নিতে আসবে চোর। টেলিভিশন মনিটর অন কৰে দেব। ঘৰে বসেই দেখতে পাৰ চোৱকে।’

‘বুঝেছি,’ মূর্তিটা ফিরিয়ে দিঁতে দিখা কৰছেন অলিভার।

‘দিয়ে দাও, ফ্র্যাঙ্ক,’ বলল মিকো।

‘কিন্তু...কিন্তু মূর্তিটার ক্ষতি হতে পাৰে!...ভেঙ্গেটৈঙে ফেলতে পাৰে...’

‘ভাঙ্গবে না। ও ব্যাপারে হঁশিয়াৰ থাকবে চোর। ভাঙা মূর্তি বিকোবে না।’

ইচ্ছেৰ বিৰুক্তে মূর্তিটা আবার কিশোরের হাতে তুলে দিলেন অলিভার।

ডুব দিয়ে আবার আগেৰ জায়গায় জিনিসটা রেখে এল কিশোর। ঠাণ্ডায় কাঁপতে কাঁপতে পানি থেকে উঠে এল। ‘একটা তোয়ালে আৱ কিছু ন্যাকড়া দৰকাৰ। পুলের ধাৰে এত পানি দেখলে সন্দেহ কৰে বসবে চোৱ। পানিতে নেমেছি, অনুমান কৰে ফেলবে। তাছাড়া চতুৰে ডেজা চুপ থাকা ও উচিত না।’

প্রায় ছুটে চলে গেল মিকো। মিনিটখানেক পঞ্জীয়ি অলিভারের ঘৰ থেকে একটা তোয়ালে আৱ কিছু ছেঁড়া কাপড় নিয়ে এল। তোয়ালেট-কিশোরের হাতে তুলে দিয়ে নিজে পুলের কিনারে ঝাৰে পড়া পানি পরিষ্কার কৰতে লেগে গেল।

দ্রুতহাতে গা মুছতে লাগল কিশোর।

সামনের গেট থেকে ছুটে এল মুসা। ‘এন্ডু আসছে!

‘রবিনকে ডাকো!’ মিকোর দিকে চেয়ে বলল কিশোর, ‘আপনারা দুজন
ওপরে চলে যান!’ তাড়াতাড়ি ভেজা পায়ের তলা মুছে ফেলতে লাগল সে।

সবার শেষে অলিভারের বসার ঘরে চুকল কিশোর। অন্য চারজন আগেই ছুকে
পড়েছে। দরজা বন্ধ করে দিল মিকো। টেলিভিশনের সুইচ অন করল কিশোর।

গেটে দেখা দিল বেড়াল-মানব। চতুর দিয়ে হেঁটে চলল মিজের ঝ্যাটের
দিকে।

‘পুলের দিকে তাকালও না!’ বিড়বিড় করল কিশোর। ভেজা প্যান্ট খুলে
ফেলে তোয়ালে জড়িয়ে নিয়েছে কোঁচীরে।

‘কেন?’ রবিন শুকনো একটা শার্ট এনে দিল বস্তুকে। ‘তাকাল না কেন?’

মনে হয় গেট থেকেই খেয়াল করেছে, পুলের পানিতে টেউ বোঝাই যায়,
কেউ নেমেছিল। কিনারের পানিও পুরোপুরি মুছে ফেলা যায়নি।’

‘ও চোর নয় তাহলে!’ বলল মুসা।

‘হয় চোর নয়, কিংবা সন্দেহ করে ফেলেছে, পুলে নেমেছিল কেউ। মুর্তিটা
পাওয়া গেছে। আড়াল থেকে লক্ষ্য রাখা হচ্ছে তার ওপর। তা যদি হয়ে থাকে,
অসংব মৃত্যু সে... দেখা যাক, কি হয়?’

একটা দুটো করে বেড়াল চুক্তে শুরু করল চতুরে। এন্ডুর ঘরের বারান্দায়
জমায়েত হল কয়েক ডজন। অর্চন্দ্রকারে বসে পড়ল। একপাদা প্লেট হাতে
বেরিয়ে এল এন্ডু। একটা করে প্লেট রাখল প্রতিটা বেড়ালের সামনে। আবার ঘরে
চুকল। বড় একটা পাত্রে করে খাবার নিয়ে বেরোল। প্লেট ভরে খাবার দিল
বেড়ালগুলোকে।

জানোয়াগুলো থাচ্ছে, আর সামনে বসে দেখছে এন্ডু। কথা বলছে ওগুলোর
সঙ্গে। আশ্চর্য শূঁখলা! একে অন্যের সঙ্গে মারামারি করল না বেড়ালগুলো,
কামড়াকামড়ি খামর্চাখামচি কিছুই করল না। শান্তভাবে যার যার প্লেটের খাবার
শেষ করে চলে গৈল একে একে।

প্লেটগুলো নিয়ে আবার ঘরে ছুকে গেল এন্ডু। খানিক পরেই দরজায় তালা
লাগিয়ে বেরিয়ে চলে গেল সে-ও।

টেলিভিশনের পর্দায় একনাগাড়ে চোখ রাখল তিন গোয়েন্দা। এগারোটার
সময় যথারীতি আলো নিবে গেল। বেড়াল-মানবের পর আর কেউ ঢোকেনি
চতুরে। বসার ঘরে বসেই তিনির খেয়ে নিয়েছে ওরা তিনজনে।

জ্যাকেট তুলে নিল মুসা সোফার ওপর থেকে। গায়ে চড়াল। ব্যালকনিতে
যাচ্ছি। লুকিয়ে থেকে চোখ রাখব।’

‘আমিও আসছি,’ উঠে দাঁড়াল কিশোর। টেলিভিশনের সুইচ অফ করে দিল।

‘আমিও,’ রবিনও উঠল। ‘আজ রাতে কিছু একটা ঘটবেই। যিস করতে চাই
না। বঞ্চিত করতে চাই না চোখকে।’

সত্তেরো

মাঝরাতে গেট খোলার শব্দ হল। চতুরে চুকল টমি গিলবাট। ঘরে চলে গেল।
কয়েক মিনিট আলো দেখা গেল তার জানালায়, তারপর নিবে গেল।

ব্যালকনিতে অপেক্ষা করে আছে তিনি গোয়েন্দা।

একটা দরজা খুলল, বন্ধ হল, শোনা গেল মৃদু আওয়াজ।

পুলের ওপাশে একটা ছায়া দেখা গেল। কিশোরের হাত খামচে ধরল মুসা।

ধীরে ধীরে পুলের ধারে এসে দাঁড়াল ছায়াটা। আস্তে করে নেমে পড়ল
পানিতে। ল্যাস্টপোস্টেরু আলো পড়েছে পানিতে এক জায়গায়, দেখা গেল ছোট
ছোট ঢেউ, সাঁতরে এগোছে ছায়াটা।

পুলের ঠিক মাঝখানে দেখা গেল একটা মাথা, আবছা! পরক্ষণেই ডুবে গেল।
পানির নিচে দেখা গেল, আলোর রশ্মি। পানি-নিরোধক টর্চ। নড়াচড়া করছে
রশ্মিটা।

হঠাত নিবে গেল আলো। পানির ওপরে প্রায় নিঃশব্দে ভেসে উঠল আবার
মাথাটা।

যেখান দিয়ে নেমেছিল, সেখান দিয়েই আবার উঠে পড়ল ছায়াটা। ফিরে
চলল। মৃদু শব্দ হল দরজায় খোলা এবং বন্ধ হবার।

আস্তে করে দরজায় টোকা দিল মুসা। প্রায় সঙ্গে সঙ্গেই খুলে গেল দরজাটা।
টমি! ফিসফিস করে বলল সে।

দ্রুত সিঁড়ি বেয়ে নেমে এল তিনি গোয়েন্দা। পেছনে মিষ্টার অলিভার আর
মিকো ইলিয়ট।

অঙ্ককারই রয়েছে টমির জানালা।

‘ছায়াশরীরে বেরিয়েছিল হয়ত! ফিসফিস করল মুসা।

‘শোটেই না!’ সবার আগে দরজায় এসে দাঁড়িয়েছে কিশোর। বেল বজাল।
এক সেকেণ্ড অপেক্ষা করে আবার বাজাল। ‘গিলবাট!’ ডাকল চেঁচিয়ে। ‘গিলবাট,
দরজা খুলুন! নইলে পুলিশ ডাকব। ওরা দরজা ভেঙে চুকবে।’

দরজা খুলে গেল। ঘুমোনৰ পোশাক পরে দাঁড়িয়ে আছে টমি। খালি পা,
আবছা দেখা যাচ্ছে। ‘কি হয়েছে? মাঝরাতে ড্যাকাডাকি কেন? ঘুমিয়েছিলাম...’

ঘরে চুকে সুইচ টিপে দিয়েছে কিশোর। আলো জ্বলে উঠল। ঘাড়ের ওপর
লেপটে আছে টমির ভেজা চুল।

‘ঘুমোলনি,’ শান্ত কষ্টে বলল কিশোর। ‘পুলে নেমেছিলেন।’

‘না-আ! আমি...,’ খেয়ে গেল টমি। চুল বেয়ে টপ করে পানি পড়েছে এক
ছায়াশ্বাপন।

ফোটা। 'আমি শাওয়ারে গোসল করছিলাম।' 'আগে বললেন ঘুমিয়েছিলেন, এখন শওয়ার। দুটোই মিথ্যে কথা,' শুধরে দিল কিশোর। 'আসলে পুলে নেমেছিলেন। পুলের ধার থেকে আপনার দরজা পর্যন্ত এসেছে ভেজা পায়ের ছাপ।'

দরজার বাইরে তাকাল টমি। সত্যিই, দরজায় ভেজা ছাপ। কাঁধ ঝাঁকাল সে। 'বেশ, নেমেছিলাম পুলে। তাতে কোন মহত্বারত অঙ্ক হয়ে গেল? সারাদিন পরিষ্কার করেছি, সাঁতার কেটে শাস্ত করে নিয়েছি শরীরটাকে।'

'হাউটো কোথায়?' প্রায় চেঁচিয়ে উঠলেন অলিভার। 'বজ্জাত! চোর!'

'কি যা-তা বলছেন!' কিছুই বুঝতে না পারার ভাব। কিন্তু সামাল দিতে পারল না টমি। বিশ্বাসঘাতকতা করেছে চোখ, বাট করে ঘুরে গেছে রান্নাঘরের দিকে।

'কোন একটা তাকে রেখেছেন নিচয়,' রান্নাঘরের দরজার দিকে চেয়ে আছে কিশোর। 'খুব বেশি তাড়াতাড়ি চলে এসেছি। লুকোন সময় পাননি।'

'মাথা খারাপ হয়ে গেছে তোমার!' বিড়ভিড় করল টমি।

'মিষ্টার অলিভার,' বলল কিশোর। 'পুলিশই ডাকুন। সঙ্গে একটা সার্চ ওয়ারেন্ট নিয়ে আসতে বলবেন।'

'জোর করে কারও বাড়ি সার্চ করার নিয়ম নেই!' বলল টমি। 'তাছাড়া মাঝরাতে ওয়ারেন্ট জোগাড় করতে পারবে না পুলিশ।'

'সেটা তাদের ব্যাপার,' শাস্ত কিশোর। 'না পারলে সকালতক অপেক্ষা করব। ইতিমধ্যে চতুর থেকে নড়ছি না। আপনার ফ্ল্যাট ঘরে রাখব আমরা। আমাদের চোখ এড়িয়ে বেরোতে পারবেন না, মৃত্তিটা কোথাও ফেলেও দিয়ে আসতে পারবেন না।'

'তোমরা...তোমরা তা করতে পার না!' চেঁচাতে শুরু করেছে টমি। 'আমাকে, আমাকে অপমান করা হচ্ছে!'

'অপমান করলাম কোথায়?' হাত নাড়ল কিশোর। 'চতুরে বসে থাকব আমরা, আপনার দরজার দিকে চেয়ে থাকব, এতে কোন দোষ ধরতে পারবে না উকিল। কেন অযথা বামেলা বাড়াচ্ছেন? মৃত্তিটা দিয়ে দিন, আমরা সব ভুলে যাব। পুলিশ ভাকার দরকারই হবে না।'

ঝাড়া কয়েক সেকেণ্ড কিশোরের দিকে চেয়ে রইল টমি। পিছিয়ে গেল দরজার কাছ থেকে। 'চুলোর ভেতরে রেখেছি।' মুখ কালো হয়ে গেছে তার। 'খামোকা এস্ব করতে গেলেন, মিষ্টার অলিভার। মৃত্তিটা আপনাকেই দিয়ে দিতাম।'

ব্যঙ্গ করে হাসলেন অলিভার। 'তাই নাকি? নিচয় দশ হাজার দেবার পর?'

'দশ হাজার!' সত্যিই বিস্মিত হয়েছে টমি। 'কিসের দশ হাজার?'

'জানেন না?' জিজেস করল কিশোর। 'সত্যিই জানেন না টাকাটার কথা?'

ধীরে ধীরে মাথা নাড়ল টমি। 'ভেবেছিলাম, মৃত্তিটা মিষ্টার অলিভারকে দিলে

কিছু পরকার পাব। কিন্তু দশ হাজার ডলার, জানতাম না!

টমির পাশ কাটিয়ে গিয়ে রান্নাঘরে চুকলেন অলিভার। প্রায় সঙ্গে সঙ্গেই ফিরে এলেন আবার। হাতে হাউগের মূর্তি। কোমরে বাঁধা সুতো মূর্তির শরীরে পেঁচানো।

‘মিষ্টার অলিভার,’ বলে উঠল কিশোর। ‘টমি চোর নয়। ঘুমের ভেতরে তার ছায়াশরীর শুধু ঘরে বেড়ায়, দেখে, শোনে। তার বেশি কিছু করতে পারে না।’

চমকে উঠল টমি। ফেকাসে হয়ে গেল চেহারা। উঠল-নামল কষ্টা, ঢেক গিলেছে।

‘কি দেখেছিলেন, গিলবার্ট?’ প্রশ্ন করল কিশোর। ঘুমের ঘোরে মৃত্তিটার ব্যাপারে কি দেখেছিলেন? কি শনেছিলেন?’

কাঁপছে টমি। ‘ইচ্ছে করে দেখিনি, শনিওনি! ছায়াশরীর ঘুরে বেড়ায়, এতে আমার কোন দোষ নেই! ওটা এক ধরনের স্বপ্ন।’

‘কি দেখেছেন স্বপ্নে?’ আবার প্রশ্ন করল কিশোর।

‘একটা কুকুর, কাচের। দেখলাম, অনেক রাতে, অন্ধকারে পুলের ধারে এসে বসল একটা মানুষ। পানিতে নামিয়ে রাখছে বৃক্ষের কুকুরটা। মুখ ঢেকে রেখেছিল মানুষটা,’ চিনতে পারিনি।’

‘আমার মনে হয়,’ সঙ্গীদের দিকে ফিরল কিশোর, ‘টমি গিলবার্ট সত্যি কথাই বলছেন।’

আঠারো

রক্ত ফিরে আসছে টমির মুখে। ‘দেখ, কিশোর, মৃত্তিটা আমি পুল থেকে তুলে এনেছি ঠিকই। কিন্তু সত্যি বলছি, ওটা সকালেই দিয়ে দিতাম মিষ্টার অলিভারকে। আমি ওটা চুরি করিনি।’

‘বুঝতে পারছি,’ বলল কিশোর, ‘আপনি করেননি। চুরিটা যখন হয়, আপনি ঘুমিয়ে ছিলেন! তবে, মৃত্তিটা তুলে সঙ্গে সঙ্গে মিষ্টার অলিভারের কাছে যাওয়া উচিত ছিল। লুকিয়ে রাখলেন কেন? কাজটা অন্যায় করেছেন।’

দেয়ালে হেলান দিয়ে দাঁড়াল মিকো। ‘যাও, জলদি কাপড় বদলে এস, টমি। অলিভারের ঘরে থাকবে। তোমাকে চোখে চোখে রাখতে পারব।’

জুলন্ত চোখে মিকোর দিকে তাকাল টমি। ‘আপনি-আমাকে আদেশ করার কেন?’ চেঁচিয়ে উঠল। ‘বাড়িটা কি আপনার?’

‘একই কথা তোমার বেলায়ও খাটে,’ বলে উঠলেন অলিভার। ‘ছায়াশরীরেই হোক আর তরল শরীরেই হোক, তুমি আমার ঘরে ঢোকো কার হকুমে? মিকো যা বলছে কর, নইলে জেলের ভাত খাওয়াব, চুরি করে অন্যের ঘরে ঢোকার অপরাধে। ঢোরাই মাল লুকিয়ে রাখার অপরাধে।’

ঘটকা দিয়ে ঘুরে দাঁড়াল টমি। গটমট করে হেঁটে গিয়ে চুকল শোবার ঘরে। টান দিয়ে খুল আলমারির পাণ্ডা। কয়েক মুহূর্ত পরে বন্ধ করে দিল ধাক্কা দিয়ে। মিনিট কয়েক পরেই কিনে এল সে। গায়ে কালো সোয়েটার, পরনে হালকা রঙের প্যান্ট।

‘রাতটা আমার বসার ঘরে কাটিবে, এবং ঘুমোতে পারবে না।’ কড়া আদেশ জারি করলেন অলিভার।

গোমড়ামুখে মাথা বৌকাল টমি।

মৃত্তিটা এক হাত থেকে আরেক হাতে নিলেন অলিভার। ‘কিশোর, তুমি বলেছিলে, আজ রাতে চোরটাকে ধরবে?’

‘ধরতে তো চাই। তবে চেঁচামেটি করে ভাগিয়ে দিলাম কিনা, কে জানে। এখনও সময় আছে অবশ্য। আবার ফিরে আসতে পারে সে।’

নীরবে মৃত্তিটা কিশোরের হাতে তুলে দিলেন অলিভার। মিকো আর টমিকে নিয়ে রওনা হলেন তাঁর ঘরে।

আবার আস্তে করে পুলের পানিতে মৃত্তিটা ছেড়ে দিল কিশোর। দুই সঙ্গীকে নিয়ে বসল ব্যালকনিতে। ঠাণ্ডা, অঙ্কর দীর্ঘ মুহূর্তগুলো পেরিয়ে গেল ধীরে ধীরে। পুর আকাশে ধলপহর দেখা দিল; ধীর পায়ে এগিয়ে এল শীতের কুয়াশামাখা ধূসর ভোর। চোর আর এল না সে রাতে।

‘আরও আগেই বোঝা উচিত ছিল,’ লাল চোখ ডলছে কিশোর। ‘চোরটার আসার কোন দরকারই নেই। আগে টাকাটা নিয়ে নেবে মিষ্টার অলিভারের কাছ থেকে, তারপর জানিয়ে দেবে কোথায় রেখেছে হাউণ্ডের মৃত্তি। খুব সহজ। কেন খামোকা নিজে ওটা তুলে নিতে আসার ঝুঁকি নেবে?’

পেছনে খুলে গেল দরজা। দাঁড়িয়ে আছেন অলিভার। ‘নশতা?’ ফিটফাট পোশাক পরনে, বেশ তাজা দেখাচ্ছে তাঁকে।

সবাই খেতে বসল, টমি গিলবাট ছাড়া। কাজের ঘরে একটা চেয়ারে বসে আছে গোমড়ামুখে। কিছু খেতে কিংবা কারও সঙ্গে কথা বলতে চায় না সে।

নশতা শেষ করেই কাজে লেগে গেল কিশোর। পুরানো একগাদা খবরের কাগজ আর কাঁচি নিয়ে বসল। কেটে কেটে একের পর এক আয়তক্ষেত্র বানাচ্ছে। প্রতিটি ক্ষেত্র দুই ইঞ্চি চওড়া, পাঁচ ইঞ্চি লম্বা।

‘কি করছ?’ আর থাকতে না পেরে জিজ্ঞেস করে ফেলল রবিন।

‘শিগগিরই চোরটা জানাবে, কখন টাকা দিতে হবে তাকে। ওর জন্যে টাকার জোড়া তৈরি করে রাখছি,’ হাসল কিশোর। ‘কুকুরটা কোথায়, জানেন এখন মিষ্টার অলিভার। কাজেই সত্যি সত্যি টাকা দেবার কোন দরকারই নেই আর।’

‘তাহলে ওই কাগজের তোড়া দেবারই দরকার কি?’ জানতে চাইল মুসা।
‘চোরটা কে জানার জন্যে,’ বলল কিশোর। ‘তোড়াগুলোতে ম্যাজিক

অয়েন্টমেন্ট মাখিয়ে দেব। কাগটা ফেলে দিয়ে এলেই হল। তোড়ায় হাত দেবে চোর, কালো দাগ পড়ে যাবে হাতে, তারপর চেপে ধূর ওকে।

‘এমন ভাবে বলছ, যেন লোকটা আমাদের পরিচিত,’ বললেন অলিভার।

‘অবশ্যই পরিচিত,’ কিশোরের গলায় খুশির আমেজ। ‘ও জানে, লারিসা ল্যাটিনা চকলেটের পাগল। জানে, মিসেস ডেনভার ভোর রাত চারটেয় বাজার করতে যায়। নিশ্চয় চোর এ-বাড়ির ভোড়াটে।’

‘ব্রায়ান এন্ডু! চেঁচিয়ে উঠল মুসা। ‘ও ছাড়া আর কেউ না! ’

হাসল শুধু কিশোর, কিছু বলল না।

‘তুমি জান, সে কে?’ জিজেস করলেন অলিভার।

‘জানি, কিন্তু প্রমাণ করতে পারব না,’ বলল কিশোর। ‘টাকাটা নিতে এলে প্যাকেটটা ধরলে, তখন আর অসুবিধে হবে না। ’

নীরবে কাজ করে চলল কিশোর।

ডাকপিহন এল বেলা দশটায়। ততক্ষণে দশটা তোড়া বানিয়ে ফেলেছে কিশোর। সাজিয়ে রেখেছে বসার ঘরের টেবিলে।

ডাকবাবে একটা মাত্র চিঠি ফেলে গেল পিয়ন।

খামটা নিয়ে এল কিশোর। ওপরে টাইপ করে লেখা অলিভারের ঠিকানা। তাঁর দিকে তাকাল গোয়েন্দাখান। মাথা কাত করলেন অলিভার।

খামটা ছিড়ে ফেলল কিশোর। ভেতর থেকে বেরোল একটা ভাঁজ করা কাগজ। তাতে টাইপ করে ইংরেজিতে লেখা: “বাদামী কাগজে মড়ে টাকাওলো পার্কের কোণের ডাস্টবিনে ফেলে দ্রুতে আসতে হবে আজ বিকেল ঠিক পাঁচটায়।”

খামটা উল্টে পাল্টে দেখল কিশোর। উইলশায়ার ডাকঘরের ছাপ। গতকালের তারিখ। ‘গড’ হাসল গোয়েন্দাখান। অয়েন্টমেন্ট মাখাতে শুরু করল কাগজের তোড়ায়। সবকটা তোড়াতে ভালমত মাখাল। তারপর বাদামী একটা বড় কাগজ পেঁচিয়ে সুন্দর করে প্যাকেট করল। বাইরে থেকে বোঝার কোন উপায় নেই, ভেতরে টাকা আছে, না শুধু খবরের কাগজ কাটা।

‘ব্যস, হয়ে গেল,’ অলিভারের দিকে তাকাল কিশোর। বিকেল পাঁচটায় গিয়ে ডাস্টবিনে প্যাকেটটা রেখে আসবেন। দস্তানা পরে নেবেন। প্যাকেটের ওপরেও মলম মাখিয়েছি। আগে পুলিশে একটা ফোন করে নেবেন। হ্যাত প্যাকেটটা তুলে নেবার সময়ই চোরকে ধরতে পারবে ওরা। ’

‘যদি অন্য কেউ তুলে নেয় প্যাকেটটা?’ রললেন অলিভার। সুন্দর প্যাকেট। কোন ছেলেছোকার চেষ্টে পড়লে তুলে নিতেও পারে। ’

‘তা পারে। তবে সেটা হতে দেবে না চোর। নিশ্চয় আড়ালে ঘাপটি মেরে বসে থাকবে। আপনি ফেলে দিয়ে আসার সঙ্গে সঙ্গে এসে তুলে নেবে। ’

‘আমরা কি যাব?’ জানতে চাইল মুসা।

ইঁয়া। পাঁচটায় আমরাও গিয়ে লুকিয়ে থাকব, চোখ রাখব ডাষ্টবিন্টার ওপর। মিষ্টার অলিভার, আপনি আমাদেরকে দেখাব চেষ্টা করবেন না। কোনদিকেই তাকাবেন না; সোজা গিয়ে প্যাকেটটা ফেলে রেখে চলে আসবেন।'

উনিশ

বিকেল চারটে পঁয়তাঙ্গিশ মিনিট।

রেকটরির পাশের ছোট খুলের বোপে লুকিয়ে বসে আছে তিন গোয়েন্দা। রাস্তার ধারের ছোট পাকটা নিঝন। শুধু একজন বাড়ুদার রয়েছে। একটা ঝুঁড়ি আর ঝাড়ু হাতে নিয়ে পার্কের ময়লা পরিষ্কার করছে। চকলেটের মোড়ক, বিস্কুটের বাঞ্চ, ছেঁড়া কাগজের টুকরো-টাকরা ইত্যাদি তুলে নিয়ে রাখছে ঝুঁড়িতে। তরে নিয়ে গিয়ে ফেলে দেবে ডাষ্টবিনে।

'উইলশায়ারের দিক থেকে আসবে চোর,' ফিসফিস করে বলল কিশোর।

একটা খবরের কাগজের ভ্যান এসে থামল পার্কের গেটের সামনে। পেছন থেকে লাফিয়ে নামল একজন হকার, বগলে একগাদা কাগজ। পথের পাশের ফুটপাতে কাগজগুলো সাজিয়ে রাখতে শুরু করল। চলে গেল ভ্যানট। খদ্দেবের অপেক্ষা করছে হকার। পরিচিত দৃশ্য।

ছেলেদের মাথার ওপরে নিঃশব্দে খুলে গেল একটা জানালা। 'মনে হয়,' শোনা গেল একটা পরিচিত কণ্ঠ; 'তোমরা আমার ঘরে এসে বসলেই বেশি আরাম পাবে। বাইরে ঠাণ্ডা।'

মুখ তুলে তাকাল মুগ্ধ। খোলা জানালায় মুখ বাড়িয়ে আছে ফাদার স্থিথ। দাঁতের ফাঁকে পাইপ। 'ওই ওপরের ভেতরে কেন? ঘরে এস।' সামনের দরজা খুলে দিছি। ঘুরে চল এস।'

অনুভব করল কিশোর, বাঁকা করছে কান।

'এত ছোট বোপে লুকোনো যায় না,' আবার বললেন ফাদার। 'দেখে ফেলবেই। চলে এস। আবার পুলিশের কাজে নাক গলাছ, দেখলে খেপে যাবে ওরা।'

আর কি করবে? উঠে দাঁড়াল তিন গোয়েন্দা। রেকটরির পাশ ঘুরে এসে দাঁড়াল সদর দরজার সামনে। খুলে গেল দরজা। ভেতরে ঢুকে পড়ল তিন গোয়েন্দা।

'তোমাদেরকে আসতে দেখেছি,' বললেন ফাদার। 'ওই যে দু'জন লোক একজন বাড়ুদার, আরেকজন হকার, কারও জন্যে অপেক্ষা করছে ওরা। ব্যাপারটা কি? গির্জায় চোর ঢোকার সঙ্গে কোন সম্পর্ক আছে?'

'ওরা দু'জন কারও অপেক্ষা করছে, কি করে জানলেন?' পাল্টা প্রশ্ন করল কিশোর। 'আমরা তো বুঝতে পারিনি!'

‘একজনকে চিনি আমি,’ হাসলেন ফাদার। ‘ছয়বেশ নিয়েও কাঁকি দিতে পারেনি আমাকে। সার্জেন্ট হেগান। হাসপাতালে পলকে জেরা করতে গিয়েছিল। ওখানেই ওর সঙ্গে পরিচয় হয়েছে আমার। অন্য লোকটাকে চিনি না। তবে হকার সে ময়, বাজি রেখে বলতে পারি।’

‘ধর্মপ্রচারে না এসে ডিটেকটিভ হওয়া উচিত ছিল আপনার, ফাদার।’ বলে উঠল রবিন। ‘পল কেমন আছে?’

‘ভালই। চোর ওকে মেরেছে, এতে দৃঢ়ৎ পাওয়ার চেয়ে খুশিই হয়েছে সে বেশি। অবরের কাগজে নাম উঠেছে তার। বোকা গাধা।’ দাঁতের কাঁক থেকে পাইপ সরালেন ফাদার। ‘বোকা মেরে মানুষটাও নেই আজ, বিকেলটা ছুটি। কোথায় জানি গেছে। এখানে, এই পার্সারে দাঁড়িয়ে পাইপ টানতে পারছি সেজন্যেই। নইলে এতক্ষণে চেঁচিয়ে আমার মাথা খারাপ করে দিত।’

হেসে ফেলল কিশোর। স্বাত ঘড়ির দিকে তাকাল। ‘পাঁচটা বাজে আয়! ঘোষণা করল সে।

মিষ্টার অলিভারকে আসতে দেখা গেল, তাতে বাদামী কাগজের প্যাকেট। পার্কে যাওয়ার রাস্তাটার মাথায় এসে দাঁড়িয়ে পড়লেন। কোণের দিকে একটা ডাঁটবিন, উপচে পড়েছে, এখান থেকেই দেখা যাচ্ছে। এগিয়ে গিয়ে ওটার সামনে দাঁড়ালেন অলিভার। এদিক ওদিক তাকালেন, তারপর কয়েকটা বাক্সের ওপর আস্তে করে রেখে দিলেন প্যাকেটটা। আর কোনদিকে না তাকিয়ে হন হন করে হেঁটে ফিরে আসতে শাগলেন।

আয় সঙ্গে সঙ্গে উইলশায়ারের রাস্তার মোড়ে দাঁড়ানো লোকটা হাঁটতে শুরু করল। ভবসূরে। হেঁড়া ময়লা কোট, নিচে শার্ট নেই। প্যান্টের এক পায়ের নিচের দিকক বুল প্রায় আধ হাত নেই, ছিঁড়ে পড়ে গেছে কোনু কালে।

‘আহা! আস্তে মাথা নাড়লেন ফাদার। ‘বেচোরা।’

পার্কের গেটের দিকে এগিয়ে ভবসূরে। তার কাছ থেকে কয়েক পজ দূরে রয়েছে বাড়ুদার। মুঝে ঘাসের ওপর পড়ে থাকা কি যেন তুলছে। কাগজ শুনছে হকার।

ডাঁটবিনের কাছে এসে দাঁড়াল ভবসূরে। ডাঁটবিন ঘাঁটতে শুরু করল। পরিভ্রান্ত খাবার খুজছে যেন। কয়েক মুহূর্ত পরেই সোজা হয়ে দাঁড়াল সে। হাতে বাদামী প্যাকেট। চোখের পলকে অদৃশ্য হয়ে গেল ওটা তার কোটের ভেতরে। শাকিয়ে উঠে দাঁড়াল হকার। ছুটল ভবসূরের দিকে।

হাত থেকে বাড়ু-বুড়ি কেলে দিয়ে ছুটল সার্জেন্ট হেগান।

মুটো লোককে ধ্রায় একই সঙ্গে ছুটে আসতে দেখল ভবসূরে। সুরেই সে ছুটল উচ্চে দিকে। জানালার চৌকাঠে উঠে গেল মুসা। লাকিয়ে পড়ল বাইরে, মাটিতে।

তীক্ষ্ণ হর্ন বাজাল একটা ছুট্ট কার, কোমরতে পাশ কাটিয়ে ভবসূরেকে থাকা

দেয়া এড়াল। কেয়ারই করল না লোকটা। ছুটছে প্রাণগণে।

প্রায় সাকিয়ে এসে রাতায় উঠল মুসা, ছুটল। চেঁচিয়ে উঠল একজন পুলিশ, রিভলভারের মুখ আকাশের দিকে করে বাতাসে শলি ছুঁড়ল। রাতার মোড়ে পৌছে গেছে তবঘূরে, ডানে ঘুরে ছুটে অদৃশ্য হয়ে গেল।

‘আর ধাকতে পারছি না, ফাদার!’ বলেই জানালাৰ চৌকাঠে উঠে বসল কিশোৱ। সাকিয়ে নামল মাটিতে। ছুটল। তাকে অনুসৰণ কৰছে রবিন।

‘এই যে, ছেলেৱা!’ চেঁচিয়ে উঠল একজন পুলিশ, যে হকারেৱ ছফ্বেশ নিয়েছে, ‘পথ থেকে সৱ! গোলাগুলি চলতে পাৱে!’

শী কৰে মোড় নিল একটা কোয়াড কাৰ, টাইয়াৱেৱ কৰ্কশ শব্দ উঠল। কাছে চলে এল নিমেষে। জানালা দিয়ে মুখ বেৱ কৰে আছে একজন পুলিশ। চেঁচিয়ে তাকে বলল সার্জেন্ট হেগান, ‘সামনেৰ মোড়েৱ দিকে গৈছে?’

‘দাঁড়া!’ পেছন থেকে চেঁচিয়ে ডাকল কিশোৱ।

ফিৰে তাকাল সার্জেন্ট। গাঁড়িটা দাঁড়িয়ে পড়েছে। কিশোৱেৱ গলা শনে দাঁড়িয়ে গেছে মুসাও।

‘কি হল?’ জিজ্ঞেস কৰল হেগান।

‘তাড়াহড়োৱ কিছু নেই,’ কাছে এসে দাঁড়াল কিশোৱ। হাঁপাষ্টে। ‘কোথায় গেছে লোকটা, জানি আমি। খুকোতে চেষ্টা কৰবে না সে। চমৎকাৰ অ্যালিবাই রয়েছে।’

‘ও, তুমই সেই ছেলে, যাৱ প্ৰশংসায় পঞ্জমুখ মিষ্টার অলিভার,’ বলল সার্জেন্ট। ‘তো খোকা, কোথায় পাওয়া যাবে তাকে?’

‘এখান থেকে মাত্ৰ কয়েক বুক দূৰে। হ্যামলিন ক্লিনিকে।’

কোয়াড কাৰেৱ জানালা দিয়ে মুখ বাড়িয়ে সবই শনল পুলিশ অফিসাৱ। ডাকল, ‘এস, গাঁড়িতে ওঠ।’

পেছনেৱ সিটে উঠে বসল তিনি গোয়েন্দা। দেখতে দেখতে ক্লিনিকেৱ গেটে পৌছে গেল শাঢ়ি। বাটকা দিয়ে খুলে গেল দু'পাশেৱ দৱজা। সাকিয়ে নমে এল আঝোইৰা।

রিসেপশন রুমে চুকে পড়ল ওৱা ছড়মুড় কৰে। চোখ তুলে তাকাল রিসেপশনিস্ট। কিছু বলাৱ জন্মে মুখ খুলেই চুপ হয়ে গেল। তাকে কেউ কিছু জিজ্ঞেস কৰল না। পাশ কাটিয়ে চুকে পড়ল বারান্দায়।

দুপদাপ সিডি ডিঙিয়ে দোতলায় উঠে এল ওৱা। ধমকে দাঁড়াল ডিউটি-নার্স। ‘কাকে চাই? রিসেপশন আমাকে কিছু বলল না তো।’

‘দৱকাৰ নেই,’ বলল কিশোৱ। ছুটে গেল বারান্দা দিয়ে। তাৱ পেছনে আৱ সবাই। হাঁ কৰে চেয়ে রইল নার্স।

দৱজা বঞ্চ জ্যাকবসেৱ কেবিনেৱ। ধাক্কা দিয়ে খুলে ভেতৱে চুকে পড়ল

কিশোর।

বিছানায় শয়ে আছে জ্যাকবস। গলার কাছে টেনে দিয়েছে কম্বলটা। বিছানার উল্টোদিকের দেয়াল মেঝে রাখা টেলিভিশনটা অন করা।

চোখ ফিরিয়ে তাকাল জ্যাকবস। 'কি ব্যাপার?'

'প্যাকেটা কোথায়, মিষ্টার জ্যাকবস?' জিজেস করল কিশোর। 'আলমারিতে? নাকি কম্বলের তলায় নিয়ে শয়ে আছেন?'

উঠে বসল জ্যাকবস। মুখ লাল হয়ে গেছে, শ্বাস ফেলতে কষ্ট হচ্ছে যেন। গাঁথকে থসে পড়ে গেল কম্বল। চেক চেক একটা জ্যাকেট গায়ে, নিচে শার্ট নেই।

টান দিয়ে আলমারির পাণ্ডা খুলে ফেলল কিশোর। ওপরের তাকেই পাওয়া গেল প্যাকেটটা। খোল হয়নি এখনও।

শুঙ্গিয়ে উঠল জ্যাকবস।

'প্যাকেটটা ধরেছেন,' বলল কিশোর। 'আগন্তুর হাতে মলম লেগে গেছে।' শিগগিরই ডরে যাবে ক্যালো কালো দাগে।'

চোখের সামনে হাত নিয়ে এল জ্যাকবস।

সামনে বাড়ল সার্জেন্ট হেগান। 'উকিলকে ডাকবেন নাকি?'

'আর উকিল ডেকে কি করব?' দীর্ঘশ্বাস ফেলল জ্যাকবস।

কিশোরের দিকে ফিরল সার্জেন্ট। অলিভার বললেন, 'তোমরা খুব চালাক! ঠিকই বলেছেন। সুন্দর অ্যালিবাই! প্রাইভেট হসপিটাল! কে জবতে পেরেছিল...'

'নিজের ফ্ল্যাটে নিজেই আগুন লাগিয়েছেন জ্যাকবস,' বলল কিশোর। 'হাসপাতালে ভর্তি হওয়ার জন্যে। তিনি জানেন, এ-সময়ে এ-হাসপাতালে রোগীর ভিড় থাকে না। শহরের বেশির ভাগ লোকই বাইরে চলে গেছে বড় দিনের ছুটিতে। কলে ডিউটি-নার্স আর ডাক্তারের সংখ্যাও কমিয়ে দেয়া হয়। ওদের চোখ এড়িয়ে কয়েক মিনিটের জন্যে বেয়িয়ে যাওয়া কিছু না। ভাছাড়া হাসপাতালটা বাসার কাছে। হাসপাতালের পেছনে বাড়ুদার ঢেকার পথ দিয়ে সহজেই ঢেকা কিংবা বেরোনও যায়। আসলে কিন্তু খুব বেশি আহত হননি জ্যাকবস। যা হয়েছে, তার চেয়ে বেশি করেছেন তান। গাঁটের পয়সা খরচ করে কেউ যদি প্রাইভেট হাসপাতালে আসতে চায়, ডাক্তারদের কি? তাই তাঁর এখানে আসার ব্যাপারে সেন্ট্রাল হাসপাতালের ডাক্তাররাও আপত্তি করেননি। তাই না, মিষ্টার জ্যাকবস?'

বিশ

শহরের বাইরে গিয়েছিলেন চিত্র-পরিচালক ডেভিস ক্রিটোফ্রার। জানুয়ারির মাঝামাঝি ফিরে এলেন।

অফিসে, বিশাল ডেকের ওপাশে বসে আছেন চিত্র-পরিচালক। এ পাশে ছায়াধাপদ।

বসেছে তিনি গোয়েন্দা। গভীর মনোযোগ দিয়ে একটা রিপোর্ট পড়ছেন মিষ্টার ক্রিস্টোফার। দীর্ঘক্ষণ পরে মুখ ঝুললেন। 'চমৎকার! রবিন লিখেছেও বুঢ়িয়ে। নিজের ছায়াদেহ নিয়ে ঘূরতে বেরোনো! সাংঘাতিক ব্যাপার! বড় বড় ভূতও ওন্দাদ মানবে টমি গিলবাটকে!'

'ওর এই বিশেষ ক্ষমতার কথা সে একবারও বীকার করেনি,' বলল রবিন। 'বলে, বল দেখে। কিন্তু প্রফেসর লিসা বোজারের কাছে সব শুনে এসেছি। কিভাবে স্বপ্ন দেখে টমি, জানি আমরা।'

'হ্যাঁ,' কিশোরের দিকে ফিরলেন চিত্র-পরিচালক। 'কিশোর, কি করে জানলে, জ্যাকবসই চোর?'

'কিছু যোগ কিছু বিয়োগ করে,' কাশি দিয়ে গলা পরিষ্কার করল কিশোর। 'গ্রথমেই সন্দেহ করলাম, চোর মিষ্টার অলিভিয়ারের ভাড়াটেদের কেউ হবে। সে জানে গির্জার চাবি রেকটরির কোথায় রাখা হয়। মিস ল্যাটিনিনা আর মিসেস ডেনভারের সভাবচরিত্র জানা ও তাদের কাছাকাছি যারা থাকে, তাদের পক্ষেই সহজ। জান, ওই দু'জনকে সরাতে পারলে পুলটা নিরাপদ। টমিকে সন্দেহ করলাম। পরে বুঝল, সে চোর নয়। চুরিটা যখন হয়, সে ঘুমিয়েছিল তার ঘরে। একই সময় দু'জায়গায় থাকার ক্ষমতা অবশ্য তার আছে। তবে বড় জোর দেখতে এবং শুনতে পারে ছায়াশরীরে যখন থাকে। কোন জিনিস নাড়াচাড়া করতে পারে না। তার মানে ছায়াশরীর নিয়ে কারও ঘরে চুক্তে কোন জিনিস চুরি করতে পারে না সে। বাদ দিলাম তাকে সন্দেহ থেকে। বর বারোজকেও সহজেই বাদ দেয়া গেল। সে ছিলই না চুরির রাতে প্যাসিও প্লেস। পুরুষ ভাড়াটেদের মাঝে বাকি রইল ব্রায়ান এন্ডু, আর জ্যাকবস। চুরির সময় ও-বাড়িতে দু'ইজনের কাউকেই দেখা যায়নি। দু'জনেই শুনেছে, মিসেস ডেনভারের পুলের পানি পরিষ্কার করার কথা। পরে মনে পড়েছে আমার, কথাটা শুনে একটু যেন চমকে উঠেছিল জ্যাকবস। এন্ডুর কোন ভাবাত্তরই হয়নি। তাছাড়া সে রাতে গাড়ি নিয়ে কোথাও বেরিয়েছিল জ্যাকবস।'

'নিশ্চয় বোমার সরঞ্জাম কিনতে?' বলে উঠলেন চিত্র-পরিচালক। 'এসব জিনিস বাড়িতে রাখে না সোকে হবহামেশা।'

'অতি সাধারণ করেকটা কেমিক্যাল কিনে নিয়ে এল জ্যাকবস,' আবার বলল কিশোর। 'সাধারণ একটা বোমা বানিয়ে বসিয়ে রাখল মিসেস ডেনভারের গাড়ির ইঞ্জিনে। গোটেই মাঝাঝক ছিল না বোমাটা। প্রচণ্ড শব্দ আর ধোঁয়া বেরোনৰ জন্যে তৈরি, ক্ষতি সামান্যই করে। ভয় দেখিয়ে মহিলাকে তাড়াতে চেয়েছে আসলে জ্যাকবস। বাতে অন্তত দুটো দিন পুলটা পরিষ্কার করাতে না পুরু ম্যানেজার। রহস্যটা সমাধান প্রাপ্ত করে এনেছিলাম, কিন্তু ঘরে আগুন লাগিয়ে একটা গোলকধারণ ফেলে দিল আমাকে জ্যাকবস। আগুন লাগাটা দুর্ঘটনা নয়, তখনই

বুঝেছি। খটক লাগল। সিগারেটের ব্যাপারে খুবই সতর্ক জ্যাকবস, সঙ্গে অ্যাশট্রে নিয়ে ঘোরে, ছাই থেকে আগুন মেঘে ঘাবার ভয়ে। ধরে নিলাম, এন্ডু চোর। আগুন লাগিয়ে জ্যাকবসকেও সরাতে চয়েছে। কিন্তু প্রশ্ন জাগল মনে, কেন সরাতে যাবে? পুলের সঙ্গে জ্যাকবসের কোম সম্পর্ক নেই। কোন যুক্তি খুঁজে পেলাম না। দ্বিধায় পড়ে গেলাম। সমস্যাটির সমাধান হয়ে গেল, যখন ঠিঠি নিয়ে এল পিয়ান। খামে উইলশায়ার পোষ্ট অফিসের ছাপ। তাছাড়া সময় ঠিক করেছে বিকেল পাঁচটা, বেড়ালকে খাবার খাওয়ার সময় তখন এন্ডুর। কিছুতেই এই সময়ে টাকা আনতে যাবে না সে। শিওর হয়ে গেলাম, জ্যাকবসই চোর।

হাসলেন চিত্র-পরিচালক। 'ঠিক। পাঁচটায় কিছুতেই অনুপস্থিত থাকবে না এন্ডু। মোটেল থেকে এসেও বেড়ালদেরকে খাওয়ায়। একবার গরহাজিরা দিলেই চেঁচিয়ে পাড়া মাথায় তুলবে বেড়ালের পাশ। বেড়াল-মানবের অনুপস্থিতি জানিয়ে দেবে। কিছুতেই এই খুঁকি নিত না এন্ডু হলে। ঠিকই ভেবেছ তুমি।' ভুরু কেঁচকালেন মিটা ক্রিটোফার। 'কিন্তু চুরি করতে গেল কেন জ্যাকবস? টাকার এতই টান পড়েছিল?'

'টান পড়েছিল, পুলিশের কাছে খীকার করেছে জ্যাকবস। তার ব্যবসা খুব মনো যাছিল। অনেক খার হয়ে গিয়েছিল ব্যাংকে। এমনিতেই টাকা পরিশোধ করতে না পারার দায়ে জেলে যেতে হত তাকে। কাজেই নিয়েছে খুঁকি।'

'সেই পুরানো প্রবাদ!' দীর্ঘশ্বাস ফেললেন চিত্র-পরিচালক। 'অভাবে স্বত্ত্বাব নষ্ট! নইলে জ্যাকবসের মত লোক একাজ করতে যেত না! ভীষণ চাপে পড়েই কাজটা করে ফেলেছে বেচারা!'

'আয় যখন ভাল ছিল, ভাগ্নের পড়ার খরচের জন্যে, তার নামে ব্যাংকে অনেক টাকা জমা করেছে, জ্যাকবস মাসে মাসে,' বলল কিশোর। 'দশ হাজার ডলারের বেশি হবে। ব্যাংকের অণ শোধ করে দিয়েছে বব তার টাকা ধেকে। কিন্তু ব্যাপারটা এখন আর শুধু তার হাতে নেই। আরও কয়েকটা কেস বুলছে জ্যাকবসের মাথায়। পল মিনকে পিটিয়ে বেহুশ করেছে, মিস ল্যাটিনিমাকে বিষ খাইয়েছে, মিসেস ডেনভারের পাড়িতে বোমা ফাটিয়েছে। জানালা ভেঙে অন্দের ঘরে ঢুকে জিনিস চুরি করেছে, সেটা আবার কেরত দেয়ার কথা বলে দশ হাজার ডলার দাবি করেছে মালিকের কাছে। এগুলো মন্তব্য অপরাধ।'

'হঁ!' মাথা ঝোকালেন চিত্র-পরিচালক। 'আছা, ছায়াছাপদ কবে, কে মিটা অলিভারের কাছে নিয়ে আসবে, জ্যাকবস জানল কিভাবে?'

টায়ি বলেছে, 'বলল কিশোর। 'সেদিন সকালেই মিটা অলিভারের ঘরে ঢুকেছিল সে। ফোনে তাঁকে কথা বলতে শুনেছে মিকো ইলিয়টের সঙ্গে। মিশেজ ডেনভার জ্যাকবসকে বলেছিল, কুকুর আনার কথা। সে ব্যাপারেই টায়ির সঙ্গে তাঁর 'বলছিল জ্যাকবস। এক পর্যায়ে টায়ি বলে বলেছে, ওটা জ্যান্ত কুকুর নয়, ক্রিষ্ণারে ছায়াছাপদ।'

মূর্তি। অনেক দাম। কথায় কথায় তার কাছ থেকে ধৰণ বের করে নিয়েছে স্টকব্রোকার। তারপর মিউজিয়মে ঢলে গেছে। খৌজ নিয়ে জেনেছে, মূর্তিটা কে বানিয়েছে, কেমন মূল্যবান। ছায়াছাপদ সম্পর্কে সমস্ত তথ্য জেনে এসেছে শোগ্যালারি থেকে। মনে মনে প্র্যান তৈরি করে ফেলেছে। মিকো ইলিয়টকে অনুসরণ করে এসেছে গ্যালারি থেকেই। জানালা ভেঙে ঘরে চুক্তেছে মিকো ঘরে থাকতেই...'

'বেপরোয়া হয়ে উঠেছিল একেবারে!' মন্তব্য করলেন মিষ্টার ক্রিটোফার।

'হ্যাঁ। তবে ওর কপাল খারাপ, রাত্তার মোড়েই পুলিশ ছিল। তাড়া থেঁয়ে নিজের ঘরে এসে চুক্তে পারত, কিন্তু তাহলে ধরা পড়ে যেত।' গির্জাটাই নিরাপদ জায়গা মনে করেছে। ঠিকই মনে করেছিল। পুলিশকে তো ফাঁকি দিয়ে ফেলেছিল।'

'কিন্তু সে জানত না, সে-সময়ে মিষ্টার অলিভারের বাড়িতে হাজির তিন গোয়েন্দা,' বুক ফেলাল মুসা। মুখে হাসি।

'আসলেই তার কপাল খারাপ,' বলল কিশোর। 'ফাঁকি তো প্রায় দিয়ে ফেলেছিল। কিন্তু সে কি আর জানত, পুলে যখন মূর্তিটা ছাড়ছে, কাছেই ছায়াশরীরে দাঁড়িয়েছিল টমি গিলবার্ট?'

'টমি আছে এখনও ও-বাড়িতে?' জানতে চাইলেন পরিচালক।

'না,' বলল মুসা। 'বাড়ি থেকে বের করে দিয়েছেন তাঁকে মিষ্টার অলিভার। কাছেপিঠে ওরকম একটা প্রেতসাধককে রেখে শাস্তিতে থাকতে পারবেন না, বুঝে ফেলেছেন। পশ্চিম লস অ্যাঞ্জেলেসের কোথায় একটা বাড়িতে গিয়ে উঠেছে এখন সে।'

'ওখান থেকেও জ্ঞে আসতে পারে তার ছায়াশরীর?'

'পনেরো দিন হয়ে গেল,' জবাব দিল রবিন। 'এর মাঝে একবারও আসেনি, জানিয়েছেন মিষ্টার অলিভার। মিসেস ডেনভারকেও বিদেয় করে দিয়েছেন। তাড়াটেদের শাস্তি নষ্ট করবে তার ম্যানেজার, এটা কিছুতেই চান না। নতুন ম্যানেজার রেখেছেন। কমবয়েসী একটা মেয়ে। কারও সাতেও থাকে না পাঁচেও না। কাজ যা করার করে, বাকি সময় ঘরে বসে নিজের কাজ করে, বই পড়ে, কিংবা টিভি দেখে। যেতে পড়ে কারও সঙ্গে কথা বলতেও যায় না।'

'ঘাক, সব সমস্যারই সমাধান হল,' বললেন পরিচালক। 'একটা ছাড়া। বৃক্ষ ফাদারের ভূত...'

'ওটা কারও ভূত না,' বাধা দিয়ে বলল কিশোর। 'জ্যাকবসই ফাদারের ছন্দবেশে গিয়েছিল...'

'জানি,' হাত তুললেন পরিচালক। 'আমি সেকথা বলছি না। বলছি, শুজব আছে, গির্জায় ফাদারের ভূত দেখা যায়। যা রটে, তা কিছুটা তো বটে! কেন জানি

মনে হচ্ছে, কোথাও কিছু একটা ঘাপলা, আছে! কি দেখল, কাকে দেখল তামারা
ব্রাইস? সবই কি তার কল্পনা?’

‘হ্যাঁ, সেটা একটা রহস্য,’ মাথা ঝৌঁকাল কিশোর। ‘সবয় পেলে বোঝ করে
দেখব ভালমত। হয়ত রহস্যটার সমাধান করে ফেলতে পারব।...তো আজ আসি,
স্যার।’

‘এস,’ বললেন মিষ্টার ক্রিস্টোফার। ‘পারলে শিগগিরই ফানারের ভূতের সন্ধান
করতে যেও। আর, এর মাঝে নজুন কোন রহস্যের বোঝ পেলে জানাব। নাউ,
থ্যাংক ইউ, মাই বয়েজ।’

— ০ —